

**NATIONAL ASSEMBLY OF  
SEYCHELLES**

*Thursday 9<sup>th</sup> December, 2021*

*The Assembly met at 9am*

*National Anthem*

*Moment of Reflection*

*Mr Speaker in the Chair*

**MR SPEAKER**

Bonzour tou Manm. Bonzour nou *staff* pe asiste nou ozordi - nou telespektater e oditer ki pe swiv nou. E mersi pou zwenn nou pou en nouvo lazournen travay. Nou kontinyen avek *Appropriation Bill. Committee Stage - Sergeant* nou ava pas dan Staz Komite. E madanm raporter ou ava apel delegasyon ki pe atann nou pou *Public Enterprise Monitoring Commission*.

**PUBLIC ENTERPRISE  
MONITORING COMMISSION**

**MR SPEAKER**

Bonzour e byenveni nou delegasyon. Minis Finans Naadir Hassan. Sekreter Deta dan Minister Finans Patrick Payet e Mrs Ruth Pool *Senior Finance Analyst*. E lo kote *Public Enterprise Monitoring*

*Commission* nou annan son *Chief Executive Officer* Mr Georges Tirant, e Mrs Verona Rose *Chief Business Analyst*.

Nou'n pare pou konsider sa Bidze ki lo paz 193 ziska 197 pou en total R8 milyon 969mil.

Minis nou ava konmans avek ou lentrodiksyon. Mersi.

**MINISTER NAADIR HASSAN**

Mersi Mr Chairman. Onorab *Leader* Lopozisyon, Onorab pour Zafer Gouvernman, bann Manm Onorab e tou Seselwa ki pe ekoute bonzour.

Mon annan plezir pou entrodwir Bidze pou Komisyon ki sirvey bann lantrepriz piblik, *PEMC*.

Pou lannen 2022 Gouvernman pe propoz en Bidze apepre R8.969milyon, konpare avek R7.628milyon pou Bidze revize pou lannen 2021.

Sa diferans pe kouver R541mil pou saler e R800mil pou byen e servis.

Parey in anonse an Zanvye sa lannen, Gouvernman ti adopte *Ownership Policy* pou bann lantrepriz piblik, ki definir bann gran laliny lo rol Gouvernman konman propriyeter sa bann lantrepriz, rol e responsabilite bann *Board*

e osi rol *PEMC* dan son fonksyon sirveyans e odit.

An 2021 *PEMC* in prodwir plizyer rapor lo sa bann lantrepriz, ki'n ed Gouvernman pou pran bann desizyon lo sa bann lantrepriz. En rapor tre enportan i lo risk fiskal ki sa bann lantrepriz i ava anmennen pou Leta.

*PEMC* in fer plizyer lodit governans parey lo *PUC*, *SFA* e *FSA* e osi tou dernyerman lo *2020 Development Co. Ltd.* An se moman, *PEMC* pe konplet lodit lo *SNPA*. *PEMC* pe osi konklir son rapor lo bonn governans sa bann lantrepriz. E rapor lo performans sa bann lantrepriz pou lannen 2021.

Mr Speaker, pou adres bann difikilte ki *PEMC* i rankontre an term resours, Gouvernman in pran desizyon ki bann lenstitisyon ki raport avek Labank Santral, pa pou bezwen raport avek *PEMC*. Sa i ava permet *PEMC* pou konsantre son resours lo bann lezot antite.

Pou fer ki bann travayer *PEMC* i vin pli efektiv, Gouvernman pou byento soumet en nouvo Lalwa, ki pou govern bann lantrepriz piblik.

*PEMC* in osi konmans en travay avek Gouvernman *Americain* pou regard saler e

performans dan sa bann lantrepriz.

Mr Speaker Gouvernman i reste angaze pou donn *PEMC* sipor dan tou son louvraz, ki lobzektif prensipal se pou anmenn en benefis pou pep Seselwa. Mersi Mr Chairman.

### **MR SPEAKER**

Mersi Minis pou lentrodiksyon. E nou ava konmans kestyon avek Onorab Churchill Gill.

### **HON CHURCHILL GILL**

Mersi Mr Chair. Bonzour Minis ek ou delegasyon. Bonzour tou Manm. Mon kestyon i zisteman lo sa bann rapor enportan ki Minis in nonmen.

Mon premye kestyon i lo sa *Fiscal risk report*. Eski ou kapab dir nou ki kalite risk ki'n ganny idantifye konman *alarming*? E ki *PEMC* i anvizaze fer lo la? Sa i premye.

Dezyenm ou'n dir nou poudir ou'n *secure approval* pou *Ownership Policy and Dividend Policy for Public Enterprise Sector*.

Pou benefis piblik ki pe ekoute, kwa ki sa *OPDP* pou ed *PEMC* fer ki i pa ti kapab fer avan i ti ganny sa laprouvasyon?

E mon dernyen, eski donnen sa kantite lantrepriz ki anba *PEMC*, eski ou kapab dir nou ozordi dan sa Bidze, *sorry* ozordi ki kantite *asset to GDP in monetary terms* i *valued* pou tou sa bann *PEMC* ki ozordi i tonm anba tou sa bann lantrepriz ki tonm anba *PEMC*? Mersi.

**MR SPEAKER**

Mersi Onorab. Minis ou ava adres kestyon.

**MINISTER NAADIR HASSAN**

Mersi Mr Chair. Mersi Onorab pou ou kestyon. Mon ava pas laparol avek *CEO* pou reponn sa bann kestyon. Mersi.

**MR SPEAKER**

Mersi. *CEO* ou annan laparol.

**CEO PEMC GEORGES TIRANT**

Mersi Mr Chair. Mersi Onorab. Lo kestyon *Fiscal risk report*, nou annan sa dernyen ki nou'n fini *submit* ek Gouvernman pou lannen 2020, savedir lannen ki kont in ganny sertifye.

Pou bann *public enterprises* an antye, zot apepre 186poursan of *GDP*. Sa i fer apepre R38.3bilyon dan *asset base*, as at 31 Desanm 2020.

Lo *Ownership Policy* e *dividend*, i de Polisi ki ganny

sirtou *ownership*, i ganny rekomande par *World Bank* ek *OECD*. So sa ti en proze ki ti'n ganny travay lo la e son adoptasyon ki i pou anmennen an plis, se byento en nouvo Lalwa, *review of the PEMC Act*; donn en pe plis *compliance*; bann fonksyon pou *ensure compliance*.

Apre i pou osi *allow* nou pou fer *analyst* bann lenvestisman ki pe ganny fer *ok*? Sa i en lot.

Lot se osi pou *set en performance target*. E osi *monitor* e rapor lo sa bann performans *be it* finansyel e non finansyel.

Mon krwar mon'n reponn tou ou kestyon Onorab. Mersi.

**MR SPEAKER**

Tou ou kestyon. Wi Onorab Gill oule klarifikasyon?

**HON CHURCHILL GILL**

Wi mon ti annan zis en klarifikasyon, se sa sonm 38 bilyon ki sa bann *P.E.* i reprezante i ase sibstansyel. Eski ou kapab dir nou an term poursantaz *dividend* ki kantite ki Gouvernman pe benefisye an term *dividend*, donnen sa kantite *asset base* ki'n *build up over* tou sa bann *years*? Si zot annan sa *figures*. Mersi.

**MR SPEAKER**

*Thank you. CEO i ava kontinyen reponn.*

**CEO PEMC GEORGES TIRANT**

Mersi Onorab. Mon krwar i enportan pou nou regard sa bann lantrepriz dan zot fonksyon. I annan ki komersyal, i annan ki regilater ki avek serten portfolyo *investment*, anmas larzan parey *License fees* e i annan ki prodwir en servis.

Pa tou ki dan la mezir ki dan zot rol zot devret pe *profit base* ki pou donn *dividend*. Me selman i annan en serten group komersyal. E menm serten regilater ki *share* sa profi avek Gouvernman.

Nou konn byen poudir lannen 2020 in en pe difisil avek *COVID*, e apre bann labank ki ti ankor *still* pe *report* zot ti ganny direktiv pou pa pey *dividend*.

E 2021 osi, i *still* en lannen menm si ou pa ankor klotir lannen, i en lannen ki pa tro fasil.

So kote *total dividend* mon ava demann mon koleg Mrs Rose pou donn-

**MR SPEAKER**

Mrs Rose ou annan en sif silvouple?

**CHIEF BUSINESS ANALYST  
VERONA ROSE**

Mersi Mr Chair. *Total dividends* ki bann Lantrepriz Piblik in peye pou lannen 2020 ti R385milyon. Sa i ekivalan apepre 2poursan *GDP and* ekivalan apepre en poursan *asset base of* bann *SOEs*.

**MR SPEAKER**

*Thank you* Mrs Rose. Nou al kestyon swivan Onorab Michel Roucou.

**HON MICHEL ROUCOU**

Mersi Mr Chair. Bonzour a tous. Bonzour Minis ek ou lekip. Bonzour spesyal zabitan Mont Fleuri. *CEO* bonzour. Mon vwar poudir dan ou Bidze in sorti 7 milyon pou mont 8 milyon, si ou kapab dir nou en pti pe an detay lo la?

Apre anba ou stratezi ou dir poudir se ki ou bezwen fer plis *recruit* ek bann dimoun kalifye pou kapab *join* zot, pou ed zot, si ou kapab dir nou kantite *staff* zot annan, e kantite nouvo *recruitment* ki zot pe mazin pou fer. Mersi.

**MR SPEAKER**

*Thank you* Onorab. Minis si ou dakor mon ava pas kestyon avek *CEO* amwen ki ou lev lanmen ler ou anvi entervenir?

**MINISTER NAADIR HASSAN**

Wi Mr Chair. Mon *ok* pou CEO reponn. Mersi.

**MR SPEAKER**

*Thank you CEO carry on.*

**CEO PEMC GEORGES TIRANT**

Mersi Mr Chair. Mersi Onorab. Onorab si ou kapab repet ou premye *kestyon please*.

**MR SPEAKER**

Onorab klarifye silvouple.

**CEO PEMC GEORGES TIRANT**

*Ok mersi bokou. Lo budget increase i pa kot 7 milyon. 7 milyon letan i ti re amann budget regarding COVID, selman sa ki ti'n ganny budgeted an 2021 ek sa lannen i en pti pe plis.*

Me sa i pou par egzans pou *wages and salaries*. I *mainly* i pou kouver bann nouvo *requirement*. Par egzans nou annan *staff* ki'n ariv *Masters level*. Zot *marketable* i definitivman i monte.

E bann ki zwenn nou, ki zot pe ganny *housing allowance*. Petet nou annan *staff* ki pa ti *entitled* ganny sa *graduate allowance*.

Me sa ki nouvo in vini in gannyen, akoz i annan en

serten nonm letan e ouswa ki kad lo la. Sa i bann *major increase*.

Aprè nou annan kote i annan en bout ki nou prevwar ek sa konsiltan anba *US Grant*, dan lagreman nou bezwen pey *at least* akomodasyon. Pou nou kapab ganny sa *Grant*. So nou annan en larzan pou lwe en apartman pandan ki pou Sesel.

E aprè lezot *spending* i *mainly* lo kote *goods and services*. Nou pe par egzans pou kote *transportation*. Nou annan en plan lannen prosenn pou petet pou *carry out and audit* lo *IDC* par egzans. Nou bezwen prevwar *airfares* avek akomodasyon.

E byensir nou annan linyon ki an deor Mahé ki sa i en pti pe lo sa kote. Aprè osi pou nou annan *increase* dan *rent*, dan sans ki nou *landlord* ti donn nou en *reduction* pandan *COVID*. E an Zanbye nou pou re *go back to amount* ki nou ti abitye peye.

Wi aprè i annan en *rent* pou konsiltan parey mon'n koze lo kote lakaz.

Stratezi pou sa lannen nou pou napa nouvo *staff*. E byensir nou annan en *Scheme of Service* nou annan nou bann *cader*.

So nou annan serten *post* ki *vacant* ki nou pou bezwen rekrite apartir Fevriye.

Me dan Bidze menm napa nouvo *staff* ki pou konmans travay avek nou. Mersi.

### **MR SPEAKER**

Mersi *CEO*. Swivan Onorab Mondon.

### **HON TERENCE MONDON**

Mersi Mr Chair. Bonzour Minis avek ou lekip. Mon kestyon - mon premye kestyon i relye lo *the challenge* ki *PEMC* i pe rankontre an term kapasite imen. E la mon'n antann ki zot pa pe *recruit* dimoun lannen prosenn.

Me selman i annan en logmantasyon. Ler ou get *basic salary* logmantasyon i annan apepre R32mil par mwan. Mwan mon ti krwar en nouvo dimoun ki zot pe *recruit*. Me solman mon konpran kekfwa i al pou zot *Scheme of Service*.

Be mon konsernen mwan *Minister*, aköz *Public Enterprise* nou pe koz apepre Bidze Nasyonal zot reveni e menm sote. E i annan en nesesite pou nou met fer plis *oversight* lo sa bann lantrepriz.

Mon kontan ou'n dir ki bann sekter finansyel - bann lantrepriz ki dan sekter finansyel pou tonm anba *CBS*,

ki a *relieve* en pti pe Komisyon lo zot travay.

Me selman ler nou get *Ile Soleil a 2020 development*. Rapor ki sorti ki nou konnen napa ase *oversight*. Napa ase e larzan piblik i ganny abize. E la nou pe get rapor *Budget Report 2022* ki *PEMC* in fer, i annan plizyer. Zis 17 ki'n *submit* zot Bidze finansyel pou 2022 ; - parmi 22 antrepriz zis 17.

E sa 5 i pa'n *submit*, i enkli *Nouvobanq* ki enkli *Port Authority*, i bann lantrepriz ki zer en kantite larzan piblik. E mon anvi konnen aprezan ki aksyon ki *Minister* i pran ler bann antrepriz pa *submit* zot prozeksyon Bidze? Aköz ou bezwen sa prozeksyon *tax* pou kapab fer rantre osi ki *Minister Finans* i bezwen.

Alor ki *Minister* i pe fer pou kapab *deal* ek sa sityasyon *recruitment* annan plis dimoun pou fer sa travay dan *PEMC*?

Epi i annan en defi osi lo bann *data* ki bezwen *manually input*. Ki zot pe fer pou kapab moderniz en pti pe, pou fer sir ki nou kapab met en pli en lizye pli for lo sa bann antrepriz, pou nou pa vwar nou dan bann sityasyon kot larzan piblik i ganny abize parey nou pe vwar i arive. Mersi Mr Chair.

### **MR SPEAKER**

Mersi. Minis wi mon vwar bann kestyon in adres spesifikman en pe lo ou.

### **MINISTER NAADIR HASSAN**

Mersi Mr Chair. Mersi Onorab pou ou kestyon. Onorab mon ti ava kontan fer sa detrw pwen lo kestyon ki ou'n demande.

Premyerman wi nou aksepte poudir nou *still* bezwen plis *human resources* dan PEMC. E i enn bann landrwa priyorite ki *once* ki sityasyon bidzeter i *improve*, nou pou fer alokasyon plis *staffing* pou PEMC, akoz sa i en *major risk* lo Bidze.

Me selman *at the same time*, nou, nou bezwen gete ki manner PEMC i vin pli efektiv dan egzekisyon son manda. E la ki ou vwar ki parey i ti pou kapab annan diplikasyon kot Labank Santral i fer *oversight*, PEMC i fer *oversight*;- kot la nou dir be *ok* pou *release* en pe sa resours, tir sa *duplication*, me annan en *MOU between the two* lenstitisyon ki travay ki Labank Santral i fer lo bann lenstitisyon finansyer, i ganny *share* avek PEMC e *ultimately* ek Gouvernman. So sa i anmenn plis efikasite.

I annan bann proze *digitalization* ki kekfwa CEO i kapab donn en pe legzanp, ki

nou pou kontinyen *again* pou fer son louvraz pli efektiv.

E kot i annan osi posibilite - ki nou'n konmans diskisyon se ki, i ava kapab annan bann odit spesyalize ki li i kapab ganny *outsource*, pou ankor *facilitate* louvraz ki PEMC i fer.

Me i annan en keksoz parey ou'n mansyonn Ile Soleil or lezot. Kekfwa ou pe dir *lack oversight*. Be mwan louvraz ki PEMC in fer ki mon'n vwar? PEMC in leve bann konsern oparavan.

Savedir i pa ti ki ti napa en *oversight*. Ti annan en *oversight*. Konsern in leve me i pa neserman okenn keksoz in ganny fer.

Me selman la mon krwar kot avek lamannman Lalwa ki nou pe propoze pou boner lannen prosen, ki PEMC i ganny en pe plis ledan pou pran aksyon. E sa osi i adres bann *issue* ki ou'n leve, ki poudir be si parey bann *submission document* pa ganny fer lot, lot, i ava annan sanksyon ki vin avek sa.

So i en reform ase konpreansiv ki adres egzaktaman bann *issues* ki ou'n leve. Mersi.

### **MR SPEAKER**

Mersi. CEO ti annan keksoz pou adrese lo la.

**CEO PEMC GEORGES TIRANT**

Mersi Mr Chairman. Parey Minis in dir, selman en pe pli an detay nou pe al bokou dan *automation*, en *automated data*. E sa lannen - *recently* la nou'n ganny nou en etranze, en *expert* ki son madanm i annan en kontra avek en *NGO* ki an deor *public enterprises more to do it environment*. Kot li in deza travay dan menm fonksyon ki nou ti pe fer dan son pei. E vi ki i Sesel pou tou son vakans in menm propoz nou pou asiste nou *pro bono*. Savedir pou naryen.

So sa i pou montre petet kot zot pe pran bokou letan dan fer rantre *data*, nou kapab al en pti pe pli vit, al en pe pli *focus* lo nou *analysis*. So-

Me selman tou fason lot kote ler nou fer nou bann lodit, i osi al kot Gouvernman e aksyon in ganny pran. Paret sa lannen nou'n fer lo 2020 se la kot nou'n donn sa 2 Minis, Minis Finans ek Minis responsab e zot, zot manda i pou demann lezot Lotorite pou *carry out investigation* ki an deor nou manda.

Me selman nou'n fer pa mal sa lannen anba bokou presyon. E nou pe konklir. E tou fason nou demande ki aksyon i ganny pran *from* sa

bann - par egzanp bann *Board*. Anba nouvo Lalwa annan aksyon bezwen ganny pran ek bann *Board* ek bann *management* letan keksoz pa marse. Mersi.

**MR SPEAKER**

*Thank you CEO*. Kestyon swivan Onorab Loze.

**HON JOHAN LOZE**

Mersi Mr Speaker. *CEO* mon pe sey konpran en keksoz, Minis dan son prezantasyon in dir nou ki ou pe konmans en travay avek Gouvernman *American* pou regard saler e performans bann *public enterprises*.

Mwan ki mon pe sey konpran, eski ou deza annan larzan dan ou Bidze la an se moman, ouswa eski ou pou bezwen larzan dan lefitir pou fer sa bout regard performans?

Akoz deza mon vwar zot pe fer sorti bann kominike, ki tous lo *bonus* performans travayer!

Alors sa ki on anvi konpran se ou lo ou kote, eski ou deza annan travay ki'n ganny fer? Ou annan data ki'n enform Gouvernman lo sa bann keksoz, ouswa i zis ki ou ou'n ganny servi konman en fakter pou anmenn en let devan? Mersi Mr Speaker.

**MR SPEAKER**

*Thank you* Onorab. Minis si oule pran laparol, oubyen ou ava pas lo *CEO*?

**MINISTER NAADIR HASSAN**

Mersi Mr Chair. Mersi Onorab pou ou kestyon. Mon ava pas ek *CEO*, akoz zis i ava montre poudir napa okenn - i pa pe ganny servi dan okenn fason. Mersi.

**MR SPEAKER**

Mersi. *CEO* ou ava adrese please.

**CEO PEMC GEORGES TIRANT**

Mersi Mr Chair. Mersi Onorab pou ou kestyon. Mon krwar i tre valab. Lannen 2021 pandan *COVID* nou'n fer serten travay parey mon mazine zot konnen, lo kote en pti pe performans ek redwir ek saler dan *management* lo bann *Public Enterprises*.

E *from* la nou konnen osi nou resours i limite kote- e osi nou kapasite. So apre ki nou ti'n ganny sa premye *Grant* avek *US Government*, mon'n tap laport ankor Lanbasad *Maurice* kot in lyez nou avek *Treasury* dan *United State*.

E i annan de konsiltan ki pe travay lo la pou en nouvo louvraz. Se zot ki pou *sponsor* en *assess...* en pti git get bann

*performance indicators* ki mannyer ou *set* dan bann sektè, e lo la aprezan travay lo en *framework*. Ozordi sakenn i fer en pti pe dan son fason. I enportan selman nou pa kapab ziz tou parey. I annan diferan kalite sektè.

So sa travay i pou ganny fer e si i ganny aprouve en - si i ganny aprouve par *Gouvernman Americain* dan zot Bidze, i ava ganny fer. Me selman definitivman letan i pou annan aplikasyon nou pou bezwen *staff* ki pe get *investment*, pe get sa bann *performance monitoring*, nou pou bezwen plis *staff* lo sa kote.

Lo kote mon pe mazine ou pe koz lo sa ki pe pase lo *social media* - bann sirkiler ; - rol *PEMC* son premye rol se pou protez lenterè bann *shareholders*.

Ok *Gouvernman* lo papye i *shareholders*. I travay *main shareholders of* sa bann lantrepriz. Me solman *the ultimate owners*, i Lepep Seselwa, nou pep nou tou. Sa i zot ki- Prezan nou bezwen regard performans.

E nou louvraz pou *assess* zot performans, *assess* konbyen *dividend* zot kapab peye. Si *Gouvernman* pe demann en pe an tro, kapab dir sa i pou afekte zot

lenvestisman. I osi nou louvraz poudir be sa lannen i enportan pou petet regard zot sityasyon finansyel si zot pou kapab peye bann keksoz, ki ti abitye peye parey bann *bonus*.

So, i pa vedir ki'n dir pa peye. Gouvernman li i pran nou rapor zot ankor dan diskisyon pou fer desizyon lo la.

Selman i pa pe ganny servi akoz nou, nou en antite ki fonksyonn en pti pe dapre manda ki nou ganny demande.

E petet nou anvi al pli lwen. Par egzanp nou koz lo Bidze, nou Lalwa i pa dir nou zis analiz Bidze tou le lannen donn Gouvernman. Nou Lalwa i dir nou analiz Bidze get son *viability e advice* sa bann *Board accordingly*.

Me ozordi ek resours kekfwa i pa fasil e nou bezwen angaz zot avek sa bann ant repriz ki zot konmans prepar zot Bidze boner. E sa i enportan, akoz si ou pou al kot sa *Board* apre pou al kot Gouvernman e pou ou vin devan Lasanble Nasyonal, dan sa liv Bidze.

So i bann louvraz ki i form *part*, ki nou pe met an plis e *by the time* ki nou tir en pe presyon lo kote antre data, sa i pou permet nou fer lezot nou bann *staff* fer nou bann *analysis* parey Lalwa i demande. Mersi.

### **MR SPEAKER**

*Thank you CEO.*  
Klarifikasyon Onorab Loze – wi?

### **HON JOHAN LOZE**

Zis en pti klarifikasyon. *CEO* mersi pou ou larepons tre kler. Mon premye klarifikasyon ki mon ti pe gete, eski i annan - ou pe dir mwan zot in fini fer travay pou get kad zesyon - *management*.

Eski zot in konmanse ouswa zot in deza fer en travay pou get labaz travayer dan bann *public enterprises* si zot in fini fer sa?

E mon lot kestyon ki mon pe poz ou, eski zot in fini fer *performance assessment* pou gete? Zot in annan data zot in *supply* Gouvernman data deza, lo si bann *public enterprises* i kapab pey serten benefis fen dane, labaz travayer lafen sa lannen ki nou ladan la? Mersi Mr Speaker.

### **MR SPEAKER**

*Thank you Onorab. CEO*  
nou ava pas briyevman lo la.

### **CEO PEMC GEORGES TIRANT**

Mersi Mr Speaker. Mersi Onorab. Kote - *anyway* sa travay parey pou regard en pe *management*, me osi pou al pli ba. Se la kot ou pou kapab

*advice* sa bann *Board*, akoz *HR management* i for dan lakonpanyen pou regard labaz.

Akoz ou pa kapab annan *top management* pe vreman ganny byen peye. E labaz petet son saler i vreman ba. So i en travay ki pou bezwen letan ou pe fer pou *management*, ou pa pou kapab ekskli bann baz travayer. Akoz ou pe koz lo *performance targets*, ou pe koz osi ki dekoul *from the CEO down to the messenger*. So sa i devret pe ganny fer.

Kote *performance* wi nou bann data nou'n kolekte pou lannen 2021, nou konpar li avek 2020, 2019 *as a 31st December, September, sorry. 31st September 2021*. Nou'n analiz li. Nou'n demann sa bann antrepriz lekel ki pe antisipe *bonus*, lekel ki pa pe antisipe.

E *from* la nou regarde nou fer en *analysis from* zot performans, lekel ki ganny asiste par Leta dan sens pandan *COVID* pou pey saler? Lekel ki pe ganny *loan*? Lekel ki pe ganny *subsidy*?

E nou, nou kapab *from* la nou donn bann rekomandasyon. Nou pa pran desizyon. Me sa desizyon a bezwen ganny pran par *the shareholder* pou *advise* bann

*Board members of* sa bann antrepriz *accordingly*, pou zot kapab pran en desizyon.

### **MR SPEAKER**

*Thank you CEO*. Kestyon swivan i pou Onorab Gervais Henrie.

### **HON GERVAIS HENRIE**

Mersi Mr Chair. Bonzour tou dimoun. Mr Chair mon rekonnèt ki Minis in dir poudir *PEMC* in fer bann lodit gouvènan e rapor performans pandan sa lannen. E in osi koz lo nouvo Lalwa avek travay ek Gouvènanman *Amerïcain* ki *PEMC* pou fer.

Sa ki mon anvi demann *CEO*, se ki si i satisfè ki Bidze ki pou gannyen pou lannen 2022? E osi *forecast* ki'n ganny mete pou 2023 e 2024, pou permet li fer sa travay ki'n ganny dir dan prezantasyon lentrodiksyon Minis, dan sa peryod ki ou *strategy priorities* i ale?

Setadir 2022 a 2024, eski ou satisfè poudir larzan ki ou sipoze ganny *allocate* avek, pou permet ou fer sa? Sa i mon premye pwen.

Dezyenm pwen i konsèrn latab 5, e pwen 4 dan latab 5 lo paz 197 dan Bidze ki koz lo *compliance* bann *SOEs* avek *Code of governance*.

Ou pe prevwar 30poursan pou lannen prosen. E on anvi demann ou, ki bann kriter servi pou met sa target? Akoz ler mon lir sa la konversasyon avek *DPA* vizavi bann *MDAs* pe rezonnen dan mon latet.

Se ki si bann *MDAs* ki parti *the executive branch of Government* i teti pou bouz osi vit, *what about* bann *SOPs* ki dan lepase e ziska ozordi serten pe ganny dekrir konman bann pti lanpir, pou *comply* avek lavites ki ou, ou anvi? Mersi.

### **MR SPEAKER**

Mersi Onorab. *CEO*.

### **CEO PEMC GEORGES TIRANT**

Mersi Mr Chair. Mersi Onorab. Wi kote Bidze definitivman nou pa pou kapab fer tou sa ki nou anvi fer. *Even* nou annan *automated data* nou pou bezwen *human resources*, akoz par egzanp la nou'n *design* en nouvo striktir. Parey nou pe koz anba *Ownership Policy* anba Lalwa nou pe koz lo *investment and divestment*.

Nou pou bezwen letan nou *shareholder* pe pran en desizyon, i bezwen annan *analysis*. Ozordi i - mon bezwen dir, sa lannen nou met en ta presyon lo nou bann *staff*.

I annan *staff* ki pe travay ziska aswar. I annan *staff* ki pe al kot lakaz ek travay!

Mon koleg Mrs Rose *over the weekend* la le 8 Desanm i pe al konze, in bezwen al *proofread* e *assess* tou bann rapor. Kote annan fot dan *data* refer bann *officers* re travay lo la.

Lo sa kote mon krwar ki nou konpran sityasyon pei. E mon envit Gouvernman *as* nou *Principal* e osi Lasanble, pou mazin en pti pe regard sa kantite *enterprises*. Regard zot lenpak lo pei, regard osi zot *asset base* parey nou'n koz lo la.

Vwar lenportans sa antite. E si nou ti'n met sa antite donn li sa lenportans, donn li son bann *performance indicator*. *The Ownership* i pa koz zis lo bann *public enterprises*. I koz lo *PEMC*. Nou bezwen annan -

Minister i bezwen set nou *nperformance targets*, konpran? I zis parey annan ler zot dir mwan fer mon *performance target*. Mon kapab deklar sa ki mon anvi. Me malerezman mon ekkir keksoz ki dan laliny mon travay erezman.

Me i bezwen ganny set e ganny *monitor*. E Lasanble dan nouvo Lalwa i en *key* konponan ki nou'n mete, kot nou bezwen parey ek *FPAC* serten rapor i vin kot zot. Kapab kestyonn nou.

E sa i enportan, me solman ankor enn fwa nou konpran sityasyon pei e lannen prosenn pou napa nouvo *staff*. *Hopefully* nou ava kapab *recruit* sa 2 ki *vacant* ase vit.

E selman 2023/2024 mon ti ava kontan vwar en komitman kot nou ganny sa resours. E an menm tan nou pe osi pe revwar en pti pe noy bann *cost internally*, kot nou kapab fer li. So sa i en lot pwen.

Lo kote - dan *Code* preske aneife mon premye lannen ki nou'n konmans travay lo la i vin an aplikasyon. Anba *Code* i annan en provizyon kot nou bezwen rapor Prezidan Larepublik lo lenplimantasyon sa *Code*. Sa lannen byento la nou pe finaliz sa rapor. I en pti pe kot ou pou vwar manner nou pou amelyor li.

Sa sif 30poursan i en pti pe petet nou met li aköz nou konnen sityasyon. Parey la nou'n fer nou'n koz lo risk taler. Nou'n travay lo en *risk metrics* pou nou vwar bann risk ki annan dan sa bann lantrepriz.

Nou pe regard osi en pti pe zot ki manner zot *internally* zot *compliance structure* i été, zot konpar *framework*. Nou pe get konbyen ki annan *internal auditors*.

Prezan lannen prosenn enn nou bann stratezi, se

travay avek sa bann *internal auditors* zot vin nou zorey nou lizye. Nou pa bezwen zis -. Letan mon ti zwenn *PEMC* ler ou ganny dir al laba, al laba nou nek -. Ti annan en ptingin *staff*. Ti annan zis 5 *staff* sa lepok.

Me nou anvi letan nou servi sa *risk frame based assessment*, nou konnen lekel lantrepriz ki nou bezwen *focus* lo la. So sa. E kote *compliance* pa forseman de fwa ki zot pa anvi *comply*. Petet en lot louvraz nou bezwen fer ek bann *Board*, sey fer zot konpran pou fer *management* konpran, par egzanp ou *accounting section* i bezwen byen prepare.

Ou pa kapab annan en sel dimoun ki pe fer *accounts*, ki manner ou pou annan en *meeting Board quarterly* en legzanp ou pa pe get ou *financial statements*? Ou pa pe fatig ou ek Bidze e la i en travay pou fer ek bann *Board*.

E nou'n konmans avek *TGMI*, se travay ek bann *Board members* pou annan en *register*, ki zot konpran ki zot responsabilite en legzanp anba *Companies Act*. Anba *PEMC Act*.

Ki manner *as* en *Board member* - petet si ou napa sa konpetans *financial literate* konmsi, ou kapab gannyen. *At least* ou konpran *the basic*. *At*

*least* ou kapab poz kestyon *CEO* ek son *management* letan i vin prezant dokiman. Mersi.

**MR SPEAKER**

*Thank you CEO.* Onorab Aglae kestyon.

**HON EGBERT AGLAE**

Mersi Mr Chair. Bonzour Minis ek *panel*. Minis ou'n fer resorti ki i annan bann odit ki pe ganny fer. Mon ti a kontan petet demann ou premyerman, eski tou sa bann lantrepriz pe ganny odit? Ouswa i annan zis serten ki pe ganny selekte pou *for auditing purposes*?

Dezyenm Minis eski ou satisfè petet, ouswa eski pou annan serten devyasyon lo kot i konsern misyon e vizyon sa bann lantrepriz? Akoz zot ti ganny *set* pou serten *purpose* o komansman. Eski ou satisfè ouswa i annan serten sanzman ki bezwen ganny fer pou kapab petet fer zot vin pli prodiktiv e anmenn plis benefis? An tou ka i larzan lepep sa.

E dernyen, i annan *Board allowance* ki mon pe gete i annan logmantasyon, eski ou kapab petet donn nou en pti leklersisman lo sa logmantasyon, kot i konsern *Board allowance* pou *PEMC*? Mersi.

**MR SPEAKER**

*Thank you.* Minis i a komanse.

**MINISTER NAADIR HASSAN**

Mersi Mr Chair. Mersi Onorab pou ou kestyon. Lo premye kestyon *regarding* lodit, i enposib pou odit tou antite dan en lannen. Savedir bann kriter ki dir ou ki antite ki ou pe al odite sa lannen. Savedir ki ou servi en *risk based framework* e dir vre risk i la, la kot mon *focus* mon lodit.

Kekfwa mon a pas ek *CEO* apre pou donn en pe plis leksplikasyon ki mannyer i fer son *audit plan for the year*.

Lo dezyenm kestyon pou ki vizyon, misyon e manda. Mon krwar tou *SOEs* ki i annan son misyon ek son manda. Me as en pei i progrese, lekonomi i evolye kekfwa i annan nesesite pou *tweak*.

Ouswa i annan *SOEs* ki parey i annan serten ki nou'n fermen kekfwa ki son rezondet nepli la, so ou arete.

Me mwan mon sa se ki nenport ki *entity* nou bezwen kontinyelman get son rezondet, e baze lo la si nou bezwen amande nou amande. Lo trwazyenm kestyon sa mon ava les *SS* reponn lo *Board allowance*. Mersi.

**MR SPEAKER**

Mersi Minis. SS ou ava azoute e rebran.

### **SS PATRICK PAYET**

Mersi Mr Chair. Mersi Onorab. Bonzour tou Manm Onorab e tou dimoun ki a lekout. Mr Chair lo kote *Board allowance* i zis ki 2021 ti annan en *budget cut* akoz ki kantite manm ki i ti annan konpare avek 2022. Me selman *increase* tou bann *Board allowances* pou 2022 pe reste parey. Pou napa en revizyon dan son sonm. Sa i pe reste parey. Mersi Mr Chair.

### **MR SPEAKER**

Mersi. *CEO* ti annan kestyon pou kontinyen. *Yes*.

### **CEO PEMC GEORGES TIRANT**

Mersi Mr Chair. Mersi Onorab. Kote *audit plan* parey Minis in dir li, sak lannen nou prepar apepre konbyen petet en 5 antite ki nou ti ava kontan regarde. Nou servi plizyer kriter dan labsans ki nou *risk matrix* pa ankor finalize, enn petet i eski in ganny odite *recently or not?*

Lot nou regard osi son *compliance status*. Par egzantp si ou pran en konpanyen ki petet i napa ase *Board* parey Lalwa i demande, nou ekrir definitivman Minister Konsernen, akoz nou napa pou

le moman manda dan lapwentman bann *Board Members*. Nou osi ekrir *Cabinet Affairs*.

So si nou war poudir sa pa ganny fer, aprezan osi pe ganny difikilte pou *submit* bann lenformasyon e nou war - la nou petet nou deside pou nou *carry out* en lodit pou konpran sityasyon e *advise* Gouvernman.

So tou le lannen nou annan - prezan nou evite parey letan mon ti dir ou komansman - pou al partou. Me selman nou *assess* osi risk. Menm si nou ganny en konplent i pa vedit ki nou bezwen *assess* sa konplent. Nou gete ki lenpak i pou annan lo sa *P.Es* lo *budget* li menm.

E byensir zot bann akoz *compliance* avek pa zis nou Lalwa, i annan *PFM Act and Regulations*, i annan *Procurement Act and Regulations* ki nou regarde i tonm anba nou, pou nou regard nou bann lantrepriz. Mersi.

### **MR SPEAKER**

*Thank you CEO*. Kestyon swivan, Onorab William.

### **HON WAVEN WILLIAM**

Mersi Mr Speaker. Bonzour tou dimoun ki a lekout. Bonzour Minis. Bonzour *CEO* avek zot

lekip. Mon ti a kontan demann Minis or CEO lo program 2 *public enterprise performance* i annan latab 5, i annan 2 latab e zot mete ki “*targets to be set once baseline is established*” anba ‘*indicator*.’

So mon anvi konnen par egzantp enn i ti dir 2021, la nou lafen 2021 mon anvi konnen si *the baseline target* in fini ganny etabli? Epi lo dezyenm latab ankor sa *baseline targets* i sipoze ganny etabli depi 2019.

So mon anvi konnen ki zistans nou ete si nou'n fini *achieve* sa, ouswa nou ankor *in the process* pou etabli sa bann *baseline*? Mersi.

### **MR SPEAKER**

Ok. Mersi Onorab. CEO i ava adrese – wi?

### **CEO PEMC GEORGES TIRANT**

Mersi Onorab. Mon'n ganny pou *baseline targets* pour - *is it with the performance*? Mon krwar *performance* mon'n ganny li, selman sa lo dezyenm mon pa'n tro sezi.

### **HON WAVEN WILLIAM**

Sorry. Wi anba dezyenm latab osi zot mete poudir i annan “*target to be set once baseline is established*.” E sa ti'n ganny mete pour 2019 me i pe reflekte la. Mon anvi demande si sa

travay la i ankor *in progress* ouswa travay in fini konplete? Mersi.

### **MR SPEAKER**

Thank you. CEO ou'n ok?

### **CEO PEMC GEORGES TIRANT**

Mersi Onorab. Kote *performance target* son *baseline* nou ti pe ekspekte li set li an 2020 avek lasistans *World Bank*, me malerezman avek *COVID* sa bann proze nou met *on-hold and* nou, i pa ankor ganny set.

Me selman la vi ki pou annan, si nou ganny sa *Grants* avek Gouvernman Ameriken, sa lasistans petet zot a dan en pozisyon pour travay lo *performance*, letan zot pe regard osi *salaries in the SOE sector, peer sector*. Akoz tou lede i mars ansanm.

So nou ekspekte nou pe priye ki nou a ganny sa led ek sa asistans ek Gouvernman Ameriken. Mon pe mazine letan ou pe koz lo ou ti pe koz lo *number 4* sa dezyenm dan dezyenm latab non, *Code of governance*?

Nou'n komans en travay pou nou kapab sey sa *baseline*, e sa ki *advice* nou'n gannyen avek nou korespondan avek *DPA*. E i en travay ki *ongoing*.

**MR SPEAKER**

*Thank you. Mersi CEO. Swivan Leader Lopozisyon, Onorab Pillay.*

**HON SEBASTIEN PILLAY**

Mersi Mr Chairman. Bonzour Minis e bonzour CEO e bonzour tou dimoun ki a lekout e tou koleg Onorab.

Mr Chairman mon oule vin lo sa morso dan Programm *PEMC* e sa se *Public Enterprise Performance*. Pli boner Onorab Loze ti *raise* en kestyon vizavi ki lenteraksyon ou annan avek bann antite, avan ki ou *issue* oubyen *PEMC* i *issue* bann kominike *ok*?

E avek larepons ki Onorab Loze, mon ti a kontan ou anmenn serten presizyon pou nou kapab konpran. Akoz ler mon pe get ou annan en Bidze for zis pour saler, me mon pa war en Bidze ki al an detay pour kapab anmenn plis lenformasyon lo regard performans sa bann antite.

En keksoz ki pe pase dan domenn piblik se ki *PEMC* in *issue* en let avek par egzanp bann antite, e enn bann antite se *PUC*. Ki'n re *issue* en let avek son bann travayer pou enform li *regarding bonus*. Ou let pa dir avek *PUC* fer en *assessment* avan i fer en desizyon.

Ou let i dir ek *PUC* koumsa Gouvernman in pran en desizyon, pa fer naryen ziska ler ki *Cabinet* i pran en desizyon. *PUC* in *issue* en let e in dir i pa pe peye, konmsi ennler-? Prezan kestyon Onorab Loze sete, eski ou *focus* i zis lo L'Egzekitiv dan sa bann travay, dan bann landrwa? Oubyen ou *focus* i devret osi lo bann lezot anlwaye pli ba ki fer sa bann lorganizasyon marse?

Si *Port Authority* i ava enkli son bann dimoun ki travay lo remorker, son bann dimoun ki travay lo por;- si *PUC* i ava enkli *linesman*, travayer *water and sewage*, travayer kot elektrisite. Dan labsans annan sa dyalog e ler Gouvernman i zis *issue* en let, eski nou pa krwar i pou annan en reaksyon *from* travayer *regarding* en let ki zot in gannyen?

So petet eski ou kapab klarifye ki fason ki sa let in ganny *issued* ek *PUC* e dan ki konteks in ganny *issued*. E ki resers anba sa Bidze pe permet ou, ki sa Bidze i permet ou fer avek sa bann lakonpanyen pou vwar si zot pozisyon fiskal i permet zot donn serten sa bann peyman avan ki ou *issue* sa let? Sa i enn.

Mon dezyenm kestyon petet si mon adres sa ek Minis. Minis mon oule ou konpran

byen mon kestyon mon pa oule ganny war konmkwa poudir mon pe fer fason pou *corner* Minis, oubyen eksetera. Mon bezwen met sa an konteks Mr Chairman akoz mon pa oule al dan en deba politik mwan.

**MR SPEAKER**

Tre byen.

**HON SEBASTIEN PILLAY**

Avantyer Mr Chairman ler mon ti demann Minis pou Lendistri en kestyon lo son *plan B* pou *regarding* sa proze ki sipoze ganny fer par *Saudi*, akoz mon ti pe kalkil bann 136 laplikasyon pou bann dimoun ki pe fer mekanik ozordi dan bann distrik, en pake problem toulezour tou dimoun pe *call* ou, mon ti pe mazin sa.

E Minis ti reponn mwan, mwan mon santi dan en fason arogan, si zot war 50milyon zot pou ganny plizyer sa ?

**MR SPEAKER**

Non-non pa bezwen al ladan. Al lo ou kestyon Onorab.

**HON SEBASTIEN PILLAY**

Non-non, mon pe dir Mr Chairman ki mon kestyon pou Minis safwasi se i vin dan sa laliny ; - Minister vi ki nou'n pas Lalwa ki'n *annul* trezyenm mwan saler pou sa lannen, me

en konponan dan sa Lalwa ti dir ki bann konpanyen i a regard, *regarding* peyman *bonous*.

Eski ler nou ti pas sa Lalwa e sa konponan ki *regarding* peyman *bonous* oubyen peyman *end of term dues* pou bann lakonpanyen, eski nou ti pe fer li pou tou antite gouvènmantal, oubyen nou ti pe les bann antite gouvènmantal parey *PUC* e lezot, pou fer en determinasyon vizavi zot pozisyon fiskal? Sa i mon kestyon pou Minis.

*And then* pou Minis, sa let ki *PEMC* in *issue*, i dir koumsa poudir *until Cabinet* i fer en desizyon, eski *Cabinet* i annan plan fer en desizyon avan lafen lannen lo sa size *bonous* pou bann *public enterprises*?

E eski *PEMC* in ganny *involved* dan preparasyon en travay *in-depth*, pou vwar si pozisyon fiskal sa lakonpanyen i permet li pou pey son bann travayer *bonous*?

Mwan mon pe fer sa akoz *obviously* travayer pou reakte avek sa. Mon pe zis *save* nou tou en lanbarasman pou nou kapab vwar si i annan keksoz ki kapab ganny fer.

Mon lot kestyon ki mon oule demande, e ki mon bezwen demann en klarifikasyon lo la en? Nou'n koz lo atraver *PEMC* i annan en logmantasyon pou

pey bann dimoun ki ganny *Masters* e i annan en *5 percent supplementation* ki ankor lo Bidze.

Sa *5percent supplementation* ti ganny zete par mazorite ki ti dan Lasanble, dan sizyenm Lasanble. Me in ganny garde ;- savedir sa ki ti zet li i dakor ek li ozordi, napa problemm. Prezan nou pa pe donn *long service allowance*, e *long service allowance* in vin en sityasyon kot si ou'n ganny sa 20an la ou pa pe ganny ditou ankor la, e pou annan en *back dating* ki pou ariv e pou *increase son cost as you go along*.

So mon kestyon pou ou, koman *CEO PEMC* an sa ki konsern bann travayer ki dan bann lantrepriz, ki parfwa i ganny konsidere *as being lo nominal role* Gouvernman.

Eski ou osi regard dan lentere, ki travay ou fer pou regard dan lentere sa bann travayer spesifikman, bann ki *obviously* napa *Masters*, bann ki pa kapab *afford* al konze le 8, ki pou kontinyen travay ziska lafen lannen, pou travay ankor komansman lannen prosenn. Eski ou enterakte a sa nivo avek bann travayer dan bann lorganizasyon pou vwar?

Akoz ler mon pe get ou Bidze Mr Chairman, mon pou

regarde Bidze *PEMC* dan sa konteks i R4.4.16milyon ki al zis dan *wages and salaries*, e apre sa mon vwar 140mil dan *acquisition of equipment*, mon vwar 90mil dan *training fees*. Mon pa pe vwar petet anba son *goods and services in regards to consultancies* oubyen bann lezot travay kapab ganny fer par *PEMC* pou donn li plis baz lenformasyon ler bann desizyon in ganny pran? Mersi Mr Chairman.

### **MR SPEAKER**

Mersi Onorab. I annan plizyer kestyon la, e plizyer i pli larz ki Bidze *PEMC*. Ou ava apresye nou pa pe antre dan en deba ant ek Minis la. Me Minis i a eklersi sa ban pwen otan ki i kapab. Minis ou annan laparol.

### **MINISTER NAADIR HASSAN**

Mersi Mr Chair. Mersi Onorab. Ou konnen sa *issue* saler, trezyenm mwan, *bonus* i toultan en *issue* ki *unfortunately* i ganny servi pou bann politik popilis. Me selman mon a reponn, mon krwar mon ava donn en pe klarite lo sa *process* ki nou'n war in arive.

Gouvernman ti *annul* trezyenm mwan *ok?* So Gouvernman i pey trezyenm mwan. Prezan i vin dan laporte L'Exzekitiv poudir ki serten

*SOEs*, zot, zot pa pey Trezyenm Mwan ouswa *even* plis ki en Trezyenm Mwan.

Gouvernman i dir ek *PEMC* get kondisyon finansyel sa bann *entities* ki zot profi, ki zot *dividends* - kantite sibvansyon zot in gannyen anba Bidze, fer en analiz e prezant ek Gouvernman avek rekomandasyon lo peyman Trezyenm Mwan avek bonous. Nenport ki Gouvernman responsab i devret fer en keksoz koumsa.

Mon krwar ou dakor avek mwan sa, Onorab. I dir avek *PEMC* ale fer en evalyasyon. *PEMC* in prezant sa ek *Cabinet*. *Cabinet* i dir ek *PEMC* i annan serten lenformasyon adisyonnèl ki i ti a kontan gannyen avan i pran en pozisyon lo la.

E nenport ki Gouvernman responsab e mon met sa *emphasis* lo Gouvernman 'responsab' i bezwen fer en keksoz koumsa.

E ler *PEMC* i fini e *PEMC*, *CEO* i kapab dir ou li menm pa ki nou servi li, ki li i vin ek son rekomandasyon, son rekomandasyon obzektif ki i donn Gouvernman. So sa i senpleman sa *process* ki'n arive. Pou larestan kekyon mon a pas avek *CEO* pou reponn. Mersi.

## **MR SPEAKER**

*CEO* wi, ou a kapab kontinyen.

## **CEO PEMC GEORGES TIRANT**

Mersi Mr Chair. Mersi Onorab. Kote sa sirkiler ki ozordi dan *social media*, mon krwar i annan, mon war en let kot *PUC* ion anvoy kot son *staff*. I annan osi en sirkiler parey Lalwa i demann mwan pou sinyen.

Sa sirkiler ki sorti kot *PEMC* in adrese Chairman *CFO/FC* avek *CEO*. Pou dir zot koumsa esper desizyon, akoz Merkredi *Cabinet* pe zwenn si mon pa tronpe *something like that* kot sa bann lenformasyon adisyonnèl ki nou bezwen prezante. *Ok?*

Akoz nou pa donn seri lenformasyon nou donn plizyer rekomandasyon. Me selman malerezman enn in kominik ek *staff* pou fer *panic ok?* E - pa dir pou fer *panic*, me petet ki kapab koz en *panic*, me selman i pa vedir parey mon'n dir napa desizyon ki'n ganny pran.

Nou'n fer en analisis aprofondi parey mon'n dir i annan papye ki mon'n *submit* ek Minis Finans lo performans 2019, 2020 e 2021 ziska le 30 Septanm. Sa i kot nou regard zot sityasyon finansyel. I annan ki pe dir zot anvi peye me zot sityasyon pa bon.

Eski nou pou zi ferm nou lizye nou pa pou fer naryen? E apre letan nou koz lo *bonous* en legzanp - mwan mon *believe* ki i en *profit sharing*;- en *profit sharing* ou *only* kapab konnen ki kantite profi ou'n fer ler ou kont in ganny sertifye. *Unless* oule donn en *different type of allowances*. So i sa. Nou, nou'n fer nou *analysis* akoz nou pe regard zot sityasyon finansyel. Kote bann travayer dan bann lantrepriz piblik, sa zot annan zot *Scheme of Service*.

Zot *structure, salary structure* e byensir letan mon'n analiz en pti pe pandan sa dernyen 4an, i annan ki letan ou regarde *even* letan ou'n demann lenformasyon *regarding salaries* in *SOEs* saler pou bann dimoun anba bann kad pli ba i vreman ba.

So i en travay ki nou pou bezwen avek sa bann *Board* ki zot regard bann *non-managerial post*. Konpran? Sa i pou enportan. En *risk allowance* pou en dimoun ki an danze i a kapab R500, a son lavi i an danze i pe fer sir ki keksoz pe marse.

E sa i responsabilite sa bann *Board* e i pou enportan, akoz dan nouvo Lalwa si mon pa tronpe enn bann lobzektif *public enterprises* se vin en bon anlplwayer. Respekte Lalwa,

respekte pli bon resours ki nou kapab annan dan en konpanyen, dan *any* - nenport ki lantite.

*Be it* Gouvernman, se nou *human capital*, nou Resours Imen, ki mannyer nou osi nou *train* li, ki mannyer nou, nou pe regard osi en travay ki nou'n komanse en dyalog se ki mannyer nou *train*, nou annan sa *succession planning*. Ki mannyer Seselwa kalifye i kapab pran bann *post* ki ozordi pe ganny, ki pe par bann *expatriates*.

E i annan konpanyen ki'n komans sa, e *PUC* i enn mon kapab nonmen ki'n komanse, kot par egzantp son *finance* ozordi i pe *build-up*, me ozordi ki mannyer sa bann zenn Seselwa ki'n *acquire* leksperyans, i pou kapab pran sa bann pozisyon e delivre pou zot antrepriz. Mersi Mr Chair.

### **MR SPEAKER**

Mersi. Wi Onorab Pillay nou'n al lontan lo la annou avanse silvouple. Nou pa pe retourn lo sa bann size.

### **HON SEBASTIEN PILLAY**

Mersi Mr Chairman. I pa mon lentansyon pou fer okenn polemik lo ek sa bann size, me selman i enportan pou mwan

anmenn klarite lo aköz mon'n demann sa kestyon.

Baze lo bann larepons i mon'n gannyen, e ler mon ti pe regard sa Bidze, mon ti pe demann mon lekor ki mannyer zot fer sa *interface*. *Ok*.

Let ki mwan mon'n vwar ki *PUC* in ekrir in dir nou'n resevwar en direktiv sorti kot *public enterprise* pou tenir okenn desizyon an relasyon avek peyman *end of year bonous* pou sa lannen - *ok?* In dir en direktiv sorti kot ou. Savedir i napa en diskisyon ant ou ek sa antite *or* i napa en diskisyon ki'n arive, ou konpran?

E se sa ki nou bezwen fer sir travayer i ganny kler ki dimoun i ganny kler la deor. Si zot pa'n fer en diskisyon zot ava deside kan zot ava fer en diskisyon e kan sa desizyon pou ganny pran, i pou enportan.

Rezon ki mon dir ou sa Mr Chairman e pou ou lenformasyon i se ki ni *appraisal* pa ankor ganny fer avek travay ki ou pe koz lo *performance*. So lo ki baz ou'n donn ou lenformasyon, ou'n ganny ou lenformasyon avek *PUC* e Gouvernman in donn lenformasyon.

Se pour sa rezon ki nou, nou pe met en presyon lo zot pour ki Gouvernman i bezwen

zwenn e dil avek sa sityasyon *post-haste*, aköz nou pe *involve* plizyer travayer ki pe tann diferan versyon keksoz, me ki la realite i diferan *on the grounds*.

Si ou pa ankor fer *appraisal* ek sa bann travayer lo ki *grounds* demen Gouvernman pou al donn li en *performance bonous*? So i pou enportan ki sa i ganny etabli.

### **MR SPEAKER**

Byen. Onorab, Onorab annou - wi, annou.

### **HON SEBASTIEN PILLAY**

Zis en pti - an finisyon en pti pwen dernyen Mr Chair. Mon konnen Minis i anvi reponn mon lo la, en pti pwen dernyen.

### **MR SPEAKER**

Byen ale.

### **HON SEBASTIEN PILLAY**

Eski *going forward*, eski *going forward* Gouvernman i annan lentansyon donn plis lotonomi *PEMC* ler pou li fer bann *assessment regarding* bann diferan *P.Es*? E eski *going forward* Gouvernman i annan lentansyon *involve PEMC* dan seleksyon bann dimoun, ki pou vin bann direkter oubyen bann *CEOs* bann diferan lantrepriz piblik?

E eski Minis i kapab dir nou si Gouvernman i annan lentansyon *regarding* bann *Dividend Policy* e *retained earnings*, pou zot revwar menm bann antite parey *IEA*, ki si son *retained earnings* ti avek li ti a kapab konplet sa bann proze ki devan li. Mersi.

**MR SPEAKER**

Mersi Minis. Nou a terminen lo sa bann size silvouple.

**MINISTER NAADIR HASSAN**

Mersi Mr Chair. Mersi Onorab. Ou konnen mwan piblikman mon ti a kontan dir, ki mon dezapwente avek bann *Board* ek *management*. Akoz *Board* ek *management* i bezwen en responsabilite anver sa bann lantrepriz e zot bezwen fer bann desizyon enformen.

So mwan ozordi mon ti ava fer en lapel piblik ek bann *Board* ek zot *management*, pou pran zot responsabilite serye anver zot *entity*.

Akoz i annan en diskisyon ki pe arive *between PEMC* ek sa bann *entity*, e sa i en diskisyon ant sa bann *Board* ek sa bann *entity* o,k avek *PEMC*. E pour anvoy en let parey zot in anvoye san met li dan *context* i irresponsab par sa *management team*, i irresponsab e mon pou dir sa piblikman.

Akoz zot devret met keksoz *into context* pou pa kre en konfizyon. Me sa i en keksoz ki *PEMC* i ava *take up* avek sa bann *entities*. Lo kote *Board* li menm, Gouvernman in pran desizyon ki pou annan en *proper nomination process* pou *Board Members* ki *PEMC* pour *heavily involve* ladan. So mon krwar mon'n reponn tou kestyon. Mersi.

**MR SPEAKER**

*Thank you*, Minis. Nou ava terminen avek kestyon. Onorab Romain.

**HON GEORGES ROMAIN**

Mersi Mr Chair. Minis bonzour avek *panel*. *CEO* mwan mon ti a voudre demann, pli boner ou'n mansyonnen ki sa R385milyon ki'n ganny peye koman en *dividend*. Eski ou'n met sa lenformasyon detaye kont lekel sa bann lantrepriz piblik ki peye? Sa i enn.

Mon dezyenm kestyon i baze lo bann rapor ki ou fer, bann rapor odit lo sa lantrepriz piblik. Eski ou kapab dir nou ki bann defayans an plis ki ou p[er]vwar dan sa bann antrepriz piblik? Mersi Mr Chair.

**MR SPEAKER**

Mersi Onorab. *CEO* ou a pran bann kestyon.

**CEO PEMC GEORGES TIRANT**

Mersi Onorab. Kote *dividend* pa konnen si mon koleg i ava annan totalite. So, mon a les li reponn apre mon ava *come back to your second question*.

**MR SPEAKER**

Mrs Rose, ou pe dir?

**CHIEF BUSINESS ANALYST VERONA ROSE**

Mersi Mr Chair. Mon pe zis verifye sa lenformasyon?

**CEO PEMC GEORGES TIRANT**

Petet Mr Chair si ou permet mon a kapab reponn son dezyenm kestyon. Kote defayans souvandfwa i laplipar - i en pti pe lo kontrol li menm. Lo bann kontrol, nou regard en pti pe tousala;- par egzanp *internal auditor* avek ki i *report*? Eski i pe *report* ek *CEO*.

Bann rapor ki i fer monte, ki mannyer *Board* i azir. Nou vwar osi defayans kot *Board* petet pran sa *ownership*, zot rol osi, ki e la i annan en travay ki pou ganny fer, ki bezwen ganny fer pou adres sa sityasyon ki bann *Board Members* i ganny *train*. Zot ganny konpran zot responsabilite, zot konpran osi zot *liabilities*.

E sa parey nou pe vwar li de fwa ler nou ganny apwente lo

en *Board* be it nou *Government official* or nou sorti dan *private*. Nou petet nou pa realize poudir nou annan en gro responsabilite e osi nou annan en gro, nou annan *liabilities* ki i vin avek. I annan ou *duties and responsibilities* anba *Company's Act* e anba *PEMC Act*.

E *by the virtue* ki ou pe pran en desizyon ki kapab afekte sa antite li menm, e ou kapab demen ganny trouve pe ganny pourswiv. Akoz as en *Board Director* ou *liable* anba Lalwa. So i lo la si oule.

Parey i annan en defayans osi kot petet pa tou *Board Members* ki *involve*. Apre dan *management* li menm, nou pa pe get tou sa le 22 got antite. Me selman nou sa ki nou fer e nou souvandfwa vwar ki lo sa kote *good governance, corporate governance* petet i mank - i annan en mank lo bann *Board*. Mersi.

**MR SPEAKER**

*Thank you, CEO*. Nou'n terminen lo la? Mrs Rose pou azout keksoz i paret. *Please go ahead*.

**CHIEF BUSINESS ANALYST VERONA ROSE**

Yes Mr Chair. So nou ti annan ki'n *report* avek nou, ki zot in

pey *dividend*. I annan *SFA, IDC, SCAA* avek *SEYPEC*.

**MR SPEAKER**

*Thank you*. Mon krwar sa i adres kestyon Onorab Romain. Mersi. Klarifikasyon Onorab Romain. Silvouple vitman.

**HON GEORGES ROMAIN**

Mersi Mr Chair. *Sorry*, si ou ti kapab donn. Mon konnen ou'n nonm nou 4, eski ou annan zot sif avek silvouple? Mersi.

**MR SPEAKER**

Sis?

**HON GEORGES ROMAIN**

Zot sif.

**MR SPEAKER**

Sif, sif pou sak, oule i detay sa sif?

**HON GEORGES ROMAIN**

Wi. Silvouple. Mersi.

**MR SPEAKER**

Mrs Rose ou annan sa bann sif *available* la? Sansan nou pa pou kapab atann lontan. SS i ava adrese – wi?

**SS PATRICK PAYET**

Mersi Mr Chair. Kekfwa mon a donn zot baze lo liv Bidze ki nou'n mete pour 2021. Mon konnen Mrs Rose ti'n

mansyonn 2020. Me selman pou Bidze 2021 son revizyon ki nou'n fer;

*SEYPEC* nou ekspekte i 150milyon.

*IDC* i 8milyon, *Financial Service Authority (FSA)* 100milyon.

*Seychelles Fishing Authority* i 75milyon.

Aprè nou annan nou bann *minority shareholders* ki pa ganny kouver anba *PEMC*.

*Land Marine* 5.9milyon. *IOT* 25.2milyon. E Ile Du Port *Handling Services* sa ki nou'n mete i 8.6milyon. Me selman letan *shareholders* i fer *AGM* nou ekek pou kolekte en pe plis. Mersi Mr Chair.

**MR SPEAKER**

*Thank you SS* pou sa bann sif. Nou a prezan pran vot lo sa Bidze. *Public Enterprise Monitoring Commission* pou en total R8milyon 969mil, Manm ki an faver lev lanmen silvouple? Mersi. Okenn manm ki vot kont?

Vot lo Bidze pou *Public Enterprise Monitoring Commission* lo paz 193 ziska 197 pou R8milyon 969mil, 30 Manm in vot pour e 2 in *abstain*. Bidze in aprouve par Lasanble.

Mon remersye zofisye *PEMC* pou zot partisipasyon, e

mon swet zot bonn kontinyasyon. Nou a pran en pti poz *sanitizing* pou apel lot delegasyon. Mersi.

*(technical break)*

## **SEYCHELLES LICENSING AUTHORITY**

### **MR SPEAKER**

Byen lo kote *Seychelles Licensing Authority* bonzour e byenveni Mrs Jessica Larue. Son *Deputy CEO* e Ms Nathasha Bonne, *Accountant*. Nou ava pas lo sa Bidze i lo paz 586 ziska 592 pou en total R17milyon 62mil. Minis ou lentrodiksyon lo sa Bidze silvouple.

### **MINISTER NAADIR HASSAN**

Mersi Mr Chair. Mr Chairman Bidze Revize pou Lotorite *Licensing* pou 2021 ti R16milyon 159mil. Pour lannen 2022, R17.062milyon in ganny bidzete ki R900mil an plis ki 2021.

Bann depans in ganny redwir lo laplipar lo bann laliny Bidze, sof lo bann depans adisyonnal *comme* swivan; saler pou bann *staff* Finans ki ti oparavan lo *payroll* Minister Finans, *software* e lekipman pou sipor bann nouvo adisyon

teknoloji, provizyon pou *rent*, vi ki Lotorite *Licensing* ti ganny en konsesyon lo *rent* lannen 2021 selman.

Depans neser pou proze *digitalisation* e *online services*. *Licensing* i kontinyelman fer progre lo kote modernizasyon son loperasyon e lo *service delivery*. Lotorite in osi en partner kle pou bann lezot Departman dan bann diferan Minister pou diskit lo bann devlopman dan bann aktivite biznes avek transpor.

Mr Chairman *Licensing* pe kontinyen fer en revi entansif lo son bann Lalwa e regilasyon. Sa i en prosedir ase long, vi ki i bezwen enkli bokou lezot partner e osi enkorpor levolisyon dan devlopman sosyoekonomik pei.

Sa revi i osi enkli revi lo lalis bann aktivite ki *licensable*, anfersi bann provizyon lo kote bann pouvwar ranforsman Lalwa e pouvwar regilater non pa zis bann dimoun ki annan *license*, me osi bann ki pe fer bann aktivite san en *license*.

Anfersi bann provizyon lo bann lofans e osi bann penalti ki aplikab ;- e renouvle bann regilasyon pou bann aktivite ki *licensable*. An se moman Lotorite pe fer bann konsiltasyon avek bann lezot departman an esperon en

konsiltasyon pou fer bann louvraz adisyonnèl.

Mr Chairman parey ti anonse boner sa lannen, Lotorite *Licensing* ti pe met an plas son bann sizyenm *online* pou deservi kliyan. Sa servis pou *facilitate* piblik pou fer zot laplikasyon e peyman zot *license online*.

Sa *licensee* pou osi kapab *print* son *license* ki in ganny *issued* lo sa *eportal*. Lotorite ti ekspekte lans son servis depi Avril 2021. Malerezman in annan retar lo kote *DICT* e bann sirkonstans pandemi, ki fer ki *soft launch* pou bann *license* ti ganny pouse pou trwazyenm kar lannen, e *soft launch* pou bann *license* transpor e patant in ganny pouse pou dernyen kar sa lannen.

I bon note ki bann servis son *line* pou bann *license* biznes in fini lanse, e manm piblik pe ganny ankouraze pou servi sa platform, antretan ki *DICT* i konplet sa dezyenm faz pou bann *license* transpor.

An term koleksyon reveni o kour bann lannen, *Licensing* in obzerv en logmantasyon kontinyel. Ti annan en logmantasyon 4.6poursan dan koleksyon reveni pour 2019, kot reveni ti ogmant par R9milyon, sorti 194milyon an

2018 pou ariv 203milyon an 2019.

An vi sityasyon pandemi *COVID-19*, reveni kolekte an 2020 in desann par 3.9 poursan konpare ek 2019. Sa i en rediksyon R7.896milyon. Sa rediksyon i rezilta bann biznes ki'n swa kennsel zot *license* oubyen ki'n aret fonksyonnen dan sa peryod.

I enportan pou note ki pandan 2021, plizyer sa bann biznes in rekomann zot peyman pou rebran zot aktivite e plis nouvo biznes pe komans ouver. Mersi Mr Chair.

### **MR SPEAKER**

Mersi Minis. Nou a komans kestyon avek Onorab Esparon.

### **HON REGINA ESPARON**

Mersi Mr Chairman. Bonzour Minis ek ou delegasyon.

Mr Chairman anba *current challenges* enn bann remark se i annan "*weak enforcement and regulatory power to deal with illegal activities*" e i annan "*insufficient staff capacity in inspectorate section*."

Mon ti a kontan demann Minis si i annan dan sa Bidze alokasyon pou kapab anploy plis *staff*, pou kapab *overcome* sa *challenge* ki zot in mete la?

E dezyenmman dan *strategic priority* in ganny refer

sorti ki zot bezwen *acquire* la *just office space and archive space*. E “*expand and reinforce performance management practices.*”

Ki alokasyon ki annan dan sa Bidze pou permet zot fer sa? Parski nou konnen poudir kot *Licensing* i été, i vremen i en landrwa ki sere - i sere e parfwa dimoun i ganny problem *parking* pou vin fer zot bann aktivite.

E letan mon pe get dan ou detay ou'n ganny ou en ogmantasyon R213mil pou *rent, office building rent* sa, eski sa ki zot pe pou servi pou *relocate to a largest space* pou zot kapab donn pli bin servis piblik? Mersi.

### **MR SPEAKER**

*Thank you.* Minis ou a komanse?

### **MINISTER NAADIR HASSAN**

Mersi Mr Chair. Mersi Onorab pou ou kestyon. Lo kote *staff challenges* wi nou okouran serten difikilte, me mon krwar avek fason fer ki annan plis kordinasyon *between* diferan Lotorite, sa i sipoze *allow licensing* pou vin pli efektiv.

So wi nou konnen poudir 2022 nou annan kontrent bidzeter, me pou 2023 nou kapab komans get *additional*

*staff*. Me sa i pa sel solisyon. Nou bezwen gete ki mannyer i an plis kordinasyon ant diferan Lotorite, ki ava *allow for more effective enforcement* e sipervizyon *from a licensing perspective*.

Lo kote *office space* i en diskisyon ki mon'n komanse avek *Deputy CEO* e pour 2022 napa plan pou *relocate SLA*. Me nou pe komans regarde avek sa diskisyon ki nou pe fer ki pli bon lokasyon.

Nou admet poudir kot zot ete la i pa *the best location, both in terms of an office space*. Pou *staff* li menm i ankonbre me osi *parking* e lezot issues. So sa i en diskisyon ki nou pou kontinyen, pou nou kapab get re lokasyon *SLA*. Mersi.

### **MR SPEAKER**

Klarifikasyon Onorab - wi.

### **HON REGINA ESPARON**

Mersi Mr Chair. Mon ti a zis kontan en leksplikasyon parske mon pe war zot *office building rent*, in sorti 718mil pou li vin 931mil, ki montre en logmantasyon 213mil. Eski zot rent ki'n ganny revize ki'n mont pli o oubyen-? En pti leksplikasyon. Mersi.

### **MR SPEAKER**

Mersi. Wi Minis.

**MINISTER NAADIR HASSAN**

Mersi Mr Chair. Mersi Onorab. Non sa i akoz 2021 ti annan sa *discount* ki nou ti gannyen lo *rent for the year*, me sa i *expire*. So la nou bezwen *pay the full rent*, sa i rezon *for sa additional rent*. Mersi

**MR SPEAKER**

*Thank you* Minis. Kestyon swivan, Onorab Aglae.

**HON EGBERT AGLAE**

Mersi Mr Chair. Bonzour *CEO, Deputy CEO* ek *panel*. Mon ti a kontan en leklersisman, kot i konsern proze pou zot al ver *digitalisation* ki'n deza komanse.

Eski kot i konsern *online services*, petet ki zistans mon konnen lannen pase zot ti dir poudir zot ti pe rankontre serten difikilte *as to certain process*, ki i pa pou kapab ganny fer *online* ki ou bezwen vini fizikman.

Petet dir nou en pti pe ki zistans zot in arive pou rezourd serten sa bann problem. E dezyenmman an vi *follow-up question* ki Onorab Esparon in demande kot i konsern en pe desantralizasyon, *what's licensing plan when it comes to desantraliz* en pe zot servis, pou fer ki sa bann ankonbreman ki

egziste ozordi i ava rezourd en pe? Mersi.

**MR SPEAKER**

*Thank you*. *CEO* i ava adrese, *Deputy CEO*. Mersi.

**DEPUTY CEO JESSICA LARUE**

Mersi Mr Chair. Mersi Onorab. Bonzour a tous. Lo kote *digitalization* avek *online services*, mon krwar an Avril sa lannen nou ti fini fer sa plan, pou nou kapab entegre ek peyman *online*. Akoz avan ti annan sa *portal* kot dimoun ki kapab *submit* zot *applications online*, pou *business only*.

Prezan *further to* bann *discussion* ki nou ti'n fer avek *DICT* e *internally* nou ti annan n vizyon kote nou ti anvi sa *online services* i arive, nou'n entegre osi *road fund* e *payment services*.

E *the first deadline for the first phase* ti pou an Zen sa lannen, me i annan bann retar lo kote *DICT, staffing*. Pandan pandemi nou pa'n ganny tou nou *staff* la ki annan sa bann *technical expertise*. So *eventually* sa *deadline* in bouze. E la nou'n fini lans sa *business online services*.

Pour *road fund* nou ekspekte nou fer ganny enformen par *DICT*, nou

ekspekte la avan lafen Desanm nou kapab finaliz sa proze *online road fund services*; konmkwa ki ler bann piblik in fini teste zot transpor, zot kapab prezan *renew zot Road Fund License online instead of* vin kot biro.

Mon krwar sa osi i adres sa keston lo *decentralisation*. Wi ti a preferab nou annan en biro petet dan sid, me solman avek bann kontrent finansye nou pa pe kapab fer li pou le moman. Me solman sa *online service* i ava ede *cater* pou sa kous popilasyon, ki vreman anvi *transact anywhere* kot zot ete.

So mon krwar sa i ava-. Apre *digitalisation* i pa zis *about the online services*. Nou aim pou nou *digitalize a whole process* kot tou nou bann rikord i pou lo en sistenm ki *accessible online*. E nou pou tou nou bann *files* pou annan *electronic record*. So tousala bann proze pou nou anmenn bann servis pli pre avek piblik.

### **MR SPEAKER**

*Thank you*. Wi, klarifikasyon. Minis oule adrese avan epi nou ava pran klarifikasyon. *Yes Minister?*

### **MINISTER NAADIR HASSAN**

Mersi Mr Chair. Zis pou adres sa *issue* desantralizasyon. Mon krwar ler nou get dan sa modernite kot nou pe ale ler nou mazin desantralizasyon, nou pa bezwen mazin li tradisyonnelman kot nou annan en lofis sa kantite dan tou distrik.

I pa *cost effective*. Me en keksoz ki nou bezwen kekfwa regarde ki *regionally* si nou kapab ganny en lofis avek bann, akoz la tou keksoz pe al *digital*. Ou annan en lofis ki annan tou bann *Government services available digitally*, avek en dimoun ki kapab ed dimoun pou servi.

Sa mon krwar i pou pli efikas *in terms of decentralization of services*, rather than met en *physical office for each Government entity*. So nou bezwen mazin li dan en fason en pe pli modern kot i pli efektiv. Mersi.

### **MR SPEAKER**

*Thank you*. Wi ou ankor annan klarifikasyon Onorab?

### **HON EGBERT AGLAE**

Yes, Mr Speaker. Mersi Minis avek *Deputy CEO*. Minis i annan sa bann -. Letan nou ou'n antre lo sa *platform* li menm *digitalization* la, i annan

bann *processing fee* ki normalman ou bezwen peye.

Eski zot in fer petet en pti evalyasyon, eski nou pou annan en logmantasyon ouswa pou annan serten ki pou redwir ouswa serten pa pou egziste? Leklersisman.

**MR SPEAKER**

*Thank you, Minis.*

**MINISTER NAADIR HASSAN**

Mersi Mr Chair. Wi pou napa okenn *processing fee* lo bann *digital platform* e parey osi mon ti anonse pour *even* pou peyman i annan sa ki *Central Bank* in negosye avek *VISA* pou redwir peyman.

Me sa i pou benefisyte Gouvernman li menm akoz li ki pou *the merchant* ki pe aksepte peyman, *so less of the peyman* ki i aksepte *will go to the payments company* e plis pou vin pou Gouvernman. Mersi.

**MR SPEAKER**

*Thank you, Minis.* Onorab Henrie kestyon swivan.

**HON GERVAIS HENRIE**

Mersi Mr Chair. Bonzour tou dimoun. Mr Chair mon kestyon i viz ver bann langazman ki dan son lentrodiksyon pou Bidze *SLA* Minis ti fer avek Lasanble an Avril sa lannen.

Par egzanzp *SLA* ti pou aste *printer* avanse, i ti pou annan pros *digitalisation*, moderniz zot *service delivery*. I ti pou annan revi konpreansiv lo Lalwa avek regilasyon, ki dayer ti devret ariv devan Lasanble avan lafen 2021. Ti koz lo en *portal online services*.

E sa letan 8mwan pase sa apepre, e sa letan Lasanble ti pe met bokou aksan lo *Ease of Doing Business*. E nou ti vwar ki *SLA* i en konponan dizon en zwer kle *in that process*. Aprezan mon rekonnèt bann difikilte ki zot in mansyonnen.

Solman mon anvi fer en pledwari avek dan prezans Minis Finans pou dir ki i annan keksoz ki dan pei nou merit aret donn leskiz pou nou *achieve*, akoz si i enportan *it has to be done!*

E si i bezwen met resours ekstra, koz ek bann travayer ki zi zot bezwen fini ek bann letan *COVID*, akoz nou annan bann *target* ki fodre pa ou sape, akoz apepre nou war nou ek bann Lalwa lafen lannen pour ki Sesel i ganny bon *rating*.

So e *SLA* i enn sa bann landrwa kot nou bezwen met sa bann *target* ek li, e *ensure* ki i *achieve*. Par egzanzp si mon al lo zot *website* la, zot *review* zot bann paz, bann lakonpanyen ki annan *licenses, license* tou le

6mwan. Be mon krwar sa i *unfair* lo en landrwa parey *Boardwalk*.

Mon pou ale ki tre popiler, i kapab in *renew* son *license* solman zot dokiman i dir mwan ki poudir li son *license* in *expire* depi Novanm 2021, la nou Desanm.

*And this si what is*, i montre lo zot *website*. So pou mwan sa bann keksoz i pa akseptab. Mon pe zis fer en pledwari ki nou get *SLA* pre, e nou met son bann *target* e nou dir li ou bezwen *achieve* e sa i vin koman performans bann dimoun ki dan *management*. Mersi.

### **MR SPEAKER**

Mersi. Minis ou a kapab fer en remark lo sa propozisyon.

### **MINISTER NAADIR HASSAN**

Mersi Mr Chair. Mersi Onorab. Onorab zis kekfwon mon a donn mon leksperyans, mon'n fer lan *as* Minis Finans e ki mon'n eksperyanse.

Wi ou konnen i annan en kantite keksoz ki nou'n anonse, e mwan mon *believe* dan en *management style of empowerment* kot ou annan tou responsabilite, ou pran ou responsabilite ;- kot i annan *challenges* ou *overcome*, kot i annan *bottlenecks* ou vin

devan, ou dir la i annan en problem, annou rezourd.

So sa i mon *style*. Mon pa *believe* dan en *style* kot ou bezwen tay deryer dimoun. Me sa i en kiltir ki nou bezwen, e la mon pa pe koz zis lo *SLA* mon pe koz an gro, ki ler nou'n anons serten keksoz nou bezwen delivre. Nou pa kapab annan en *mindset of* zis donn leskiz.

So sa i ki mon anvi anmennen avek sa sistenm *results-based management* kot tou *entities* i pou bezwen set son bann *target*. E dan Bidze *is one of the guiding documents* ki set ou azanda *for the year*. E ou pou bezwen delivre. E si ou pa delivre *then* i pou bezwen annan konsekans *of not* delivre.

So mon antisipe avek sa bann keksoz ki ganny met an plas, ki tou bann *entities* i delivre la, mon a lans en lapel ek tou bann *entities* ki pe ekoute sa i mon lekspektasyon.

*Now* lo kote *SLA* li menm avek son rol dan *Ease of Doing Business* mon krwar i kritik son rol, e i sanmenm avek sa ki *Cabinet* in pran desizyon ki *SLA* pou sorti anba sipervizyon Minister Finans, me par anba Minister responsab pou Lenvestisman, Lantreprenarya. Akoz i sa Minister ki pe pous sa *agenda of Ease of Doing*

*Business e rol SLA ladan i kle. Mersi.*

**MR SPEAKER**

Mersi Minis. *Deputy CEO* i ava azoute.

**DEPUTY CEO JESSICA LARUE**

*Thank you, Mr Chair. Thank you* Onorab pou ou keston, mon krwar Minister in koz an zeneral lo tou sa bann pwen.

Mon ti a kontan zis *extend* en pe. Mon totalman dakor lo kote *targets to be set and it needs to be achieved*. E sanmenm sa ki nou pe sey *review* en kantite lo *performance management*. Nou pe *share* bann *strategic priorities*.

Avan bann *priorities*, pa neserman *SLA* - me i annan en kiltir kot *priorities* i reste anler, i pa *inculcate* anba kot bann *staff*. So sa i en keksoz ki nou anvi sanze. Nou pe enkilke sa dan bann *appraisal process*. Toudmenm nou *still* bezwen resours. *Staff* in bezwen pe santi li konfortab pou travay dan en landrwa ki *convenient*. I bezwen annan bann *incentives*, pou li kapab kontinyen *deliver*.

Akoz si en *staff* i *deliver* i donn tou, me i pa pe gannyen rekonpanse. E mon pa pe koz zis lo saler me *in any*

*recognition*. So sa i bann keksoz ki an zeneral dan piblik, *public sector* nou bezwen konsidere.

E bann pti pwen parey *printer* wi nou'n fini *purchase* nou'n fer bann demars, e ler ou war i reste ankor dan nou *priorities*, akoz nou anvi prezan *extend* li *further*. Nou anvi donn sa servis prezan parey Providence, Praslin, konmsi apre ranplas sa enn ki nou, nou annan. Ou *update* parey nou'n dir - nou anvi *update* nou bann *technologies*.

Lo kote *modernising SLA* mon krwar nou'n fer en kantite lo la, me solman toudmenm nou pa pe kapab *achieve* serten *target*, san ki nou *achieve* serten bann target pli ba.

Parey bann prosedir i bezwen ganny *streamlined*, nou bezwen kontinyelman pe *update* nou sistenm. E ziska la i annan en kantite travay nou pe fer lo nou sistenm kot nou kapab *interface* ek bann lezot lenstitisyon.

So sa i bann *steps* ki enportan pou nou kapab *achieve* sa gro *target* konmsi. So toultan nou pou annan en *target* ki nou pa pou kapab *achieve* la deswit. Me selman nou met li la, akoz *this is what we are striving to achieve*.

Lo kote Lalwa mon a donn ou en *status quo* petet lo la ;-

Lalwa pe kontinyen ganny revize. E pli ale nou war i annan bann nouvo devlopman ki nou bezwen ganny enkorpore.

So, nou war la nou pa anvi fer *piecemeal approach* apre nou war i pa pe *gel* byen ansanm.

So konsiltasyon in fini komans fer avek bann Departman konsernen parey Tourizm, Departman Transpor eksetera, nou pe reviz lalis *licensable activities*, nou *Board SLA* pe fer en gran travay lo la.

Enkli e osi bann Lalwa ki kouver *enforcement*, pou donn *enforcement* en pti pe-. Pou nou ganny en pti e plis *power* e plis delegasyon - *delegation powers* parey si nou anvi donn Lapolis serten *power* lo kote *enforcement of* nou bann Lalwa, e osi *Ease of Doing Business*.

Me parey Minister in mansyonnen, nou, nou pa bann *policymakers*. Nou *rely* lo bann *policy makers* e ki mon war tou dernyerman sa lannen nou'n partisip bokou dan bann konsilyasyon, sirtou ek Departman Lenvestisman.

Departman *Tourism*, nou partisip bokou, ki fer ki nou kapab anmenn devan bann rekomandasyon nou dir zot bann *issues* ki pe arive, e sa ki pou dir nou progresse, sa ki pou

ede lo kote *Ease of Doing Business*. *Thank tou very much*.

### **MR SPEAKER**

*Thank you Deputy CEO*. Lo sa kote laba sete Onorab Roucou ki ti oule keston, wi Onorab Roucou ou tour.

### **HON MICHEL ROUCOU**

Mersi Mr Chair. Bonzour ankor. Minis mon war poudir kot *P3* anba, kot '*inspection, investigation, enforcement*' mon war poudir zot pe ganny 2.5milyon selman kot zot *current challenge*, zot in koz en pti pe kot zot dir poudir napa enstrikter pou fer lenspeksyon lo bann transpor, lo kondisyon bann transpor. Si ou kapab koz en pti pe lo la.

E osi ler mon e koz lo lenspeksyon bann transpor, nou bezwen parkont poudir konmela vol kot pe vol bann transpor pe ganny vole pe ogmante. E nou war poudir se ki i kapab annan en bann dimoun ki kapab vin ek bann transpor, ki sa demen i kapab vin bann transpor vole. Si ou kapab koz en pti pe lo kote napa ase lenspekter. Mersi.

### **MR SPEAKER**

*Thank you. Panel, CEO, Deputy CEO* pou adrese.

**DEPUTY CEO JESSICA LARUE**

*Thank you, Mr Chair. Thank you Onorab. Ok lo kote Bidze pou inspection i reste plizoumwen parey, an 2020 nou ti annan vacant en vacant post, akoz ti annan en freeze lo recruitment, akoz bann sityasyon COVID e nou'n nobou kapab recruit only by the end of 2021.*

*So eventually ou pou war sa diferans dan Bidze for 2022 onwards. Selman staffing i reste parey. Lo kote sa dezyenm kestyon eskize mon pa'n tro konpran.*

**MR SPEAKER**

*Wi. Klarifye ou dezyenm kestyon Onorab.*

**HON MICHEL ROUCOU**

*Mon dezyenm kestyon ti koz lo current challenge la, kot mon ti pe dir poudir zot in dir poudir zot napa ase lenspekter pou fer lenspeksyon lo bann kondisyon bann transpor.*

**MR SPEAKER**

*Lenspeksyon lo kondisyon bann transpor. CEO, Deputy.*

**DEPUTY CEO JESSICA LARUE**

*Thank you Mr Chair. I pa lenspeksyon lo transpor li, i zis*

*nou ti napa ase bann bon transpor pou nou kapab deliver nou service. Thank you.*

**MR SPEAKER**

*Thank you. Deputy CEO. Kestyon swivan Onorab Sebastien Pillay. Sorry, wi, ok Onorab Lemiel si ou ti'n lev lanmen mon pa ti'n remark ou, go ahead.*

**HON SYLVANNE LEMIEL**

*Mersi Mr Chair. Bonzour Minis avek ou delegasyon. Bonzour tou dimoun. Enn zot bann priyorite stratezik, Depite CEO ou'n koz en pti pe lo la, mon ti a kontan en pti pe plis detay, se lenplimantasyon revizyon Lalwa License, regilasyon license e osi kondisyon license.*

*Kwa ki nouvo ki Seychelles Licensing Authority pe vin avek, sirtou pou bann pti e mwayen biznes, e osi cottage industry dan Sesel prenon kont ki ozordi sa bann pti mwayen biznes e osi cottage industry, zot konplent bokou an se konsern kondisyon ki ganny met devan zot avan ki zot ganny en license.*

*E petet Deputy CEO kan ki ou pe mazine ki sa lenplimantasyon Lalwa pou vin an fors? Eski sa bann sanzman ki zot pe mazin vin avek, pou annan en lenpak sibstansyel*

dan Bidze *Seychelles Licensing Authority* an 2022?

Dezyenm, apre en lot keston i konsern ou pwen stratejik limero 3. Ou ti pe mazin kot ou pou fer restriksyon dan Lazans osi apre ki lenplimantasyon sa Lalwa i ganny fer.

So mon ti a kontan konnen petet letan ou pe koz restriktirasyon dan Lazans petet eski ki lenpak i pou annan lo ou Bidze 2022 - si sa restriktirasyon pe al arive la 2022, ki lenpak i pou annan an term lo kote ou *staff*? Ou pe koz ou pou annan plis *staff* ou pe koz pou annan en pli pti git *staff*? Donn nou en pti pe plis detay. Mersi Mr Speaker.

**MR SPEAKER**

*Thank you* Onorab. *Deputy CEO*.

**DEPUTY CEO JESSICA LARUE**

*Thank you*, Mr Chair. *Thank you* Onorab pou ou bann keston. Pou revizyon Lalwa parey nou'n dir nou pen konsilte bann diferan Departman. In fini komanse e nou ekspekte i finalize *by* Zanvye, Zanvye or Fevriye.

*So it's an extensive work.* Nou annan apepre 21 regilasyon pou nou *go over* e

menm lalis *licensable activities* i riske agrandi, menm si nou kapab pe transfer en pe aktivite kot bann lezot Minister, me solman i posibleman *by next year definitely* i pou fini.

Ki mannyer sa pou afekte nou Bidze? *Well* nou pe met en kantite *emphasis* lo *enforcement*. So i pou annan en pe plis *duties* ki pou ganny *assigned* lo *Inspectorate Section* e nou eksepte nou bezwen plis *manpower* dan sa Departman.

Me toudmenm avek sa *online services* ki nou pe entrodwir, nou ekspekte annan en - pa en *cut* lo *staff*, me *less*. Nou pa pou bezwen sa kantite *staff* lo *front office*.

So nou anvi avek letan transfer sa bann *staff* dan bann Departman apropiye. Me parey nou konnen *inspection* i ou bezwen en *set of skills* ki *unique*. So avek revizyon Lalwa ki nou pa ankor fini, akoz i bezwen en kantite *input from the other departments*.

So *once* ki nou konnen egzaktaman ki sa Lalwa - son *content* li menm, *the full content* ki nou kapab *really* met donn en pozisyon lo kote ki mannyer pou afekte nou Bidze.

Epi lo kote *cottage industry* parey i annan bann pti biznes ki ti kot *SENPA*, e la i pe ganny transfer kot *SLA*, i annan

bokou ki'n fini *meet* standar *SLA*, in ganny zot *license*, me i annan ki pa pe kapab *meet* sa bann standar.

So pou nou *cater* pou sa tranzisyon *ESA*, *SLA* ek bann Departman konsernen nou'n zwenn e agree lo en *set requirements and standard* pou sa bann pti biznes ki ti anba *SENPA* ok? Pou zot kapab *transition*. So sa in fini ganny fer nou ekspekte fer *joint press conference later in December*.

So pou nou anons bann detay of sa bann *license conditions*. Me i enportan pou note ki nou pa anvi retourn dan lepase, kot standar i tre ba ki apre napa kontrol. Nou anvi *increase* standar.

Me selman nou konnen ki bann *existing business* i pa pou kapab imedyatman *meet* sa bann *high standards*. So nou pe mars ek zot pou zot kapab *achieve* sa *high standards*. Mon krwar se tou. *Thank you*.

### **MR SPEAKER**

*Thank you, Deputy CEO*. Nou a kontinyen. Wi Onorab Pillay ou tour. Kestyon.

### **HON SEBASTIEN PILLAY**

Mersi Mr Chairman. Bonzour *CEO* ek ou delegasyon. Mon ti a kontan zis ganny en serten presizyon *regarding* larepons ki

ou fek donnen. Zis petet mon pe get sa *investigation, enforcement* i zis R2.5milyon e nou vwar par egzantp *transportation and travel cost* i zis R45mil.

So zis klarifye pour mwan eski sa *Inspection Unit* i osi al fer lenspeksyon lo bann zil, Praslin, La Digue, ki mannyer sa i ganny fer? E ou'n dir poudir ler Lalwa i vini ki zot pou revwar sa Bidze.

So avek sa enn Bidze ki la eski ou kapab donn sa Lasanble petet en kantite lenspeksyon ki zot in fer? E eski i annan lenstans kot zot in *revoke* en *license*, baze lo lenspeksyon ki zot in fer avek sa Bidze? Akoz i preski parey sa enn lannen pase.

E prezan mon dernyen kestyon i pa *relate* avek sa, me i *relate* avek en lot, ti annan sa plan pou annan en *customized number plate*. Kote sa plan ni ete vizavi *customized number plate*? Akoz i annan plizyer dimoun ki pe koz lo la.

Minis osi manke i pe mazin lo la. So eski sa i ankor *on the drawing board*? Mersi Mr Chairman.

### **MR SPEAKER**

*Thank you* Onorab. *CEO* i adrese wi.

**DEPUTY CEO JESSICA LARUE**

*Thank you, Mr Chair. Thank you Onorab. Pou lo kote inspection sa transportation and travel cost, i pa enkli fuel ek maintenance and repairs of bann vehicle.*

*So transportation and travel cost is mostly bann staff ki pe deplase sorti Praslin, La Digue. Yes, e sa i enkorpor bann lenspeksyon osi. Nou annan bann nou bann brans Praslin, La Digue zot annan zot bann inspectors, e osi nou annan nou bann inspectors lo Mahe ki osi al ede. E nou osi annan bann vizit ki nou fer lo Outer Islands kot i annan bann aktivite.*

*So definitely sa i ganny enkorpore dan transportation and travel cost. Lo kote quantity of inspections - mon pa pou kapab donn ou deswit la mon kapab sirkile pli tar. Me solman i annan bann targets ki nou'n meet;- nou'n war dan letan COVID ti'n redwir en pe akoz laplipar bann, nou toultan fer lenspeksyon ansanm avek bann lezot departman.*

*So nou sync nou bann schedule parey avek Public Health, Departman Tourism eksetera. So ti annan en peryod kot nou pa'n kapab fer sa bann lenspeksyon e ki prezan la*

*nou'n kapab go back to the list e nou pe fer sa bann inspections. So sa ki in fer ki nou kantite inspection ti'n desann en pe pou 2020, e la i pe improve 2021.*

*Lo kote customized number plate nou ti'n fini fer tou bann diskisyon avek Minister Finans two years back. So mon krwar mon a les Minister petet klarifye lo la. Mersi Mr Chair.*

**MR SPEAKER**

*Thank you. Minister.*

**MINISTER NAADIR HASSAN**

*Mersi Mr Chair. Mersi Onorab. Koriz mwan si mon mal SS, be mwan osi mon ti demann sa kestyon ki'n arive ek sa proze customized number plate. Akoz i ti en proze ki ti kapab anmenn reveni pou Gouvernman.*

*Me larepons ki mwan mon'n gannyen se ki lo kote Lapolis zot ti annan rezervasyon lo sa proze e sa ki, e sa rezon ki proze pa'n bouz pli devan. Me kekfwa SS ou annan en pe plis lenformasyon lo la, ou ava akoz lo la. Mersi.*

**MR SPEAKER**

*Thank you. SS nou pas ou laparol.*

**SS PATRICK PAYET**

*Mersi Mr Chair. Mesi Onorab. Wi definitivman nou ti, akoz par*

egzanp zot konnen letan nou pe enplimant en proze koumsa nou bezwen fer diskisyon avek bann lezot partener, e Departman transpor ek Departman Lapolis i en *key stakeholders* dan sa proze.

Ti annan en pe rezervasyon lo kote la fason bann propozisyon ki ti met devan. Me selman nou kapab remet sa ankor lo latib, aköz nou konnen bann priyorite pour sa lannen, kekfwa nou'n konsantre plis lo kotye *AML* avek *OECD* apre bann Lalwa Biznes Taks.

Me selman i pou menm nou plan dakasyon pou lannen prosenn, pou nou regard li ankor e an diskisyon avek bann lezot partner. Mersi.

**MR SPEAKER**

*Thank you SS.* Mon remerci ou pou bann larepons. *Ok* mon a pran kestyon Onorab Adelaide.

**HON FRANCOIS ADELAIDE**

Mersi Mr Chair. Bonzour tou dimoun. En pti kestyon, aköz bann lezislater i enportan pou nou konnen, eski *Seychelles Licensing Authority* pe mazine pou fer *driving license* vin elektronik? Mersi.

**MR SPEAKER**

*Thank you. Deputy CEO.*

**DEPUTY CEO JESSICA LARUE**

*Thank you, Mr Chair. Thank you Onorab.* Wi pou *renewal of driving license* i sipoze dan faz ansanm avek *road fund*.

Selman li i en pti pe konplike lo kote portre ki bezwen ganny *updated*. E sa konsonmater li menm li i bezwen *upload* son portre e nou, nou bezwen verifie. So definitivman i dan plan. Mersi.

**MR SPEAKER**

Minis.

**MINISTER NAADIR HASSAN**

*Yes, thank you Chair.* Mersi Onorab. Mon krwar kekfwa ou ti pe demande si ou *driving license* li menm li i pou elektronik *like* ou kapab ganny li lo ou telefonn.

Mwan mon ti a kontan war en keksoz koumsa, annefe premye proze ki nou pe bouz avek i avek *DICT* se *electronic ID*. So ou *ID* li menm li i vin dan en *digital format*. E sa i pou vin fondasyon pou tou lezot keksoz ki vini zot ou bezwen fini fer d enn premye.

E mwan mon pa war aköz nou pa kapab *aim to* pou nou toultan annan ou *license in digital format*. I kapab i ou kapab annan ou *physical copy*,

me osi ou *digital copy* me selman ou bezwen met an plas ou *digital ID framework* premye. Mersi.

**MR SPEAKER**

*Thank you*, Minis. Onorab Gill ou ti'n lev lanmen, me apre ou'n kit lasal. Me zis pou donn ou *benefit of the doubt* ki ou labsans i zistifye. Ou annan ou kestyon?

**HON CHURCHILL GILL**

Mersi Mr Chair. Mon kestyon se pour bann nouvo *license* Praslin, nouvo *driving license* apre bann *renewal of driving license*, ler bann dimoun Praslin i al kot Biro *Licensing* zot bezwen esper 2 semenn avan ler zot gannyen.

Eski dan sa Bidze i annan provizyon pou Praslin kapab ganny en masin ki ler sa bann dimoun i vini pou *renew*, oubyen nouvo *license* zot kapab ganny li *there and then?* Mersi.

**MR SPEAKER**

*Thank you* Onorab. *Deputy CEO* wi ou a kapab reponn.

**DEPUTY CEO JESSICA LARUE**

*Thank you*, Mr Chair. *Thank you* Onorab. Wi nou'n fini enkorpor sa dan Bidze pou

sanmenm sa, sa zafer *printing machine*. *Thank you*.

**MR SPEAKER**

*Thank you, Deputy CEO*. Avek sa mon ava apel bann manm pou nou pran vot lo Bidze *Seychelles Licensing Authority*, pou en total R17milyon 62mil. Manm ki an faver lev lanmen silvouple? Mersi.

Mon krwar tou Manm in vote. Okenn Manm ki'n vot kont? Bon Bidze pou *Seychelles Licensing Authority* lo paz 586 ziska 592 pou R17milyon 62mil, 31 Manm in vot pour, 0 kont e 1 abstansyon. Bidze in aprouve par Lasanble,

Avek sa mon a remersye bann Zofisye *Seychelles Licensing Authority* pou zot partisipasyon, e mon swet zot bonn kontinyasyon.

Madanm Clerk eski ou okouran si nou lot delegasyon i la deza? Si ou pa sir, *ok* dan sa ka nou ava al *according to schedule* e nou ava repran travay 11er edmi. Mersi e nou pran *break*.

***(BREAK)***

**NATIONAL TENDER BOARD**

**MR SPEAKER**

Mersi Minis ek delegasyon Finans pou reste avek nou.

Nou pe pran Bidze *National Tender Board* e mon annan plezir *welcome* Mrs Marie-Nella Fred, son *Chief Executive Officer* e Mrs Marie-Paule Hetimier son *Principal Procurement Analyst*.

Bidze sa, Bidze sa *Board* i lo paz 186 ziskan 189 pou en total R3milyon 903mil. Minis en lentrodiksyon lo sa Bidze.

### **MINISTER NAADIR HASSAN**

Mersi Mr Chairman. *National Tender Board* i en lorganizasyon ki ti kree anba *Procurement Act* Desanm 2008.

Avek manda prensipal pou azir koman en Lotorite Laprouvasyon, oubyen sa ki an Angle nou pel en *Approvals Authority* ki konsider bann rekomandasyon pou *procurement* par lao R750mil.

Fonksyon Board i ganny liste anba seksyon 15(1) dan *Procurement Act*. Apre ki bann *tender* in fini ganny evalye dan bann lorganizasyon respektif, sa rapor evalyasyon i ganny anvoye kot *Tender Board* pou fer desizyon final.

Lo swa pou aprouve o ou rezet sa bann rekomandasyon ki'n ganny propoze. Si *Board* pa agree avek analiz ki'n ganny fer, i osi kapab rekomande ki sa lorganizasyon i re travay lo zot evalyasyon pou sa *tender*.

I bon fer remarke ki letan *Board* i konsider bann rekomandasyon prepare par bann lorganizasyon, i pran an konsiderasyon bann prensip tel ki latransparans, valer pou larzan, oportinite egal pou tou e *fairness* dan sa prosedir *tender*, ouwa byen ki kriter ki'n ganny mete dan sa *tender* li menm.

Fodre note ki pa tou *tender* piblik ki pas devan *Tender Board*. Par egzanp seksyon 3 dan *Procurement Act* i *state* tou bann sirkonstans ki pa bezwen vin devan *Tender Board* anba Lalwa.

Tel parey bann *donor funded projects*, bann *special audits*, *public*, *private partnership* parmi lezot. An en moman konpozisyon Manm lo *Tender Board* in ganny revize e apwente apartir le 01 Novanm 2021.

Lo *Board*, bann Manm i annan en varyete spesyalizasyon dan domenn konstriksyon, biznes, zafer Gouvernman e *procurement* li menm.

I swe Gouvernman ki *Board* i touzour pran bann desizyon ki endepandan e transparan. Lo lot kote sekretarya *Tender Board* ki konpri *staff* selman, i osi asiste bann lorganizasyon sekter piblik avek louvertir zot bann

*tender* pou diferan proze, pou asire ki latransparans i ganny pratike e mentenir.

Alokasyon Bidze *Tender Board* pou lannen 2021 i R3.9 milyon an total, ki en logmantasyon apepre R200 mil konpare avek Bidze revize pou 2021. Logmantasyon mazer i dan lezot byen ek servis, pou kouver *rent* lofis ki pou ogmante apartir Zanvye 2022.

Lezot provizyon i reste apepre parey pou 2021, ki osi enkli provizyon R50 mil ki'n ganny mete pou kouver bann proze *digitalization* dan soumisyon e louvertir *tender*. Mersi Mr Chairman.

### **MR SPEAKER**

Mersi Minis. Nou a komans kestyon Manm avek Onorab Sylvanne Lemiel.

### **HON SYLVANNE LEMIEL**

Mersi Mr Chair. Bonzour ankor enn fwa Minis avek ou nouvo delegasyon. Mon'n vwar, la Minis ou'n fek koz lo la, mon'n vwar R50mil dan Bidze pou en nouvo depans an 2022.

Sa se pou enkorpor *digitalization* dan prosedir ouver bann *tender*. Mon ti a kontan ki nou Lasanble i ganny en pti pe plis detay lo sa sistenm. Mersi.

### **MR SPEAKER**

Mersi Onorab. Minis ou annan laparol.

### **MINISTER NAADIR HASSAN**

Mersi Mr Chair. Mersi Onorab. Mon ava pas laparol avek *CEO* ki ava reponn sa. Mersi.

### **MR SPEAKER**

Tre byen, *CEO please*.

### **CEO MARIE-NELLA FRED**

Mersi Mr Chairman. Mersi Onorab pou ou kestyon. Bonzour tou Manm Onorab. Sa larzan ki'n ganny mete anba Bidze, i parey nou'n dir, pou ed en pti pe lo kote sa ki nou pe apel *digitalization* lo kote louvertir *tender*.

Aprezan, konmsi *at present* la, sirtou avek *COVID* ki'n la depi en pe letan, in anmenn en pe plis lenportans pou nou ouver bann *tender electronically*.

Akoz, sirtou parey *international bids*, i pa pe-. Avek bann *issue COVID*, kourye ki ganny retar, nou'n vwar nou ganny en pti pe difikilte pou *bidders* kapab konmsi fizikman kontinyen ek sa *manual submission*.

*So, at present* nou pe servi li atraver en *email address* ki bann *bidders* i *submit* ladan. Me selman *again* nou pe war

nou annan enn de pti defayans avek sa sistenm ki pe ganny servi *at present*.

Sa ki fer ki nou'n fer provizyon pou nou fer en lot prosedir, ki nou santi petet i ava ed nou en pti pe plis. Akoz par egzantp ennler i *email* i *bounce* bann *issue*, koumsa nou pe gannyen.

So sa enn ki la, nou pe travay ek nou *developper* nou *website* pou nou kapab *allow bidders* pou *submit through* en *portal* atraver nou *website*. E *as we go along* nou anvi met en pe keksoz - ouver en pti pe plis bann lezot opsyon.

Par egzantp petet *bidders* i kapab ganny notifikasyon letan zot *bids* in antre, ganny notifikasyon letan nou'n fini *call out bids*, ki ti bann pri ki ti'n ganny *read out*. So i tout en pe dan sa laliny ki nou pe get li.

Me selman zis pou note *as well*, mon panse Gouvernman osi i annan en pli gran program *procurement* ki zot pe travay lo la. Ki pou enkorpor en pti pe pli gran splander louvertir *tender*.

Be selman pou le moman pou nou adres sa *issue* ki nou pe gannyen, nou pe *go along* avek sa bann pti lazisteman. Mersi.

**MR SPEAKER**

*Thank you CEO.* Swivan, Onorab Cosgrow.

**HON WALLACE COSGROW**

Mersi Mr Chair. Bonzour Mr Chair. Bonzour Minis avek ou tim. Minis zis 2 pti kestyon. Premye kestyon i an vi ki zot ti pronons zot lekor en pe letan pase lo revizyon Lalwa *Procurement Oversight*, Lalwa ki *Tender Board* i tonm anba la, eski *going forward* pou annan bann sanzman an relasyon avek lafason ki *Tender Board* i *operate*? Ki zot pe anvizaz bann sanzman lafason ki *Tender Board* i *operate* dan sa nouvo revizyon Lalwa ki zot pou fer?

Aprè si zot kapab dir nou osi si, lekel bann, par egzantp bann *tender* ki vin devan zot. Lekel bann *tender* plis *rated* ki zot *annul* ouswa zot fer retournen?

Ki bann kategori en pti pe konmsi ki zot *annul*, fer retournen? E si i annan serten konsern par egzantp dan sa bann kategori, ki zot pe mazin fer dan lefitir, pou kapab *sensitize* dimoun plis pou ki, or bann lorganizasyon plis, pou ki zot kapab letan zot pe fer bann *process procurement abide* en pti pe plis avek Lalwa *Procurement*? Mersi bokou.

**MR SPEAKER**

Mersi Onorab. Minis ou repons.

**MINSTER NAADIR HASSAN**

Mersi Mr Chair. Mersi Onorab pou ou kestyon. Mon a pran premye kestyon, apre CEO i a pran dezyenm kestyon. Lo kote revizyon Lalwa, nou ti anvi fer en revizyon konpreansiv.

Me ler nou gete, kantite louvraz ki i annan pou fer lo la, e i annan bann *issues* ki en pe pli *urgent* ki pe afekte prosedir *procurement*.

Ki nou'n deside se ki pou fer sa revizyon Lalwa dan 2 faz. I ava annan en premye faz ki ava anmenn bann eleman ki en pti pe pli *urgent*. Apre i ava annan en dezyenm faz ki pou anmenn en revi pli konpreansiv.

Me lo kote *Tender Board* li menm, mon krwar ki mwan mon'n obzerve se ki, ozordi nou bezwen ganny sa balans *between* fer sir ki i annan latransparans, i annan *equitability* dan prosedir *procurement*.

Be *at the same time* ki ler ou annan sa, i pa vedir ki ou bann *procurement* i tro tarde. Ozordi sa problem ki nou annan se ki, mannyer Lalwa prosedir i ete, nou kapab annan en *procurement* ki'n fer ozordi, 2021.

Ler ou get bann *appeals* ki vini, i al Ankour e lot, ou kapab la 4an, 5an ou pa ankor ini en *procurement*. E sa i met - mwan mon met li i met pei otaz. Akoz i annan keksoz ki *urgent*, i annan keksoz ki bezwen bouz devan dan benefis pei.

E ou war ou, ou *stuck in legal challenges*. So sa i bann keksoz ki nou pou bezwen regarde ki mannyer nou *still maintain* sa transparans ek bonn gouvrenans dan *procurement*.

Me *at the same time*, nou fer sir poudir sa *process* pa ganny abize par bann dimoun ki fer bann *bids*. Ki prezan Gouvernman i ganny, e pei i ganny met otaz.

So mon krwar ler ou get bann reform ki pou ganny fer i pou lo sa bann baz. Mersi. Mon a pas avek CEO pou dezyenm.

**MR SPEAKER**

CEO ou pran.

**CEO MARIE-NELLA FRED**

Mersi Mr Chair. Mersi Onorab pou ou kestyon. Onorab lo kote *annulment*, mannyer prosedir i ete, se lorganizasyon letan in fer son *tender* lo lot, lot, si i war nesosite pou li *annul*, i anvoy son rekomandasyon kot *Tender Board for final approval*.

Bann *main* rezon ki nou pe war pe vin devan *Board*, ki lorganizasyon pe demann *annulment*, dan bokou fwa i annan lenstans kot petet sa lorganizasyon in fer en *tender*.

Me selman letan bann *bids* i antre, e i bokou pli o ki son Bidze ki i annan. *So most of the time* zot pou demann pou *annul*.

E osi nou pe war par ler, i annan tandans ki i annan, si in annan *issues* dan zot *scope of work* dan *tender*, akoz toultan parey nou dir, sa *tender document* ki en *bidder* i gannyen, i vremen enportan son konteni ladan.

So si i annan okenn keksoz ki petet - mon pa konnen, dan lorganizasyon menm i annan *issues* dan zot *scope*, i annan *issues* dan lenstriksyon *tender*.

Ki letan prezan bann *bids* i antre, ou pe evalye, ou war poudir i pa pe fer sans *versus*, konmsi bann evalyasyon avek sa bann lenstriksyon pa pe mars ansanm, *then* lorganizasyon i rekomande pou *annul* sa *tender* e remet keksoz byen annord *and then most of the time* zot *retender* sa proze. Mersi.

### **MR SPEAKER**

*Thank you CEO.* Wi Onorab Cosgrow ou klarifikasyon?

### **HON WALLACE COSGROW**

Mersi Mr Chair. Wi, en pti klarifikasyon lo larepons *CEO*, or petet Minis i kapab reponn sa anvi sa ki *CEO* in dir, eski Minister Finans i annan lentansyon petet ranforsi kapasite bann *procurement staff* avek bann *staff* teknik, ki par egzantp ki prepar *scope of work* ki prepar Bidze pou en *process*, en *tender*.

Ki nou pa war nou tourn deryer, apre bezwen *annul*, akoz pa'n marse.

E dezyenm, eski si par egzantp i annan en lorganizasyon petet ki pa neserman *budget dependent*, me solman i pe fer serten *procurement*, ki zot santi poudir petet i pa pe swiv *tender process*.

Eski zot kapab antre ladan e al fer serten, mon pa konnen mwan, kennsel sa bann *process*? Mersi.

### **MR SPEAKER**

*Thank you.* Minis.

### **MINISTER NAADIR HASSAN**

Mersi Mr Chair. Mersi Onorab. Wi, ou konnen, sa i en bann keksoz ki annan en kantite defayans, se abilite

teknik bann zofisye ki prepar bann *procurement*.

E ki lanmenm ler apre i vin kot *procurement oversight*. Ki prezan ou war keksoz pa'n ganny prepare byen e *go back*. E ki nou pe fer se travay avek sa bann *procuring entities* e ansanm avek *TGMI*, pou nou ranforsi formasyon lo preparasyon *procurement*, ki ava, mon mazine avava redwir en kantite sa bann defayans ki egziste.

Lo kote si i annan *entities* ki annan defayans? *Procurement Oversight Unit* i toultan annan sa *oversight* pou li entervenir. E i ava entervenir kot i war poudir kot keksoz pa pe mars byen. Mersi.

### **MR SPEAKER**

*Thank you.* Onorab Bistoquet, kestyon.

### **HON ROSIE BISTOQUET**

Mersi Mr Chair. Bonzour Mr Chair. Bonzour Minis ek ou delegasyon. Minis atraver Mr Chair, anba ou *PSIP P1-SP1, management and admin, and goods and services*.

Mon war zot *rent* i 1 milyon. Petet eksplik nou akoz ki pou en *Board* konmsi sa *rent* i en pti pe o pou lannen ki vini. Apre anba *SP2, Board adjustment*, zot annan sa

*Board allowance* ki ariv apepre en R615mil.

Konbyen *Board members* zot annan pou sa kantite larzan? Apre anba zot risk, defi ki zot annan, mon pe remarke ki zot annan problem, *failure* ki bann *bidders* zot pa pe *comply* avek bann provizyon *tender regulations*.

E zot in ganny diskalifye, malgre, letan mon pe regard anba zot risk. Konbyen *bidders* ki'n ganny diskalifye an 2020? E ki bann nouvo mezir?

Mon war petet zot dir zot pou *raise awareness* lannen prosen, pou zot fer sir ki bann *bidders* i *comply*, ki mon krwar petet i en pti pe fay. Ki bann nouvo mezir ki zot pou met an plas, pou fer sir ki bann *bidders* i *comply* avek bann *regulations* ki an plas? Mersi.

### **MR SPEAKER**

Mersi. *CEO* ou a pran bann kestyon.

### **CEO MARIE-NELLA FRED**

Mersi Mr Chair. Mersi Onorab pou ou kestyon. Lo kestyon *rent*, zis en pti leksplikasyon, en pti pe vitman lo la.

Lannen pase letan ti annan sa provizyon pou fer sa rediksyon dan *rent across Government*, malgre ki Minister

Finans ti'n fer sa rediksyon dan nou *rent*, *the landlord* kot nou baze li i pa ti'n donn sa *discount* ki *Government* ti pe demande.

So sa lannen nou'n vwar ki nou Bidze ti en pti pe pli ba. So Finans atraver *mid-year review* in bezwen balans en pe.

E nou osi nou'n fer en pti pe *reprioritization* dan nou kont pou nou kapab *raise* sa *fund*, pou nou kouver nou bout *rent*. E, so zot pou war ki nou bout, nou vot *revised* anba *rent* konpare avek nou Bidze Zanbye in sanze pou 2021.

Now, pou 2022, *the landlord* in *actually as from* Zanbye, in fer monte *rent*. So *that is why* ou pou vwar ki nou eleman *rent* pou 2022 i pou *even* en pti pe pli o, ki *the revised rent* in 2021. *Ok?*

Pou *Board allowance*, at *present* nou annan 7 Manm. *Fees* ki zot ganny peye i baze lo sa *Remuneration Policy* ki Minister Finans in drafte.

Akoz *Board* i enn ki *meet* tou le semenn, mon panse i annan li avek *Planning Authority*, zot *allowances* i en pti pe diferan konpare ek bann lezot *Board* ki *meet once a month*.

So *there is a different rate* pou *Chairman* ek *Vice-Chair* avek lezot Manm. Si mon pa - apepre sa ki mon mazine, pou

en *Chairman* i *raise*, i tonm apepre en 8mil, apre i desann. *On a monthly* sa en, pou en mwan.

*So that is why* ou pou vwar sa *amount* ki in ganny mete anba *Board allowance* pou sa 7 Manm. Now, lo kote *bidders*, *unfortunately* mon pou napa sa *figures* avek mwan la pou lakantite *bidders* ki'n ganny diskalifye dan *tenders* 2021.

Nou kapab *comply* e fer Lasanble gannyen. Me selman an gro, ki nou ti pe dir, se ki, par egzanp letan nou asiz ek bann *evaluation reports* ki vin devan *Board* pou laprouvasyon, ou war poudir i annan bokou ka kot *bidders*, bann senp, senp pti keksoz ki *tender* pe demann zot, bann dokiman pou zot *submit*, zot pa pe kapab. Zot pa pe prodwir.

Mon pa konnen si petet en mank *knowledge*, oubyen par ler zis en mankman ki zot bliye. Me selman nou travay ek zot. Par egzanp i annan bann program ki bann pti *short video* ki nou'n fer. Avan *tender* i ouver nou tant pou *air* pou zot war, pou mazine poudir fer sir ou annan tel, tel, tel. Si in demann ou dan *tender*, fer sir ou pe mete, ou *VTA*, *registration certificate*, ou *tax clearance certificate*, bann keksoz koumsa.

Me selman mon'n aprann osi atraver *POU*, ki zot pe travay lo en sistenm *vendors ID* ki pou ede dan sa konteks. Kot otan ki posib bann *bidder's* pou kapab vin anrezistre davans e *submit* tou zot bann dokiman ki azour *in advance*.

Ki pou kapab kouver *over a range of standards* ki zot partisip ladan, tou sa bann dokiman esansyel pou la. *So there is work in progress* pou sey adres sa *issue*, kot *bidders* pe mank en pe bann dokiman. Mersi.

### **MR SPEAKER**

Mersi *CEO*. Swivan, Onorab Hoareau.

### **HON JOHN HOAREAU**

Mersi Mr Speaker. Bonzour Minis ek ou delegasyon. Bonzour tou dimoun a lekout. Mr Chair, i annan en pti sityasyon ki petet i annan pou fer avek manda *Tender Board* li menm pou promot latransparans, *equity* avek *fairness*.

Sirtou pou bann pti kontrakter, ki ler anler zot pa *tax compliant*. Alors zot, zot bezwen, swa bezwen pey *SRC R50 mil* pou ganny en *interim tax clearance certificate*.

Oubyen annan de ler kekfwa serten lakonpanyen i

sanz non, apre zot *bid* anba en lot non. So an vi ki i annan sa problem ki pe arive, *ok*, ki *Tender Board* pe sey fer, i kapab fer pou ed bann pti kontrakter ki souvandfwa zot war zot dan bann sityasyon kot zot pa *tax compliant*, pa akoz zot pa anvi, me akoz petet retar dan peyman Gouvernman li menm.

Oubyen zot annan, bann lezot sityasyon *cash flow* ki annan pou fer avek *COVID* e lezot keksoz ankor. So ki zot pe sey fer pou kapab fer sa, *create sa fairness?* Akoz si en dimoun i annan sa *R50mil i go, whereas* sa bann ki napa i pa ale. Mersi.

### **MR SPEAKER**

*Thank you* Onorab. Minis adrese.

### **MINISTER NAADIR HASSAN**

Mersi Mr Chair. Mersi Onorab. Onorab lo sa kote, mon lobzervasyon, mazorite bann biznes ki ganny *ban from tender*, akoz serten keksoz ki zot pa pe *adhere to*.

I plizoumwen zot lafot menm. Kekfwa i annan enn de leksepsyon kot i annan bann lezot faktor, me mazorite i *through their own fault*, bann ki'n vin kot mon latansyon.

Me lo kote, si i *link* avek *Government payments*, a se moman anba program ki nou

annan ek *IMF*, Gouvernman i bezwen *meet* tou son *payment obligation within 30 days*.

Savedir napa person ki sipoze ganny peye apre 30 zour ki sa lobligasyon peyman in vini. So i pa devret en *issue*. Me mon konnen i annan en kantite biznes, *for whatever reason or not*, zot pa kit zot biznes anliny avek bann diferan regilasyon ki egziste.

E Gouvernman pa pou kapab les zot pran par dan *tender* si zot keksoz pa drwat. I pa zis *issue tax*, i *issue*, i annan lezot *issue*.

Annefe nou pe kree en lalis bann diferan biznes ki dan lepase pa'n *meet* bann *requirement* zot kontra, zot pa'n fini zot louvraz, louvraz pa'n lo standar. I annan *defect and all*.

So pou nou fer sa *process procurement* e egzekisyon bann proze Gouvernman vin pli efikas, ki nou konnen nou pe travay avek bann kontrakter, ouswa bann biznes ki *reliable* pou zot delivre lo sa louvraz ki zot in gannyen. Mersi.

### **MR SPEAKER**

*Thank you Minister.* Swivan, Onorab William.

### **HON WAVEN WILLIAM**

Mersi Mr Chairman. Mr Chairman mon ti a kontan

demann avek Minis or *CEO* si i kapab eksplik en pti pe avek Seselwa deor la ki pe ekoute, sirtou kot i konsern sa bann term kot nou pe dir *direct bidding*. An menm tan nou annan *selective bidding*, ki mon pa'n trouve i aparet la. Epi *competitive bidding*.

Rezon mon pe demann sa, akoz pou annan bann diferan klasman kontrakter. An menm tan ou annan sa bout o nivo lokal, proze lokal avek proze santral.

Kot i enportan ki nou kapab donn en pti pe lesplikasyon lo la. Dan ki lenstans i ganny aplike. E ki fason sa i ganny aprouve? Mersi.

### **MR SPEAKER**

Mersi. *CEO* i ava adrese.

### **CEO MARIE-NELLA FRED**

Mersi Mr Chair. Mersi Onorab pou ou kestyon. Onorab sa ki ou'n nonmen, *direct bidding*, *selective*, *competitive bidding*, i 2 diferan metod *procurement* li, en?

I pa neserman al ek okenn, sa ki nou apel *threshold* spesifik. Me selman i annan zis serten sironstans ki anba Lalwa i *allow* ou pou ou kapab fer li adopte en metod partikilye.

Toultan anba *Procurement Act* nou komans ek sa ki pli konpetitiv, *ok?* Savedir nou komans avek sa ki nou apel *open tender*.

Li piblikasyon i ganny fer, *advert* i ganny mete, tou dimoun ki anvi partisipe, *as long* ki ou *meet* sa bann *requirement* ki pe demande. Si nou demann ou tel *class*, *whatnot*, *whatnot*. Ou sipoze kapab partisipe, *ok*. *So that is open tender*.

Dezyenm, *selective*, li menm li ki apel *limited*. Petet enn ler ou tann servi sa term. Li anba Lalwa i donn ou 2 lenstans ki en lorganizasyon i kapab *opt* pou servi sa.

Si i annan en lirezans, *or* si i annan selman en serten group kontrakter dan en *particular field*. Par egzantp fer krwar ou pe rod QS oubyen bann dimoun elektrik, *electrical*.

Kekfwa ou konnen poudir napa bokou dimoun ki pe fer sa. So dan plas al fer en gran prosedir, ou kapab demande, poudir be *ok*, *why don't I invite* sa 5, 6 dimoun ki dan sa kategori, *ok?*

Apres la i vin *direct*. *Direct* li son non i koz pou li menm. Sa ou al ek zis en dimoun. E anba Lalwa i dir ou i annan diferan lenstans, swa sa keksoz ki ou

pe rode i *available* zis kot li menm.

Swa ou annan en lirezans ki pa ni en *limited bidding*. Pa pou kapab ed ou aköz anba *limited* ou pe dir petet ou annan 4, 5 *or* en semenn *or* 2 semenn pou mwan fer sa prosedir.

Be tandis *direct* li nou pe koz en dezans, en *emergency*, ou konnen? So ou al direktman. Ou konnen sa dimoun i annan sa lekipman, ou kriy li i vini i fer. I donn ou sa louvraz.

Apres osi par egzantp i annan lenstans kot lorganizasyon pe rod bann keksoz standar - bann pyes lo en masin ki mon bezwen rod zis kot en tel dimoun pou rezon konpatibilite, lot, lot, lot, lot.

Sa ankor ou kapab servi *direct bidding*. *Or* en lot opsyon ki Lalwa i *provide*, si ou pe fer en proze en legzanp, e i annan adisyonnèl, kekfwa en keksoz dan *scope* ou anvi aziste, dan plas pou ou al refer sa prosedir, ou kapab demande pou ou *proceed with* menm kontrakter ki deza pe fer sa proze. *Then you go direct*. So i parey mon'n dir, i pa neserman en *issue of amount*.

Me selman *regardless of* ki kou ki ale ek sa proze, ou kapab adopte sa bann metod. *As long* ki ou kapab zistifye li dapre li *requirements* sa ki ou

pe, sa *procurement* ki ou pe al fer. Mersi.

**MR SPEAKER**

Mersi *CEO*. Swivan, Onorab Pillay.

**HON SEBASTIEN PILLAY**

Mersi Mr Chairman. Mr Chairman mon ti a kontan demann, bonzour *CEO* sorry, avek delegasyon sorti kot *Procurement*.

Mon ti a kontan demann en kestyon *regarding* zot abilite pou zot si ou oule *investigate* bann *bids* ler in ganny fer. Mon konnen bann antite ler zot anvoy zot bann proze pou ganny pou ganny *submitted* pou *bids*, ler mon regard li, Bidze i pa en Bidze vreman sibstansyel.

So kwa ki zot annan ki permet zot *investigate* bann *bids* ki pe ganny donner *regarding* bann proze? E la nou pe koz spesifikman bann proze ki Gouvernman i *tender out*, pou asire ki napa *collusion* ant diferan konpanyen.

Si ou permet mwan Mr Chairman, enn bann kontrakter in eksprimen, serten kontrakter Seselwa sirtou.

Se ki ler zot pe *submit* en *bid* pou en proze, i annan 3 konpanyen ki *submit bid* preski lo menm nivo. E zot *bid*

i toultan pli ba *and then* proze i *run above* sa *cost*.

E li sa kontrakter i pa gannyen li, me ou vwar poudir sa 3 kontrakter letan in *submit*, dapre alegasyon, travayer i pe fer - sorti dan diferan kontrakter, pe fer louvraz pou sa enn premye.

Eski zot annan en mwayen pou zot *investigate* sa *process*? Eski Bidze i permet zot pou fer li avek sa?

Dezyenmman, an relasyon avek bann proze ki tonm anba bann Lakor Bilateral oubyen bann Lakor Miltilateral. Annou koz bann bilateral avan. Kot i annan bann gro proze.

Nou pe vwar en sityasyon kot parfwa ler bann gro konpanyen ki'n antre Sesel atraver bann *international bidding* ki'n ganny fer pou serten proze, baze lo bann *procurement* ki'n ganny etabli dan sa bann pei, akoz sa i vin atraver bann don.

Sa gro konpanyen i vin etabli li Sesel. *But then as soon* ki i annan en lot proze ki vini anba sa bilateral ankor, sa menm gro konpanyen i *end up* pe fer sa proze.

E savedir ki i pou arive, sa gro konpanyen pa pou zanmen demobilize. E *likelihood* ki sa gro konpanyen prezan i form en *subsidiary*

lokal ki *compete* kont bann konpanyen lokal i *very high*.

So eski zot annan abilite pou zot *investigate* sa, e pou fer sir poudir sa pe pa arive? Ki prezan bann kontrakter lokal ki pas atraver bokou difikilte, pa pe bezwen *compete against* en lot ki li son baz resours i bokou pli larz e bokou pli prononse.

E i deza annan en lavantaz, akoz atraver bann *procurement system*, la nou pa pe koz Sesel, ki aletranze, i plis ki garanti li ki pou ganny sa proze. Mersi Mr Chairman.

### **MR SPEAKER**

*Thank you. Panel, Minis, wi ou a adrese.*

### **MINISTER NAADIR HASSAN**

Mersi Mr Chair. Mersi Onorab. Mon a pran en bout sa kestyon, pou mwan pas laparol avek CEO.

Sa *issue*, premye kestyon lo *ability to investigate bids*, spesifikman lo sa *issue of* bann kontrakter ki *bid low*, apre ou war pri i monte. Tipik legzanp se *Music Stadium*. Sa i en *typical example*, kot-.

E mwan ler mon'n evalye sa sityasyon, *it goes back to* preparasyon *bid* li menm. Si ou'n prepar ou bann dokimantasyon *tender proper*, *with the proper scope of work*, e

ou kontra i *watertight*, pou dir be *this is what is included* dan ou *scope of work*.

I limit abilite pou ou ganny *additional scope of work* apre. Defayans *in the first place* i vin akoz bann preparasyon *tender document* i *deficient*. Prezan i ouver laport pou kontrakter vin met *additional bid*.

E mwan mon'n vwar plizyer *practice* kot sa pe arive. Kot ler nou fer *procurement*, nou bezwen *tighten up* lo la. Lo dezyenm, bann proze bilateral. *Ok*, sa i en *issue* en pe pli kompleks.

Se, mon krwar i annan 2 eleman ladan. Premye se *ok*, ou annan en proze ki'n ganny *funded through a Grant let's say*. E dan sa *grant* i dir ou, be ou bezwen, *the procurement* is, sa ki'n donn ou *Grant* ki fer *procurement*.

Savedir i pa dan ou lanmen, me li ki pou *procure the contractor for the project*. Savedir li ki fer. *Now*, si i annan en lot *Grant* ki donnen, i *still* dan son lanmen pou li swazir.

Ki nou, nou bezwen anpese se ki napa bann lezot proze *finance through the budget or other means* ki sa lakonpanyen pe pran par ladan.

Akoz i normalman annan en kondisyon ki sa

lakonpannyen i sipoze *come in for that specific project only*. Me si sa Gouvernman ki'n donn ou sa *Grant*, li i annan en lot proze, e i *allocate* sa proze *at the same contractor*.

Ou limite pou kapab fer, akoz i son larzan, li ki pe depanse. Me nou. Nou bezwen fer sir ki nou pa ouver laport pou li vin fer bann lezot proze ki *come through* lezot *Grant* ouswa *through the budget*. Mon pa konnen si *CEO* ti oule azoute, mersi.

### **MR SPEAKER**

Yes *CEO* ou ava kontinyen.

### **CEO MARIE-NELLA FRED**

Mersi Mr Chair. Mersi Onorab pou ou kestyon. Mon panse lo kote bann *donor funded project* Minis in elabor ase lo la.

Lo kote sa premye kestyon, abilite *to submit* pou ou revwar bann *bids*. Parey Minis in dir, sa laspe annan *issues* avek letan bann *submission* in antre pou evalye, *it goes back* en kantite lo evalyasyon ki ganny fer dan sa lorganizasyon, *ok?*

Akoz sa rapor ki *Board* pou gete li, i pou'n sorti dan lorganizasyon ki pou'n donn sa rekomandasyon *to whom* zot anvi *award* kontra.

*So, at present* lo *Board* nou annan diferan - Manm i annan diferan vast leksperyans konstriksyon, *procurement* menm, biznes. *So in other chain* nou kapab revwar sa bann evalyasyon.

Nou bezwen revwar *tender document*, bann kondisyon ki ladan, *the scope*. Konmela, i annan Manm pe war defayans dan *scope*. So mon panse *Board* i annan sa abilite pou *review* en pti pe.

Me selman, *having said that*, i *still* annan en pti pe serten *issues* ki si *Board* i santi petet i pa konfortab ek en keksoz, nou *still* anba Lalwa annan *power* pou nou demann swa en *independent review* sa evalyasyon ki'n ganny fer.

I annan lenstans kot nou anvoy kot *Inspectorate Section* kot *POU*. Nou donn zot direktiv pou al revwar sa *procurement*, gete *what is the issue*, fer en pti rapor, anvoy kot nou avan ki *Board* i fer en *final decision*.

I annan lenstans kot nou *even* tap laport Minister Finans osi, zot bann *Qs* i pas ladan pou revwar sa bann *submission*, sa bann pri ki pe ganny mete, avan ki *Board* i fer en desizyon final lo la. Mersi.

### **MR SPEAKER**

*Thank you CEO. Yes Onorab Pillay.*

**HON SEBASTIEN PILLAY**

Mersi Mr Chairman. Mr Chairman mon apresye sa bann larepons. Me selman i annan en *issue* ki mon ti a kontan i ganny adrese, e sa mon pe koz lo *the possibility of collusion* ant kontrakter, pou fer ki en group kontrakter ler pe *bid*, zot pe *bid* a en pri.

E ki bann dimoun ki pa form par sa group, ler zot pe *bid*, zot vwar poudir ou pou ganny ou 5 *bid* ki tonm preski menm parey.

E li pou li *suddenly* i bokou pli o. Eski zot pe *evade*, akoz mon'n ganny sa konsern *from* plizyer kontrakter.

E la nou pe koz proze pti e gro. Ki sa pe arive e ki mannyer zot *investigate* pou vwar atraver *track record* bann diferan *bids*, oubyen pou *follow* bann diferan *bids across* en peryod letan.

*(laughter)*

**HON SEBASTIEN PILLAY**

Mersi Mr Chairman. Mon a kontinyen. Kekfwa sa *bid* pa'n bon *ok*, so eski zot pe regard sa? Akoz ler mon pe regard zot *investigative capacity* pou mwan sa, mon konpran sa

ki Minis in dir vizavi *tender documents initially*.

*But let's say* tou zafer i annord, *but it's when the bids come in* se sa ki pe arive dan serten sironstans ki pe ganny dir pe arive.

So petet edik en pti pe bann dimoun an deor, ki i annan en sistenm entern, pou annan en kontrol pou *monitor* si napa kolizyon ki pe arive an relasyon avek bann *bids* ki ganny donnen. Mersi Mr Speaker.

**MR SPEAKER**

*Thank you. Panel, CEO* i ava adrese, wi.

**CEO MARIE-NELLA FRED**

*Ok*, mersi. Msye Onorab pou leklersisman lo sa kote. *At present* parey mon ti pe enform Minis, *unfortunately* sa ki ou pe eksplike i pa ankor ganny *seen*. Konmsi i pa ankor vin a nou latansyon devan *Board*.

Petet si i annan en keksoz koumsa pe arive, *whoever* pe santi li ganny enpakte, i devret swa kantmenm i pa vin direkteman kot *Tender Board*, *but* atraver *POU*. Akoz *POU* ki pou sa *regulatory* pou fer sir ki *whatever issue* kolizyon, *whatever* pe arive i ganny adrese.

*So I would suggest ki zot vin devan zot enform nou, e nou kapab fer en proper follow-up e lenvestigasyon dan sa konteks. Mersi.*

**MR SPEAKER**

*Thank you CEO. Nou ava apel bann Manm pou vot sa Bidze. Pou National Tender Board, pou en total R3milyon, 903mil, Manm ki an faver lev lanmen silvouple? Thank you. Tou Manm in vote, mersi.*

*Bidze pou National Tender Board lo paz 186 ziskan 189, pou total R3milyon, 903mil - 30 Manm in vot pour, 0 kont e 0 abstansyon. Sa Bidze in aprouve par Lasanble.*

*Bon mon remerisye zofisye National Tender Board pou zot partisipasyon. E mon swet zot bon travay, bon kouraz.*

*E zofisye Minister Finans pou retourn avek nou apre midi. Mersi bokou pou zot partisipasyon pou bomaten. Nou a pran pause la e nou a rebran 2er. Mersi.*

***(BREAK)***

**NATIONAL BUREAU OF STATISTICS**

**MR SPEAKER**

*Bonn apre midi tou dimoun. Bonn apre midi Minis e SS. Nou*

*a pran National Bureau of Statistics. Madanm raporter nou ava apel zot zofisye silvouple.*

*Bonn apre midi nou nouvo delegasyon, mon annan plezir pou swet la byenveni Mrs Laura Ahtime, son Chief Executive Officer e akote li devan, Mr Shane Toussaint son Senior Administrative Officer. E lo latab akote Mrs Helena Butler-Payette, Deputy Chief Executive Officer.*

*Mersi pou zwenn nou pou sa apre midi, pou travay lo Bidze National Bureau of Statistics ki lo paz 201 ziska 205 pou en total R20 milyon 123mil. Minis lentrodiksyon lo sa Bidze silvouple.*

**MINISTER NAADIR HASSAN**

*Mersi Mr Chair. Bonn apre midi Mr Chair. Bonn apre midi tou bann Manm e bonn apre midi tou dimoun a lekout.*

*Biro Nasyonal Statistik in ganny en Bidze R20.12milyon b pou lannen 2022. Sa i reprezant en rediksyon R3.94 milyon konpare ek Bidze revize pou lannen 2021.*

*Si nou get lo kote saler, in annan en logmantasyon R409 mil. Bann rezon pou sa logmantasyon i comme swivan ; En logmantasyon R255mil an rezilta alokasyon Bidze pou en*

nouvo pos statistisyen pou lannen 2022 anba zot *new spending proposal*. En ogmantasyon R154mil ki ane pa vreman en logmantasyon, me in ganny revwar konm tel aköz i'n annan en koupir dan saler dan milye 2021.

Pou alokasyon Bidze 2022, ler sa koupir i ganny re aziste e reflekte koman en logmantasyon konpare ek Bidze 2021.

An sa ki konsernen Bidze pou byen en servis, in annan en rediksyon R4.35milyon pou lannen 2022. En gran parti sa rediksyon i annan pou fer ek en rediksyon signifikan dan Bidze pou resansman popilasyon ek lakaz.

Sa Biro ti gannyen donnen Bidze sa lannen pou fer sa legzersis nasyonal tre enportan. Malerezman sityasyon COVID-19 dan pei pa'n permet sa biro pou antreprann sa legzersis. Parkont en porsyon sa Bide ki zot ti'n gannyen in ganny servi.

Sa ti an preparasyon pou fer en tes pilot dan distrik Anse Aux Pins apre ki zot in ganny permisyon Komisyoner Lasante Piblik.

Bann depans ti enkli aste bann lekiman neser, piblisite, *training* ek lozistik. Lo kote depans par bann seksyon

administrative Bidze, in annan en logmantasyon dan *office expenses* - R391mil e transportasyon e *travel* R30 mil.

Par kont in napa konnen sanzman dan *maintenance and repairs* e *materials and supplies*. Tandis ki in annan en rediksyon dan *other use of goods and services* R4.6 milyon - *minor capital outlays*, R165mil. Mersi Mr Chairman.

### **MR SPEAKER**

Mersi Minis. Nou a pran kestyon bann Manm lo sa Bidze. Onorab Loze i komanse. Onorab.

### **HON JOHAN LOZE**

Mersi Mr Speaker. CEO, mon'n tann Minis dan son lentrodiksyon i dir ki ou pou annan en pos pou en nouvo statistisyen. Sa ki mwan mon anvi konnen, se si ou pou annan ase personnel e resours pou ou mentenir en bon kont lo lenflasyon e zeneralman logmantasyon pri lavi, disi 2023, 2024, kan Gouvernman pe *plan* entrodwi revi saler debaz.

Akoz mon krwar i ava enportan pou ed Gouvernman fer son desizyon osi e pou labaz travayer konnen, kantite sa logmantasyon ki zot pe al gannyen, ki'n fini ganny *eroded*

deza par nivo lenflasyon dan pei.

So, mwan mon anvi konnen si ou ekipe pou ou fer sa travay, gard *an accurate count of real inflation between now e letan sa projected salary exercise is projected to come into force*. Mersi Mr Speaker.

**MR SPEAKER**

Mersi Onorab. Minis ou pas kestyon avek *CEO? CEO please*.

**CEO NBS LAURA AHTIME**

Mersi Mr Chair. Mersi Manm Onorab. Mon regard ou kestyon *comme quoi* ou pe asosye sa nouvo pos statistisyen avek nivo lenflasyon. Letan nou fer nou legzersis pou mezir lenflasyon, nou annan nou deza nou striktir an plas ek bann dimoun ki al anmas sa bann pri marsandiz dan bann diferan laboutik, bann byen e servis, eksetera.

E nou annan nou statistisyen deza an plas. Nou bezwen plis statistisyen pou lezot travay dan biro pli analite.

*But when it comes to mezir lenflasyon, konmsi pa neserman nou bezwen ankor zis en additional statistisyen ki pou ede pou regard sa zafer pri lavi. Akoz pri lavi ek nivo*

lenflasyon i legzersis dan li menm, kot ou al anmas bann pri, kot ou'n deza selekte ou bann letablisman kot ou pou al anmas sa bann pri.

So, *whether* ou annan ankor plis statistisyen ki pou fer en diferans dan ki mannyer pri lavi pou ganny etabli, *how it has been eroded*, eksetera, mon pa vreman vwar en koneksyon la, ki mannyer ou pe demande.

**MR SPEAKER**

Mersi. Wi Onorab Loze, ou kapab demann klarifikasyon.

**HON JOHAN LOZE**

Mersi Mr Speaker. *CEO*, koneksyon ou non, bliy sa bout - *peu importe*. Mwan sa ki konsern mwan se ki ou, ou ekipe e ki ou annan resours, pou letan Gouvernman i pran son desizyon lo revi saler travayer, pou ou donn li lenformasyon korek.

Ki Gouvernman li i a nobou pran en desizyon enformen, lo kwa ki pe al donner koman logmantasyon saler e ki ou a nobou prodwi en rapor kler e *net* pou les konpran e konnen ki vwala, *this is what has happened* dan sa *past* dernyen 2 a 3an.

E ki vwala posibleman sa in lerozyon dan pri lavi e tan,

tan, tan pe ganny manze dan sa logmantasyon.

Mwan se tou ki mon anvi konnen. *Whether* ou servi ou statistisyen, *calculator* ouswa *computer*, mon zis anvi konnen si ou annan resours pou ou fer li. Si ou napa ou kapab fer ou demann e nou, nou ava ed ou gannyen. Mersi Mr Speaker.

**MR SPEAKER**

Meris Onorab. *CEO* ou a kapab adres sa pwen.

**CEO NBS LAURA AHTIME**

Mersi Mr Chair. Mersi Manm Onorab. Wi, mon konpran ou. Pou nou mezir tou sa bann zafer, pou nou fer sa *household budget survey* pou nou dabor etabli sa bann komodite pou ki pri nou pe anmase, sa nou bezwen bokou resours.

E an plis nou bezwen, wi nou bezwen an plis statistisyen dan biro pou fer bann louvraz. Si nou pou annan bann *analytical reports* en pti pe pli detaye pou nou prodwi, nou pou bezwen plis dimoun o nivo, dimoun kalifye.

Zis pou dir ki de fwa lo marse lanplwa, menm si nou annan bann *post*, de fwa nou pa ganny dimoun e an menm tan nou bezwen ofer en saler pli eleve pou nou kapab ganny sa bann statistisyen.

**MR SPEAKER**

*Thank you CEO.* Onorab Cosgrow.

**HON WALLACE GOSGROW**

Mersi Mr Chair. Bonn apre midi tou dimoun. Mr Chair, mon kestyon i en pti pe dan menm laliny avek Onorab Loze. *CEO*, eski ou kapab dir nou. Akoz ler mon pe get Bidze *NBS*, mon vwar ki lannen prosenn i R20milyon, son lannen answit i desann en pti pe e son lot lannen answit i desann ankor.

So, dir mwan, letan mon pe gete zot annan apepre en dizenn, douzenn kategori statistik ki zot kolekte. Eski zot koman en Biro Statistik Nasyonal, zot annan plan kolekte nouvo kalite statistik pou enform Gouvernman, pou enform desizyon Gouvernman?

E si wi, sa resours ki zot pe gannyen lot lannen avek bann lannen ki pe vini, eski pou ase pou zot kapab fer sa bann legzersis? Si zot annan bann nouvo kalite statistik ki zot anvi anmase?

Dezyenm ler *Electoral commission* ti vini lot fwa, zot ti dir zot pe plan en *voters census*. Nou pa ti vwar gran, gran resours dan Bidze *Electoral Commission*. Parkont mon pe gete si dan ou Bidze, akoz mon

sipoze *Electoral Commission* pou servi *NBS* pou kapab ede fer sa *census*. Eski zot in ganny resours pou ede fer *voters census*?

E trwazyenm, dernyen, i konsern en pti pe zot bann *link* avek bann lezot seksyon statistik dan bann lezot Minister. Ki manner zot apros sa lyen. Eski zot annan en lyen direk, pres kot ganny *supplies statistics*. Ouswa sa bann dimoun i *operate* en pti pe lo zot menm dan bann Minister. Mersi.

### **MR SPEAKER**

*Thank you* Onorab. *CEO*, ou a reponn *please*.

### **CEO NBS LAURA AHTIME**

Mersi Mr Chair. Mersi Manm Onorab. Kot i konsern nouvo proze, nou pou toultan annan bann nouvo proze parski nou pe regard, *its data, its user demand. Its driven by users*. Si nou annan bann *users* ki pe demann nou pou prodwi plis keksoz, nou pou prodwi plis.

An menm tann ou konnen nou annan sa bann lazanda parey *SDGs* avek azanda 2063. Sa osi i annan bann nouvo keksoz ladan ki demann nou pou nou fer bann nouvo reserse, ouswa bann nouvo *surveys* pou anmas sa

lenformasyon. So, definitivman pou annan bann nouvo keksoz ki nou pou bezwen anmas plis lenformasyon.

Par egzanp letan nou pou fer resansman, i annan plis lenformasyon ki pou ganny anmase, konpare avek bann resansman dan lepase. So, *as* ki letan i evolye i annan sa nesesite e sa demann pou annan plis lenformasyon. So, nou pou annan sa bann nouvo proze.

E ou pe demann mwan ki manner nou *link up* avek bann lezot. Pour lemoman nou, nou pe *operate* anba en Lalwa ki pe govern zis sa ki nou, nou pe fer koman *Biro Statistics*. E ki nou anvizaze dan lefitir, se *instead of* annan en Lalwa ki zis pou *Biro Statistics*, nou pou annan en Lalwa ki pou *encompass* tou bann sekter ki nou pou apel *National Statistical System*.

Savedir tou bann lezot Sekter, *MDAs*, zot osi zot pou vwar zot dan sa Lalwa e nou koman *Biro Statistics* nou pou a latet sa sistenm ki nou pou apel *National Statistical system*.

E letan sa pou i ganny etabli, nou lyen avek sa bann *MDAs* pou en pti pe pli for, e zot pou menm vwar zot oblize pou donn nou bann lenformasyon ki nou, nou bezwen. E *having*

*said that*, an menm tan sa nouvo Lalwa ki pou fer nou vin pli pre ansanm, pou nou kapab kordinen, *coordinate* ki manner nou travay, eksetera e fer sir ki tou sa bann MDAs pe swiv en standar ki demande dapre bann *manuals* e lafason konpile.

Sa bann MDAs zot pou bezwen bann resours dan zot Minister, Departman ek Lazans. Zot osi zot pou bezwen ganny ekipe.

*So, at the end of the day*, letan sa nouvo Lalwa i ava vini, i pou merit ki zot osi zot ganny ekipe ek bann resours neseler. Ki swa resours imen, bann resours finansyel, resours enfrastriktir pou ki tou keksoz i mars ansanm.

Nou koman Biro *Statistics*, nou dir nou la pou nou siport bann lezot MDAs pou nou donn zot sa sipor neseler, pou gid zot dan lafason ki zot anmas lenformasyon, ki zot *store* lenformasyon eksetera.

*So*, bann diferan lezot Departman i annan ki apros nou. Ou'n mansyonn la Biro Eleksyon. I enn nou bann kliyan si ou le. Konmsi nou, nou la pou asiste zot. *But at the end of the day*, si zot annan zot resansman voter pou fer,

nou asiste zot lo kote teknik, lo ki manner pou fer li.

*Me a la fin du jour* kot i konsern resours finansyel pou zot fer sa, i pou reste avek zot. Nou, nou pou asiste zot lo kote gid zot lo teknik, lo lafason fer keksoz, ki manner pou striktire. Ki manner pou anmas lenformasyon. Sa nou pou tret ki, nou apel zot nou kliyan, ki nou donn sa kalite servis. Alors nou pou tret zot koumsa.

Be zot, zot menm zot, zot pou bezwen fer zot prop demars pou zot ganny zot resours finansyel, pou siport zot proze ki pou *their own uses*. Mersi Mr Chair.

### **MR SPEAKER**

*Thank you CEO*. Klarifikasyon Onorab Cosgrow. Wi.

### **HON WALACE COSGROW**

Zis en pti adisyon, klarifikasyon. Dan ou pwennvi *CEO*, par egzanp en lenformasyon par egzanp *voters census*. Dan ou pwennvi, eski i en lenformasyon ki devret nasyon e ganny santre kot ou biro, *rather that* zis les li kot sa antite ?

Akoz i en lenformasyon en portan, i en statistik nasyon ki petet mon santi i devret

santre kot ou biwo osi. Ou pwennvi? Mersi.

**MR SPEAKER**

*Thank you. CEO ou a adres sa please.*

**CEO NBS LAURA AHTIME**

Mersi Mr Chair. Mersi Manm Onorab. Ou pe koz koman en *data portal*, en *repository* pou sa. *Ok*. en *voters census* normalman i pou pe target en dimoun a en serten laz. *Ok?* Nou letan nou fer en resansman popilasyon, nou pou annan tou dimoun. Depi pti baba ziska dernyen la ki egziste, 100an, plis ki 100an. En *voters census* kekfwa ou kapab dir i en *subset of* sa ki nou pe fer.

Be an adisyon, mon krwar *voters census* mon krwar zot annan petet bann lezot lenformasyon ki zot, zot demande. E nou, nou pou la pou gid zot. Nou kapab *be a repository for that as well*. *We can be a repository, akoz nou en repository for the national census* ki nou pou anmas sa bann lenformasyon.

So, sa i en keksoz ki posib. Selman apre mon sipoze i pou depan lo sa ki zot Lalwa i dir, Lalwa Biro Eleksyon ki manner i tret sa kalite demars.

Me lo kote gard sa lenformasyon, *as long* ki i napa okenn konfli or okenn problem ki kapab leve, *then* i lenformasyon konsernan dimoun, *it should be ok*. Mersi.

**MR SPEAKER**

Mersi CEO. Kestyon swivan, Onorab Henrie.

**HON GERVAIS HENRIE**

Mersi Mr Chair. Bonn apre midi tou dimoun. Mr Chair, mon premye kestyon i ava annan lyen avek sa ki Onorab Cosgrow ti pe demande. E mon krwar sa ki li i ti pe sey dir li osi, dernyen fwa ki *Electoral Commission* ti la, zot ti dir zot lentansyon fer en *voters census*. Me selman akoz limitasyon resours dan pei, zot ti pe dir zot pe regard posibilite *to piggy ride on the census exercise* pou ki zot pa bezwen al rod larzan ekstra pli tar.

So, petet sa ki *the question is*, eski in annan sa konversasyon pou ki bann kestyon i kapab ganny demande dan sa legzersis *census*, i ava annan detrwa pti kestyon ki pou form parti *the voters census*, pou nou etabli vre popilasyon sak *constituency*. Lekel ki pa la. Konmsi ki nou *voters register* i ava vin azour.

E mon krwar, mon pou dir ki i dwatet fasil fer e sirtou la ki zot pe al servi bann teknolozi modern pou fer sa. So, sa i mon premye kestyon. *Whether* ki in annan sa konversasyon pou ki sa i vin en *joint exercise* dan en sel zafer *census* i ansanm avek *voters census*. Premye kestyon.

Dezyenm kestyon, mon vwar poudir enn bann defi ki zot in mete se sa *off-site back up facilities*. E sa mon krwar i pa dwatet en kestyon zis pou Biro Statistik. Me *nationally*, lefet ki nou annan Minis Finans la, nou bezwen konsyan sa. Pou bann MDAs, pou bann labank, zot bezwen annan en *off-site back-up facilities*.

E dan ka antite ki devan ou ki pe dir zot napa, eski zot in fer en legzersis pou dir konbyen sa pou koute e ki petet sa i en keksoz ki nou kapab rode par la pou dir, be zot dwatet gannyen, si zot santi poudir zot bezwen gannyen. Ki nou ti kapab fer sa, rode pou zot dan sa bann bilyon ki nou pe vot lo la. Pou gete kote zot ti kapab gannyen. Mersi.

### **MR SPEAKER**

*Thank you.* Minis ou pou adres sa.

### **MINISTER NAADIR HASSAN**

Mersi Mr Chair. Mersi Onorab. Mon a adres sa dernyen kestyon apre mon a pas laparol avek *CEO*. *Regarding* bann *off-site*, bann *back-up facility* pou *business continuity*, i *DICT* i annan fasilite pou sa.

Annefe ler mon'n koz avek *CEO* e sa ti ganny anmenn a mon latansyon poudir zot napa en *back-up facility*, mon'n dir ek li poudir, be mon a gete avek *DICT* pou *provide* sa. Akoz tou antite Gouvernman i sipoze ganny *back up* avek *DICT servers*.

Mon pa tro asire pou *National Statistics Bureau* akoz pa'n arive. Me sa i en keksoz ki nou pe met a latansyon *DICT*. Lezot kestyon mon a pas avek *CEO*.

### **MR SPEAKER**

*CEO*, wi.

### **CEO NBS LAURA AHTIME**

Mersi Mr Chair. Mersi Manm Onorab. Wi, ou kestyon ti konsern si nou'n annan en konversasyon avek Biro Eleksyon. Mon konfirman, wi nou'n annan en konversasyon avek son *Chairperson* avek son *CEO* e Biro Eleksyon an zeneral. Kot wi, zot okouran.

Tou dimoun i okouran nou dan demars pou al fer en resansman lannen prosenn. E

nou'n fini etabli nou zouti, nou kestyonner ki nou pe al fer.

So, i annan en bon bann kestyon ki petet i pou kouver deza demann Biro Eleksyon. Nou'n annan sa konversasyon kot nou'n dir be *ok* nou kapab asiste zot.

Me zis nou pou bezwen aranz en pti git nou zouti, akoz i pou annan enn de kestyon ekstra ki nou, nou pa ti'n mete. Ki pa ti vreman en kestyon pou resansman.

Me selman ki pou *meet the objective of* Biro Eleksyon. Alors sa i ava en keksoz ki nou pou bezwen met an ekstra dan nou kestyon, ki ava fer nou kestyonner en pti pe pli long. Ki en mannyer nou pou bezwen *tweak* tou bann keksoz *IT* ki nou pou bezwen fer avek.

So, nou'n anmans konversasyon pou nou kolabor avek Biro Eleksyon pou fer sa.

### **MR SPEAKER**

Mersi *CEO*. Mon a profit le moman pou enform bann Manm ki Lasanble Nasyonal fek *sign up* avek *DICT* pou *back up storage* pou nou *data* pou nou. E laranzman pou sa pe al byen e nou ekspekte *online* terminen byento. I enteresan sa.

Onorab Pillay ou kestyon.

### **HON SEBASTIEN PILLAY**

Mersi Mr Chairman. Bonn apre midi *CEO* avek delegasyon. Byenveni dan Lasanble Nasyonal. Mon rapel ler nou ti ankor pe al Anse Boileau pou komans fer *census*, ti en leksperyans enteresan pou mwan. Plizyer lannen pase lo premye *census* ki nou ti fer, mon ti ganny sans travay lo la avek zot.

So, e mon konnen kwa ki enkorpoire travay ki zot fer. So, prenon kont sa ki mon konnen, mon pou sey demann zot bann kestyon lo bann sanzman ki'n sipoze arive. Akoz mon'n sey *keep abreast of* bann keksoz pou mwan kapab konpran *l'enjeu*.

Ler mon regard zot Bidze, mon pe sey konpran - mon pe sey regard serten eleman dan zot Bidze, ki anmenn mwan pou regard bann statik ki zot prodwir. I annan plizyer statistik, parey Onorab Cosgrow in koz lo la, ki zot prodwir. E zot Bidze primordyal an se ki konsern koleksyon sa bann lenformasyon pou tonm anba zot *other goods - other uses of goods and services*.

Mon prezimen sa 2 *Code* anba *allowances* i pou pey bann travay ki ganny fer an relasyon ek bann *census*, oubyen bann lezot *survey data* ki zot bezwen fer, pou ganny bann endividi ki

al fer sa bann travay. Mon prezimen sa ou ava konfirm sa pou mwan.

Prezan ler nou vin lo ou bann lenformasyon, pou al en pti pe dan laliny ki Onorab Loze ti pe koz lo la. Par egzanp, si mon pran par egzanp zot *employment and earning statistics*, Minister Lanplwa i vini dan Lasanble e i dir nou koumsa poudir dimoun pe ganny mete dan lanplwa eksetera, eksetera. Me ou *statistic* pou *quarter to 2021*, i montre en lot zafer. I *contrary to* sa ki Minis in dir dan Lasanble.

So, kekyon ki nou bezwen demann ou se, eski ou annan ase resours pou ou kapab ede enform desizyon ki bann Minister pe fer an servan *data* ki ou, ou pe kolekte. Par egzanp ler nou regard bann *quarter to earnings* nou vwar poudir *across* lamazorite sekter *quarter to earnings* in desann, baze lo lenformasyon ki la apart ki serten in monte.

E sa ki enteresan, nou'n vwar osi poudir lamazorite travayer dan sekter gouvnmantal i bann madanm. Sa ki sa statistik pa dir nou, i konbyen *single mother*, konbyen i bann madanm ki annan.-. Ou konnen i pa *break down* sa

statistik e petet i al dan kekyon ki Onorab Loze ti pe anmennen.

Eski i annan fason, *given* sityasyon ekonomik ki nou ladan. Eski sa Bidze pe permet ou pou ganny ase resours pou ou kapab *deconstruct* sa bann statistik ki ganny mete, e ki Gouvernman apre ler i pe pran bann desizyon lo bann *policy* i a kapab pran bann desizyon lo sa bann *policy* pa zis lo en perspektiv fiskal, me lo en pwennvi sosyal *as well* pou konsidere ki lenpak sa bann desizyon pou annan lo bann endividi.

Ler nou regard koleksyon bann statistik, mon ti a kontan demann ou, eski ou annan ase resours ki permet ou pou fer koleksyon statistik dan en fason ki son *validity e reliability* sa bann statistik i ganny kolekte, i alaoter dan lesans kot i kapab ede enform *bann policy change* ki Gouvernman pe anmennen.

Par egzanp, si nou pran *consumer price index*, i montre nou ki mannyer to lenflasyon pe sanze. In montre nou to lenflasyon ki 'n monte, ki pli o. Me sa osi i kontrer avek serten desizyon ki nou vwar Gouvernman pe pran vizavi serten pozisyon.

So si nou pe donn biro statistik sa Bidze ki nou pe

donn li, lesansyel ki nou oule vwar, i sa statistik i ganny servi pou enform desizyon ki bann Minister e ki Gouvernman i pran an zeneral.

So eski sa pe arive? E eski i annan en *interface* ant ou, Biro Statistik e Minister Finans osi pandan letan ki Bidze pei pe ganny prepare? Mon ava aret la Mr Chairman pou *allow CEO* pou pran sa bann kestyon. Mersi.

**MR SPEAKER**

*Thank you*, nou a les *CEO* adrese.

**CEO NBS LAURA AHTIME**

Mersi Mr Chair. Pou konfirman wi, si ou vwar sa gro *amount of allowances of goods and services* i presizeman pou pey bann dimoun pou resansman, pou bann *survey* ki nou fer. So, *that is correct*.

Lo kote lanplwa, sa bann statistik lanplwa ki nou fer sorti tou le *quarter*, i prensipalman lenformasyon ki nou anmase servan bann sours administrative. Nou pa vreman ale pou al anmas sa lenformasyon kot sak lorganizasyon, aköz nou deza –

Sa i en keksoz ki ganny promote par *UN*, *and as much as possible*, kot i egziste en sours administrativ ki pe

anmas sa lenformasyon, ou pran avek zot. E nou sours administrative pou sa lenformasyon i *Seychelles Revenue Commission (SRC)*.

Akoz si tou dimoun ki dan lanplwa i pe pey *tax*, eksetera, nou bezwen annan son rikord laba. So, sa lenformasyon ki nou pibliye, i lenformasyon ki nou gannyen sorti kot sa sours. *This is one*.

**MR SPEAKER**

Wi, *CEO*. Ou'n terminen?

**CEO NBS LAURA AHTIME**

Non, mon ti pe al lo s about kot i pe demann ...

**MR SPEAKER**

*Go ahead, go ahead please. Sorry.*

**CEO NBS LAURA AHTIME**

*... disaggregated data. From sa lenformasyon, si at the source nou kapab ganny NIN ek tou bann detay, I think the source i devret kapab donn nou sa kalite detay pou nou fer bann tablo neseler, bann lenformasyon neseler pou nou donn bann lezot lorganizasyon.*

So, nou anmas *from* sours administratif. *At the end of the day*, petet i bann defayans ki egziste dan bann *data*

administratif ki petet ki ou pe panse i reflekte. Parski nou, nou pran *from* sours administratif.

Pou al lo ou kote *CPI*. Ou'n tous ankor lo sa soz *CPI*. Nou, nou anmas lenformasyon lefet ki mannyer i ete. Pa sa ki Minister Finans i dir fodre nou dir wi koumsa. Non. Nou endepandan. Nou fason ki nou, nou *operate* nou *operate independently*.

Ki nou anmas sa lenformasyon, apre nou *decimate* li ek tou bann dimoun, ki lo nou *user list* i lo nou *website*.

So, i la, i disponib. Menm bann o zofisye dan Gouvernman, tou dimoun i lo nou *emailing list*. So, zot tou zot ganny akse a sa lenformasyon ki nou'n nou kolekt e nou pibliye.

So, *basically* i annan sa lyen e zot annan akse avek sa lenformasyon ler zot pe pran zot bann desizyon. I pa ki nou anmas e nou gard pou nou. *It's there. It's available to everyone*. Mersi Mr Chair.

### **MR SPEAKER**

*Thank you, CEO*. Ou annan ankor kestyon Onorab? Wi ale, ankor enn.

### **HON SEBASTIEN PILLAY**

Mersi Mr Chairman. Mr Chairman, baze lo bann baz lenformasyon ki mon pe vwar lo *website NBS* e lefe ki *NBS* pe al tre byento angaz li dan en *population census, the national census*. E ki *the national census* ki zot pe al fer, safwasi mon prezimen zot pe *extend* bann baz lenformasyon ki zot pou rode.

Mon ti a kontan demande, kan eski sa *census* pou ganny fer? E eski sa *census* pou osi enkorpor letablisman *poverty line, the real poverty line* Sesel? Akoz nou'n ganny dir dan lepase i annan 40 poursan lapovrete e i annan bokou bann keksoz ki'n ganny dir otour sa.

Nou oule etabli ki *the real poverty line*. Eski- ? Kan eski nou pou kapab ganny sa lenformasyon ? Akoz ler nou vin dan Lasanble, en kote i dir en keksoz, lot kote i dir en keksoz, i pa vin en ... I paret poudir en diferan portre i ganny penn e apre i vin en legzersis dan *being defensive*.

So, eski nou annan Bidze pou nou fer sa, e ki kantite letan pou pran ki sa lenformasyon i vin azour? Akoz en kantite i depan lo *disposable income* ki sa dimoun i annan. Savedir larzan dan pos ki dimoun i annan, pou zot kapab

fer fas avek to lenflasyon, avek bann sityasyon ki pe arive.

E petet Mr Chairman, avek ou permisyon, mon ti a kontan petet si Minis i kapab endik nou, si baze lo bann donnen lenformasyon ki nou pe vwar, sa ki Biro Statistik pe donn nou, ki baz lenflasyon alors Minister Finans in servi li, pou baz bann gran prensip oubyen merit sa Bidze ki'n ganny met devan nou?

Ki ler ou regard serten baz lenformasyon ki *NBS* i annan, i al an kontrer avek serten prensip ki Minis - Baze lo en analis siperfisyel la, i al an kontrer avek sa ki *NSB* pe montre lo son sit *web*.

So, petet Minis i kapab klarifye, aköz si nou pe donn larzan *NBS* pou anmas sa lenformasyon, mon ekspekte poudir Gouvernman i servi sa lenformasyon dan en fason konkret pou fer bann Polisi ki al dan benefis nou popilasyon. Mersi Mr Chairman.

### **MR SPEAKER**

*Thank you.* Wi Minis ou kapab adrese.

### **MINISTER NAADIR HASSAN**

Mersi Mr Chair. Mersi Onorab pou ou kestyon. Mon a pran sa dernyen kestyon e apre mon a pas avek *CEO*. Mon krwar ou'n

byen dir ler ki ou'n mansyonnen ki sa ki ou'n vwar i *superficial in terms of* sa kontradiksyon ki ou vwar.

Akoz dan Minister Finans nou annan nou Departman *FAB* - ki fer *forecasting* e li i servi tou lenformasyon. *Included* ladan se lenflasyon ki *NSB* i prodwi e *FAB*. E la osi nou dan program ek *IMF*. So, *both* bann *economist* dan Departman Finans, *Central Bank* e kot *IMF* i *quant* sa bann *numbers* ki *NSB* i annan e lezot antite i annan e baze lo la i vin avek nou *macroeconomic forecast*.

So, mon pa pou dir, poudir ler sa 3 lenstitisyon in fer son analiz ki i annan *inconsistencies* dan analis. Mersi.

### **MR SPEAKER**

*Thank you CEO,* ou annan keksoz pou azoute.

### **CEO NBS LAURA AHTIME**

Mersi Mr Chair. Mersi Manm Onorab. Ou'n demann nou kan nou pou fer resansman? Nou pe planifye, nou konnen poudir tou keksoz nou annan en plan, nou met en *target date*. Be sa lepok ki nou pe viv ladan annan de fwa i *disrupt* sa ki nou, nou pe planifye.

La *tentatively* nou pe dir petet pandan vakans Pak ki nou prezimen i pou an Avril. Akoz ler nou fer resansman i en gro legzersis kot nou bezwen mobiliz en bon pe resours imen, pou al lo teren parey ou menm ou'n mansyonnen ou'n partisipe an 2010. So, nou pe espekte ki i a kwensid avek vakans lekòl, kot nou kapab *make use of bann teachers*. Sa i enn.

Ou pe demande si letan nou pou'n fer sa resansman, nou pou konnen nivo lapovrete? Normalman en resansman i pa pe al dan bann detay *income* depans dimoun pou get lapovrete. I en lot kalite legzersis. Legzersis *HBS* petet nou ti'n ava'n anmas sa kalite lenformasyon or en *other specific poverty study*.

Resansman i en legzersis ki nou pou fer li *over* en peryod letan, nou dir en semenn apepre. Akoz parey nou dir li an angle. *It's a snapshot of the population*. Nou pe get dimoun ek lakaz, bann karakteristik lakaz. Bann diferan keksoz. Tou keksoz ki annan pou fer pou etabli.

Konbyen dimoun i annan? Zot nivo sosyoekonomik, ledikasyon, lanplwa. Get lo kote *functional limitations*. Get lo kote lakaz si zot annan delo

ek elektrisite. *All the things to do with housing*, pou regard zot konfor.

Nou pa pe anmas okenn formasyon lo kote kantite saler sak dimoun i gannyen, ki kantite depans i fer pou nou etabli povrete. Akoz sa i pa tonm dan *framework* en resansman.

So, sa resansman i pou ed Gouvernman konnen son lakantite dimoun dan sak distrik, ki zot kondisyon zot pe viv ladan. Lakaz, eksetera. Si zot annan akse ek *utilities*, bann keksoz koumsa. Ki ava ede zot pou kapab fer lezot kalite desizyon.

Me i pa pou al lo mezir si zot annan ase larzan pou zot depanse, eksetera. Me selman i a fer zot konn zot kondisyon lakaz avek konbyen dimoun i annan, nivo ledikasyon eksetera. Mersi Mr Speaker.

### **MR SPEAKER**

*Thank you CEO*. Nou a pran kestyon Onorab Bistoquet.

### **HON ROSIE BISTOQUET**

Mersi Mr Chair. Bonn apre midi *CEO*. Ki mon ti pou demande, mon kestyon ki mon ti pou demande lo Bidze *overall* in fini ganny reponn. Me selman letan mon get en pti pe anba ou *challenges*, ou annan

en problemm avek bann *staff turnover*. E note ki sekter NBS i sekter tre enportan dan nenport ki pei. Kot mon konnen i enform bann devlopman stratezik dan sak pei baze lo bann vre levidans.

Konbyen statistisyen kalifye ki annan dan pei pour lemoman ki pe siport NBS? Apre konbyen ki ou krwar i manke baze lo sa Bidze ki ou pe demande, ki ou kapab rode? Mersi.

### **MR SPEAKER**

*Thank you.* Nou a pas CEO pou adrese.

### **CEO NBS LAURA AHTIME**

Mersi Mr Chair. Mersi Manm Onorab. *Ok*, pou dir ou konbyen statistisyen i annan dan pei pour lemoman. Sa mon pa pou konnen, diferan lorganizasyon. Ou konnen annan de fwa en dimoun i travay dan en lorganizasyon, i ganny en tit statistisyen. Me selman *we need to establish whether* konmsi sa dimoun i vremen en statistisyen.

Dan nou biro kot nou menm nou, nou annan nou 1 *Senior* statistisyen, 1 *Principal* avek 7 statistisyen. Apre bann lezot anba i bann asistan statistisyen oubyen bann *senior statistical assistant*. *But this is*

*kwa ki nou annan. 1 Principal, 1 Senior and 7 statisticians.*

Selman dan en Biro Statistik konmela la, nou bezwen regarde, nou bezwen plis lezot dimoun osi. Lezot kad apard statistisyen.

En lot eleman ki pe vin vremen enportan i par egzanz bann zafer *GIS*. Sa i enportan pou nou annan dimoun kalifye dan sa domenn osi e menm petet bann dimoun ki fer en pe *economics as well*.

So, i annan en gran mankman mon krwar dan pei, lo sa nivo. Parski kantmenm annan de fwa nou *advertise* bann *vacancies*, nou pa pe ganny bann dimoun pou vin pran sa *post*. Ouswa bann ki vini, apre sa *turnover is as a result of*- En bann i *dissatisfied with the salary*.

Akoz mon'n fer en pti legzersis, en pti analiz dan sa dernyen 6an. Nou'n annan 14 bann statistisyen, dimoun ki nou ti'n *recruit*. Statistisyen avek en nivo en pti pe pli ba ki'n kite. Ladan 7 i dir zot rezon pou zot kite se ki zot pa ti satisfes avek sa saler. Zot in mazine poudir sa saler ki nou pe donn zot pa'n ase alaoter. Konmsi *it's not worth it*.

Lezot 7 in annan i diferan rezon. I annan ki'n imigre pou rezon personnel, rezon lafanmir

zot in imigre. I annan zot in deside zot anvi al fer letid dan en lot domenn. I annan ki'n anvi san karyer. So, se pour sa ki zot in kite. Selman 7 dan sa 14 ki'n kite zot in dir aköz zot pa'n satisfè avèk sa *salary package* ki nou pe donn zot. Mersi Mr Chair.

**MR SPEAKER**

*Thank you. Thank you CEO.* Nou a pran vot lo Bidze pou *National Bureau of Statistics* ki pou en total R20milyon 123 mil. Manm ki an faver lev lanmen silvouple? Mersi.

Lo vote pou Bidze pou *National Bureau of Statistics*, lo paz 201 ziska 205 pou en total R20milyon 123mil, 30 Manm in vot pour, 0 kont e 0 *abstain*. Bidze in aprouve par Lasanble. Mon a remersye lo lapar Lasanble zofisye *Statistics*, Madanm Ahtime ek son bann koleg. Mon a swet zot bon depar e bon kouraz pou zot travay. Nou a pran en *pause sanitizing* e apre nou a apel lot antite.

*(technical break)*

**SEYCHELLES REVENUE COMMISSION**

**MR SPEAKER**

Bonn apre midi en byenveni nou delegasyon, *Seychelles Revenue Commission*. E avèk nou i annan *Commissioner General*, Mrs Veronique Herminie. *Deputy Commissioner General*, Mr Fred Morel e *Commissioner of Customs*, Mr Paul Barrack.

Mersi pou zwenn nou apre midi pou zot Bidze. E Bidze *Seychelles Revenue Commission* i lo paz 172 ziska 185 pou en total R231milyon, 613mil. Alors, nou'n anmas pli gro pou dernyen. Nou a konsider sa Bidze. Minis ou a fer ou lentrodiksyon silvouple.

**MINISTER NAADIR HASSAN**

Mersi Mr Chairman. Komisyon Reveni Sesel (SRC) ki son manda prensipal i pou kolekte reveni atraver *tax* pou fonksyonman Gouvernman, i espekte kolekte an total pou 2022 en sonm R7.51bilyon. Bidze revize pou koleksyon *tax* lannen 2021 i 6.3bilyon. E apartir Novanm 2021 dapre rapor preliminar, SRC in kapab kolekte en total R5.6milyon. Sa i montre ki i dan bon semen pou atenn sa target.

Lanfaz SRC pou Bidze 2022 i ankor anliny avèk son stratezi, i pou ankouraz e ogmant *compliance* pou *tax* ek Ladwann, ranforsi kapasite son

bann travayer, moderniz son bann loperasyon atraver *digitalisation* pou kapab ofer en meyer servis.

Bidze total pou depans i R231.6milyon dan ki 51.94 poursan i kouver bann depans saler. E sa lannen en porsyon Bidze SRC ki reprezant 27.17 poursan pou en sonm R59 milyon i kouver depans kapital.

Sa, parey mon ti anonse dan ladres Bidze, i kouver kou lentere pou en *loan* ki pe ganny pran par *GICC* pou konstri en batiman pou SRC. Provizyon pou lentere i R5milyon e Bidze i osi enkli R54milyon pou en *invoice management system* pou VAT pou Sekter *Retail* ki nou ti koz lo la pandan deba Bidze pou 2021.

I osi annan en provizyon en sonm total R3.3milyon pou serten platform ou serten sistenm elektronik, pou zer lenformasyon e pou pey bann *license* ki nesaser pou lenplimantasyon sa bann sistenm.

R7.6milyon in ganny enkli dan Bidze anba *goods and services* pou 4 konsiltan enternasyonal ;- 2 pou *tax* e 2 pou Ladwann, ki pou annan rol ranforsi kapasite atraver *training* e osi fer propozisyon pou revwar Lalwa avek prosedir kot i nesaser.

Depans saler i relye avek bann reform entern SRC, ki pou ede pou anpes bann *revenue leakages* e ogmant koleksyon.

Bidze SRC pou lannen 2022 i reprezant en logmantasyon R94.4milyon, 67 poursan konpare ek 2021.

Pou kapab garanti koleksyon pou lannen 2022, SRC pe ranforsi son bann travay *compliance* ki i i komanse depi lannen pase an konformite ek bann Lalwa *Tax*. Mersi Mr Chairman.

### **MR SPEAKER**

Mersi Minis, nou a pran kestyon bann Manm. Onorab Esparon i a komanse.

### **HON REGINA ESPARON**

Mersi Mr Chair. Bonn apre midi Minis avek ou delegasyon ki fek zwenn nou. Mr Chair, mon ti anvi zis en kalifikasyon anba *other goods and services* i annan en sonm la R7milyon 680mil anba *foreign consultancy* ki nouvo pou 2021, ki pa ti ganny enpresyonnen lannen pase.

Eski sa i relye avek bann nouvo lagreman oubyen nouvo Lalwa, Polisi ki zot anvizaz enplimante pou fer ki i a *tighten* tou bann *loopholes* ki annan, bann defayans pou zot kapab

anmas reveni ki sipoze anmase? Mersi.

**MR SPEAKER**

*Thank you. Panel*, Minis wi oule adrese.

**MINISTER NAADIR HASSAN**

Mersi Mr Chair. Mersi Onorab pou ou keston. Wi, sa larzan, sa *funding* i pou *recruit* 4 konsiltan etranze pou vin ed SRC lo kote *compliance*, lo kote fonksyonman Ladwann, pou asire ki nou koleksyon *tax* i dapre Lalwa ki la.

Akoz i annan serten defayans ki nou'n vwar e nou napa sa kapasite *internally* pou fer li. So, nou pou bezwen rod en pe lasistans e *build* kapasite bann *staff SRC*. So, sa i relye avek sa *area*. Mersi.

**MR SPEAKER**

*Thank you* Minister. Onorab Lemiel, swivan.

**HON SYLVANNE LEMIEL**

Mersi Mr Chair. Bonn apre midi Madanm *Commissioner* avek ou lekip. Mon keston ti dan menm laliny. Nou pe vwar ki dan zot Bidze, '*approved new spending initiative*' dan latab 4, nou vwar bon konponan larzan in ganny mete ladan.

E mon pe prezimen ki tou ansanm zot pe mazinen ki

manner avek sa larzan petet zot pou ranforsi enn pti pe SRC, an sa ki konsern pou zot anmas plis larzan pou met dan kof Gouvernman,

E Minis in eksplik en pti pe lo kote sa *foreign consultant*. Petet mwan mon ti a kontan nou ganny en pti pe plis detay, lo ki fason i pou anmenn plis benefis pou SRC? E an menn tan nou pe vwar ki zot annan osi, lo kote zot *improved tax compliance* atraver *software* ki petet *OECD data system* ki petet i pe demande ki zot annan.

Mon vwar i annan en serten larzan osi zot in met ladan. E petet osi en pti pe leksplikasyon lo la. I annan R2.1milyon, petet ladan, kwa ki zot pe mazinen ki pou anmennen pou kapab ranforsi en pti pe travay SRC?

En pti konplent an menm tan ki bann *clearing agents* petet osi i annan. An sa ki konsern zot servis *delivery*, mon pe mazinen si petet an lannen 2022, zot pe mazinen re ouver zot servis ki zot donnen Erport, sirtou dan Sanmdi.

Sa enn dan Sanmdi ki zot in fermen. Mon pe panse apre sa bann zafer COVID, mon pa konnen. Me selman petet mon ti a kontan si SRC i enform bann *clearing agents* la deor,

eski sa servis i pou ganny re komanse? Sirtou sa servis dan Sanmdi? Mersi.

**MR SPEAKER**

*Thank you* Onorab. Lo *panel*, zis sinyalman mwan lekel ki pou reponn silvouple. Wi, *Deputy Commissioner*.

**DEPUTY COMMISSIONER GENERAL FRED MOREL**

Mersi Onorab. Mersi Mr Chair. Mon ava pran sa enn pou *OACD data system*. Sa i en sistenm ki nou'n entrodwi li *basically* sa lannen nou'n komans servi. I en sistenm ki nou'n *go through Procurement* boner sa lannen e nou'n fer bann tes *from* Out.

I en sistenm ki'n ganny servi pou fer lesanz lenformasyon, *automatic exchange of information* avek bann lezot pei, *as part of* en standar ki *OECD* in met an plas e lagreman ki nou nou'n sinyen.

*Basically* bann lenformasyon ki fer lesanz lo la i *about* bann *account* ki bann *financial institution* i - bann *account* ki bann dimoun oubyen bann rezidan i annan isi, avek bann *financial institution*. Ki nou pran sa lenformasyon nou anvoy kot bann lezot pei.

E *at the same time* nou resevwar osi lo lenformasyon

*from* sa bann lezot pei, *about* bann *account* ki nou bann rezidan i annan dan bann pei deor.

E avan sa nou ti pe fer sa bann lesanz depi an 2017. Me selman nou ti napa sistenm ki kapab dekrir sa bann *data* byen, pou nou kapab servi sa bann lenformasyon. Be la nou pou kapab servi sa bann lenformasyon dan nou bann lodit ki nou fer.

Nou kapab *request* bann *additional* lenformasyon avek bann pei deor lo sa bann *accounts* pou nou ganny plis detay lo la. Pou gete si i annan bann lenformasyon *tax* ki'n ganny *evade*, ki'n ganny depoze dan sa bann *account* deor.

Sa i lafason ki mannyer i pou ede avek *compliance*. Mersi.

**MR SPEAKER**

*Thank you*. *Panel* i annan lot pwen pou adrese? *Commissioner General*.

**COMMISSIONER GENERAL VERONIQUE HERMINIE**

Mr Chair, mon ava les Mr Barrack eksplik servis ki nou ofer dan Sanmdi, wi. Nou ofer en servis dan Sanmdi. So, mon a les Mr Barrack eksplike.

**MR SPEAKER**

Yes, Mr Barrack ou annan laparol.

**COMMISSIONER OF CUSTOMS PAUL BARRACK**

Mersi Chair. Bonn apre midi a tous. Sa servis dan Sanmdi ki ti egziste i pour lemoman aboli avek manm piblik an zeneral, i en servis ki ganny fer konzwentman avek *Air Seychelles*.

So, pou nou kapab re komans sa servis, nou pou bezwen *go back to Air Seychelles* pou renegosye avek zot, pou gete si zot osi zot dan en pozisyon pou zot ouver Sanmdi, akoz posibleman i pa *economically viable* pou zot ouver, pou ofer sa servis.

Me selman nou lo nou kote kot i annan en demann pou asiste piblik, nou pare pou asiste. So, nou pou bezwen koz avek *Air Seychelles* pou gete si zot pare, lo zot kote.

Pour lemoman malgre nou pa pe ouver pou piblik, bann sironstans kot i annan en kantite sa *courrier* ki vini, ki bezwen ganny *sorted*. Nou donnen servis sa bann *courrier company*.

Setadir *DHL, Mahe Shipping*, avek lezot bann *main courier company* ki annan en kantite sak pou *sort out*. Nou donnen sa servis dan Sanmdi

zis pou *sort out* sa bann *bag*. Pa pou neseserman asiste manm piblik an zeneral. Mon espere ki mon'n klarifye sa. Mersi.

**MR SPEAKER**

*Thank you Deputy. CEO.*

**COMMISSIONER GENERAL VERONIQUE HERMINIE**

Mr Chair, i ti mank mon krwar en larepons kot i konsern konsiltan. E petet kwa sa ki pou anmennen an plis *basically*.

So, nou annan 2 *term of reference*. So, nou an annan enn pou *Customs* avek enn pou *tax* ki'n deza fini ganny defi. E *basically* nou pe esper laprouvasyon Bidze pou nou kapab *proceed* avek recruitment sa bann konsiltan.

So, zot *focus* i pou asiste SRC sirtou sa bann *Customs* kot bann devlopman bann *SOP. Standard Operating Procedures*. E osi ede pou *build* kapasite dan bann *areas* ki en pti pe nouvo;- sirtou par egzanp *post clearance and risk assessment. Risk management, sorry*.

E an menm tan osi ed nou ranforsi nou *investigation* avek *intelligence gathering* kot *Customs* i konsernen.

*Focus* pou sa bann konsiltan, tou lede - *for Tax* ek *Customs*, i plis kot i konsern

*capacity building rather than servi zot koman teknisyen, parey petet nou ti fer paravan.*

So, kot *Tax* zot *focus* i lo *audit* ek *examination of bann cases* - en pou asiste nou sirtou par egzanp nou bann *kestyon transfer pricing*, nou'n koz en kantite lo la.

Nou osi annan bann *Legislative and the Policy Review* letan zot ed nou ek bann *cases*. Kekfwa i annan serten *loopholes* dan Lalwa ki zot in kapab *come up* avek - *both from Tax and Customs*.

E an menm tan petet revwar en pti git lafason ki nou loperasyon i ete, petet si i annan en serten reform ki kekfwa nou kapab fer kot tou lede, kot *Tax* avek *Customs*.

An term kwa sa ki nou pe ranforsi pou *compliance* Nou pe plizoumwenn kontinyen avek sa travay ki nou'n komanse sa lannen. Enn ladan, mon pa konnen si zot rapel letan nou ti vin prezant nou Bidze komansman lannen. Nou ti koz lo kreasyon en *Examination and Analysis Unit*. So, sa *unit* in fini ganny kree. So, *basically* ranforsi travay ki zot pe fer.

Nou ti komans an Septanm sa lannen e nou'n komans plis avek *training*. Me selman zot in osi komans fer bann legzersis, e rezilta pou

nou i ase pozitiv. Nou osi pe ranforsi nou bann *case* odit. Nou pe *focus* ankor lannen prosenn lo 365 *cases* e koleksyon reveni, nou ankor pe *aim for* en *target of R235 million fot audit cases*.

So, nou'n retoun lo teren, an vi ki sityasyon *COVID* ti'n *basically* amelyor en pti git. *Although* mon vwar bann *cases* pe ogmante, ki nou pe obzerve.

So, letan nou lans nou *amnesty* an Zilyet sa lannen, Nou'n al lo teren. Nou'n al lo Praslin, La Digue. Mon krwar nou ti menm Anse Royale. So, nou pe re komans nou bann *outreach activity*. E Sanmdi aktyelman nou annan en levennman avek *SNYC*, pou bann zenn dan Lasanble Nasyonal.

E komansman lannen nou *focus* pou *basically* ankouraz *lodgement of return* ki son *due date* i le 31 Mars, 2022 pou bann *return 2021*. So, mon pa konnen si petet mon'n reponn ou *kestyon Onorab*.

### **MR SPEAKER**

Mersi. Mon krwar Onorab in ganny en repons. Wi, mon ti'n apel Onorab Richard Labrosse

### **HON RICHARD LABROSSE**

Bonn apre midi Mr Speaker. Bonn apre midi Minis ek ou

delegasyon. Bonn apre midi tou bann koleg Manm tou dimoun ki a lekout.

Minis ek *panel*, mon'n vwar dan zot dokiman Bidze, zot in met en pe bokou lanfaz lo *human resources* e mon'n vwar osi dan zot *strategic priorities* pou 2022-24, kot zot pe koz lo *improve border control, including intelligence* pou ganny lenformasyon, eksetera.

Me selman parey nou tou nou konnen, Minis poudir pou en dimoun travay lo *border control* i pa en louvraz ki nou kapab sanz dimoun ozordi pou demen.

Ki laliny mon pe al lo la Minis, tou resaman ziska bomaten, mon ti pe ganny plizyer *text* sorti kot bann travayer ki pe travay kot *Customs* lo Erport. Ki paret mwan laba zot annan serten kominikasyon antre zot lo kote *management*, e zot i osi fer mwan okouran ki zot annan serten travayer ki'n *resigned*.

So, mon ti a kontan konnen lo zot kote dan Minister, eski zot annan en fasilite pou travayer kapab vin met zot *grievance* devan?

E eski i annan en *independent body*, kot la kot i annan bann keksoz ki nou kapab rezourd, nou rezourd li. Kot nou pa a bezwen vwar kot

travayer i bezwen desann lo semen, ouswa kekfw serten servis i bezwen ganny arete zis pou bann senp ti keksoz ki nou kapab rezourd.

So, mon ti kontan *panel* i donn sa larepons la e ki sa bann travayer osi ki pe ekoute i a konnen ki bor zot pou ale. Mersi.

### **MR SPEAKER**

*Thank you. Panel?* Minis i adrese, wi.

### **MINISTER NAADIR HASSAN**

Mersi Mr Chair. Mersi Onorab. Wi Onorab, plizyer fwa mwan mon'n zwenn ek bann *staff* ki'n met detrwa *issue* devan mwan. E mwan non pran sa bann *issue* e mon anmenn devan *management SRC* pou zot *deal* avek.

Me kekfw *as* en Lorganizasyon li menm li, *SRC* i annan son *management team*, i annan li en *Board*. Mon a pas laparol avek *Commissioner* ki ava eksplike ki manner bann *grievances* i ganny *deal* avek. Mersi.

### **MR SPEAKER**

*Thank you,* Minis. Commissioner pou pran.

### **COMMISSIONER GENERAL VERONIQUE HERMINIE**

Mr Chair, *quite frankly*, mwan parey Minister li osi, mwan osi tou mon zwenn *staff SRC*. Mon krwar depi lannen in komanse mon'n zwenn, *if - 141 staff one-on-one*. Nou annan en program *Employee Award* e atraver sa program enn bann *basically*, nou pa kapab apel sa en *perk*. Be selman *they have* en sans pou zot annan en *one-on-one avek the CG*.

So, atraver sa mon zwenn avek zot, nou diskit diferan eleman. Dan *training*, bann *issues* ki zot pe *face*. Mon pa vwar rezon aköz *staff SRC* i bezwen al okenn lezot landrwa, kan i annan dimoun ki pare pou ekout zot, si selman zot, zot vin devan.

So, nou annan nou tim *HR* osi *basically* ki vwar *staff*. So, loportinite i la pou zot annan en koze avek *management SRC*. Mon pa konnen si petet mon'n reponn ou keston.

### **MR SPEAKER**

*Thank you CEO*. Nou a *move on*. Onorab Mondon, pou ou keston.

### **HON TERENCE MONDON**

Mersi Mr Chair. Mr Chairman oule en klarifikasyon. Ler nou pe get zot *budget book*, ki enn zot *challenge* ki *SRC* i annan se, ki zot annan bann *post* ki ganny

kree, me selman zot napa lofis, ase lespas. E mon kontan pou vwar ki i annan provizyon pou en nouvo *building*.

Kan sa nouvo *building* i sipoz konplete, antretan ki manner zot pe adres sa problem? Aköz ler mon get zot *basic salaries* pou bann diferan seksyon, mon vwar en logmantasyon. Eski i pou *recruitment* ouswa i pou bann *Scheme of Service*?

Aköz par egzanp *Customs* mon vwar en logmantasyon R291mil par mwan. Kot *Tax* i R94mil par mwan. *Revenue collection* R131mil par mwan. Mon'n pran zis bann *basic*, mon vwar i ogmante. Aprezan ki manner- ? Donn mwan en pe plis leksplikasyon ki manner zot pe mannye sa sityasyon avek zot *challenge* ki zot annan? Mersi.

E zis en lot pti keston, mon vwar ki *air-conditioning* anba *maintenance and repairs*, mon vwar en provizyon R1 milyon ki ti napa lannen pase. Konmsi ki sityasyon ki zot bezwen annan sa kantite larzan pou depanse lo sistenm *air-conditioning*? *Thank you*.

### **MR SPEAKER**

*Thank you* Onorab. *CEO*. Wi?

**COMMISSIONER GENERAL**  
**VERONIQUE HERMINIE**

Mon a pran sa dernyen pwen kot *aircon*. Sa i *service charge* Mr Chair, ki nou ti pe ganny sarze par Fon Pansyon ki oparavan i ti ansanm avek *the rent*, me ki la in ganny *split*. So, nou met li a lekar.

E petet enn bann rezon akoz nou osi tou nou ti pe pouse pou nou kapab ganny en batiman pou nou, parske *then* i pli fasil pou nou kapab kontrol nou bann depans kot i konsern *maintenance* batiman.

So, *the SRC building*, si Minis i permet mwan mansyonn lo la, i annan en *site* ki'n ganny idantifye, ki bezwen ganny *survey basically*, e ki nou espekte ki kekfw *before mid of next year* i ava, *building* ava kapab komanse. E bann *design* in fini.

Mon krwar Minis dan son ladres Bidze in eksplik en pti pe *the arrangement* pou sa batiman. E nou osi tou nou pe *look forward*. Parske ler nou ti dan Lasanble komansman lannen nou mansyon lefe bann *issues* ki nou annan avek *Customs House*. Ki i annan delo *basically* pe antre.

E sa tim ki dan *Customs House*, i enn bann tim ki pou bezwen ganny bouze pou vin dan sa batiman zot osi.

Kot i konsern logmantasyon saler, Bidze sa lannen ti aprouv an Mars, *or early in the year*. E pou nou, nou *provision dan budget*, tou nou bann *recruitment* ti dan milye lannen. So, ou pou vwar prezan 2022 *the budget* i *for a full year*. So, definitivman i pou annan en pti pe provizyon an plis.

Me nou annan serten pozisyon an adisyon avek sa ki nou ti gannyen lannen pase e sa i plizoumwen dan serten *areas Customs* ki en pti pe nouvo. Par egzanp *IPHS* ki mon ava les Mr Barrack eksplik ou kwa sa ki nou pe fer laba e akoz nou bezwen sa tim.

E nou osi annan en tim pou Erport. Nou'n tann koze bokou lo servis kourye, so nou annan provizyon pou terminal avek kourye pou nou kapab si oule *improve* servis ki nou ofer laba.

So, kot *Tax* li i plizoumwen bann oditer, e parey mon ti dir taler, ranforsi *EAU as well*.

E nou annan serten lezot pti *areas* par egzanp *investigation* kot *Customs, risk PCA* ki nou pe ranforsi. E sa i form par bann reform ki nou oule fer ansanm avek sa bann konsiltan ki nou anvi met lo kontra lannen prosenn.

So, mon a les Mr Barrack eksplik en pti pe travay ki nou oule fer kot *IPHS* i konsernen.

**MR SPEAKER**

*Thank you, Commissioner.* Mr Barrack.

**COMMISSIONER OF CUSTOMS PAUL BARRACK**

Mersi Chair. Travay ki nou pe sey fer kot *IPHS* son rol prensipal se pou *enforce border control* dan sa *area* kot *IPHS* i ete. Nou oule met en tim laba pou zot fer bann lenspeksyon, menm parey ki ganny fer lo *New Port*, lo bann aktivite ki *go on* dan sa *area* kot *IPHS*. So, i annan en pe letan ki nou pe sey *recruit* dimoun e rod sa *funding* ki nesese pou annan sa prezans laba.

Nou'n deza ganny *allocated* en lofis ki nou pe *share* avek *National Biosecurity Agency* pou nou met ou bann dimoun. E nou espekte ki larestan lenfrastriktir ki nesese i pou vin an plas byento, koumsa nou kapab bouz nou tim laba pou fer sa travay si i posib 24 lo 24. *As long* ki i annan aktivite ki pe *go on* laba. Bato pe sarze oubyen pe desarze. Nou oule met en prezan la pou er sir ki tou keksoz i mars *according to* prosedir, *according to norm* ki i

devret ganny fer an relasyon avek *Customs Legislations*. Mon espere ki sa in klarifye sa kestyon sifizaman. *Thank you* Mr Chair.

**MR SPEAKER**

*Thank you, Mr Barrack.* E nou a pas swivan. Onorab Bastienne.

**HON DESHEILA BASTIENNE**

Mersi Mr Speaker. Bonn apre midi Mr Speaker. Bonn apre midi Minis ek ou delegasyon. *CEO* dan sa laliny anmas plis reveni pou elev lekonomi pei, mon ti ava kontan vin ankor lo sa kestyon ki ou Departman pe mazin fer avek sa bann marsan ki annan en serten letan?

E zot konnen parey dan granmaten bann laboutik i ouver en pti pe boner. Petet bann dimoun pe depese pou al travay. E osi lo tar apre midi dan 5er an montan, zot kontan zot servi *calculator*, zot ankor pe servi *calculator* ler dimoun i vin aste komodite. E mon krwar ki sa i fer ki i pa anrezistre *tax* e zot pa pou kapab arive deklar zot reveni ki mannyer fodre, ki zot pe mazin fer ek sa bann marsan? Si zot pou met ankor zofisye lo semen pou fer sa bann *check*?

Apre mon dezyenm kestyon eski dan *SRC staff* an

se moman zot pe fer *overtime*? E eski i annan en *backlog overtime* ki pa ankor ganny peye? E si wi mon ti ava kontan konnen si dan sa Bidze i annan provizyon pou *backpay* sa bann *accumulated overtime*? Mersi.

**MR SPEAKER**

*Thank you.* Minis i ava konmanse wi.

**MINISTER NAADIR HASSAN**

Mersi Mr Chair. Mersi Onorab mon ava pran premye kestyon apre dezyenm mon ava pas avek *Commissioner*.

Lo konsern bann *retailers*, parey mon ti anonse dan Bidze nou pou fer li vin en kondisyon *Licensing* ki tou *retailers* i annan li en *cash register* avek *POS*. Sa i pou vin en kondisyon *License* mandatwar.

E son dezyenm faz, ki ler nou *procure* sa sistenm kot nou sa *software* kot nou kapab *link up cash register* direkteman avek *SRC*. So sa i plan ki annan pou redwir labi lo koleksyon *tax* dan *retail sector*. Mersi.

**MR SPEAKER**

*Thank you. Commissioner?*

**COMMISSIONER GENERAL VERONIQUE HERMINIE**

Petet mon ava zis azoute sa *software* i *actually* dan nou *budget that's R54 million*.

So kot i konsern *overtime* wi *staff* i annan serten kategori *staff* ki kapab fer *overtime*. *Actually* pandan letan *amnesty* nou ti vwar li neserer pou nou fer *overtime* dan Sanmdi e *public holidays*, pou nou kapab si oule *meet target* ki nou ti'n set pou *amnesty*.

E nou osi annan en *backpay overtime* kot i konsern nou annan de konponan. Nou annan bann ki'n travay *PH* lo terminal ki pe ganny finalize.

E nou annan osi letan *SRC* ti sanz son *Scheme*, so i annan en *backpay* aköz *the salary* in sanze. So definitivman *the rate* ki'n ganny servi pou kalkil zot *overtime* osi i bezwen sanze. So sa osi i dan semen pe ganny finalize.

**MR SPEAKER**

*Thank you Commissioner.* Swivan Onorab Egbert Agale.

**HON EGBERT AGLAE**

Mersi Mr Chair. Bonn apre midi *panel SRC*. Minis mon pou met en pti pe lanfaz lo sa size *POS*. E ou'n fek donn en larepons la, etandonnen ki sa lanons in ganny fer dan ou *speech* Bidze. Petet an vi ki ou pe dir ou pe donn en kondisyon

avek *Licensing* pou zot sa - ki pou arive an atandan ki - eski *Licensing* pou al fer en parey en *door-to-door* kot sa bann biznes ouswa i zis ki ler zot *license* pe al *renew* ki sa kondisyon pou ganny *review* avek zot? Mon ti ava kontan en lesplikasyon lo sa.

Dezyenm CEO Komisyoner kote *tax amnesty* mon anvi ganny en pe leklersisman, lo sa legzersis li menm. Petet la si ou kapab petet dir nou, mon krwar ou'n nonm en sonm taler petet kantite ki zot in kapab kolekte. E ki arive avek sa apre sa peryod *amnesty* i fini, eski prezan nou pou al vwar bann aksyon legal ganny pran?

E dernyen se kot i konsern *clearing of goods* i annan en bon pe konplent la deor ki ankor annan serten retar kot i konser *clearing*, e bann komersan pe vwar zot pe pey bann *fee*, bann *demurrage fee*. Sirtou la dan letan festivite kot i annan en kantite gous kot pe antre.

So ki zot pe mazin fer petet pou en pti pe kapab soulaz sa bann enportater li menm? E dernyen kot i konsern *clearing agent*, eski sa bann *issue clearing agent* ki ti egziste - akoz parfwa bann ledwa - blanm pe ganny montre lo SRC li menm, me selman nou konnen poudir i

annan serten fot mon kapab dir ouswa serten mank responsabilite parfwa, lo serten sa bann *clearing agent* pou kapab delivre sa servis kot zot kliyan. Petet ki zot pe mazin fer? Mersi.

### **MR SPEAKER**

*Thank you.* Minis.

### **MINISTER NAADIR HASSAN**

Mersi Mr Chair. Mersi Onorab. lo ou premye kestyon *regarding* lenplimantasyon pou annan sa *requirement* pou POS. Premye keksoz nou bezwen gete ki nou pe al konmans diskite avek *SLA*, se ki bann provizyon ki ou bezwen provizyon legal *or contractual* avek *Licensing* pou bezwen met an plas. Konmans en sesyon *sensitization* avek tou bann *retailers*.

E *once* ki tousala i ganny etabli, *then* donn en peryod tranzisyon akoz i bezwen annan *procurement* ki arive met an plas tousala, pou antisipe sa i bann *issue* ase konplike.

So me selman en peryod tranzisyon. E *once* ki nou agree lo en dat avek - mon mazine diskisyon avek bann *retailers association* agree en dat e nou enplimante *and it's enforced as a condition to the license*. Sa premye.

Mon ava zis not en pwen ki kekfw a pre *Commissioner* al en pe plis lo la. Sa *issue* pou *clearance of goods*. Ou konnen mon osi mon ganny en kantite bann konplent sorti kot bann *importers* ki dir mon zot *goods* de semenn dan Por pa pe sorti.

Mon toultan *pass on the* sa bann mesaz kot *Commissioner*. E mazorite letan ler zot gete, se ki *clearing agent* pa'n zanmen met sa bann - pa'n *lodge* sa bann bil dan sistenm.

Me selman zot, zot pe dir ek kliyan *Customs is that fault* pa pe *clear* zot *goods*. Be *the bill of an entry* pa'n zanmen ganny mete dan sistenm. Selman *Customs* i pran blanm.

So la mon krwar i annan en problenm. Be kekfw mon ava donn *Commissioner* ouswa Mr Barrack loportinite pou *describe* en pe bann lensidan ki arive. Mersi.

### **MR SPEAKER**

*Thank you* nou ava pas kot Mr Barrack.

### **COMMISSIONER OF CUSTOMS PAUL BARRACK**

Mersi Chair. Parey *Minister* fek dir i annan en bon pe ka kot lazans swa zot pa met bil ditou dan sistenm. E zot pa enform zot kliyan poudir zot pa'n met bil, *or* zot met bil dan sistenm,

me selman i annan en kantite lerer avek sa bil.

Prezan nou zofisye i bezwen *spend* en kantite letan *communicate* avek zot lazans pou demande pou klarifye serten mankman, oubyen serten lerer, pou eksplike ki mannyer zot in ganny sa *figure* oubyen sa *HS Code* i mal, *country of origin* i mal. *So many information* ki parfwa zot donnen ki i pa *accurate*, ki ou bezwen *go back to* sa lazans pou demann zot pou klarifye.

E sa parfwa i pran letan. Espesyalman letan ou anvoy en *query* Vandredi kot sa lazans pa reponn Vandredi i reponn Lendi. Prezan deza ou annan sa *whole weekend* ki pase, ki *aggravate* sityasyon e prezan sa en enportater ki pa zanmen ganny laverite *from* lazans, prezan i blanm *Customs*.

E zis avan mon vin isi, i annan de ka ki'n ganny met dan mon latansyon, tou le de ka i annan pou fer avek lazans ;- ki swa in fer bil mal an antye, ki bezwen ganny refer, *or* in fer bil ki annan en kantite fot e nou, nou pa kapab *release* marsandiz si sa dokimantasyon i pa annord. Mon espere ki sa in klarifye keksoz.

### **MR SPEAKER**

*Thank you. Eski i annan lot pwen pou Commissioner ?*

**COMMISSIONER GENERAL VERONIQUE HERMINIE**

Petet zis mon ava avan mon pran *amnesty* mon ava zis azout en pti pwen kot i konsern *clearing agent*.

Nou annan bann travay ki nou'n fer ansanm avek *tax agent and Clearing Agent Board* atab.

E i annan bann amannman ki pe vini dan Lalwa si oule, ki pou permet nou adrese bann *issue* ki nou *face* avek bann *agents, be it tax be it clearing agent*.

*So that* okenn kliyan - akoz nou annan osi *tax agent* kot bann kliyan i konplent zot avek nou, zot pa pe donn sa servis ki zot sipoze. *So* zot a kapab avek sa lamannman ki pou vini i ava permet zot si oule, ava adrese e si fodre retir *license* sa bann dimoun zot kapab fer li.

*So* kot i konsern *amnesty, quite frankly* nou ase byen *happy* avek *the result*. Petet i ti e pti pe *beyond* sa ki nou ti pe espekte.

*So* sa *amnesty* ti annan 3 *leg*. Parey zot rappel. *So* premye *leg* si le premye Zilyet ziska le 31 Out kot dan *main* konponan

*was en waive of 75% of the interest.*

*So* pou premye *leg* nou ti ranmas nou an term peye, *tax* avek lentere, en total R92.69 milyon.

*So* sa dezyenm *leg* 31 Oktob nou'n anmas nou en total R15 milyon. E ziska la le lafen Novanm *actually* mon fek ganny *figures* avan mon vini, total depi le 1 Zilyet ziske le 30 Novanm i R125 milyon *paid tax* avek lentere.

Me sa *amnesty* ti osi ofer en *waiver of* bann penalti e total penalti ki nou'n *waive* i ti R153 milyon.

*So basically* sa *amnesty* in permet nou fer en rediksyon dan nou bann det apepre 260.9 milyon ki pou nou *basically* ti *the aim* pou nou redwir nou det dan liv.

Nou ti annan an tou 801 *tax payer* ki'n vin devan, ki'n vin peye *so* sa peyman. Nou annan bann ki pa neserman ti annan en *primary tax* ki zot ti dwa. Petet zot ti annan zis penalti. *So* nou annan en bon konponan ki'n vini osi zis pou fer sir zot, pou zot regarde si zot annan okenn det enkli zot penalti dan milye. *That was it.*

**MR SPEAKER**

*Thank you Commissioner. Wi Mr Barrack i oule azout keksoz.*

**COMMISSIONER OF CUSTOMS PAUL BARRACK**

Mersi Chair. Zis pou azoute Onorab, i annan en lot aktivite ki nou fer toulezan pandan sa letan festivite, kot nou ofer en pe erdtan an plis avek bann *clearing agent*, pou kapab anpes lanbouteyaz arive pandan sa bann letan festivite, kot nou ganny en kantite *container* oubyen kantite *consignment* ki antre.

So nou annan lentansyon sa lannen osi pou koz avek tou bann *stakeholders* ki nou travay avek pou agree pou travay petet avek enn de trwa erdtan an plis pou frenm en pti pe pli tar. Pou ki bann dimoun ki zot *consignment* i vin tou ansanm en sel kou, pou zot kapab *clear* zot marsandiz. Mersi.

**MR SPEAKER**

*Thank you.* Swivan Onorab Woodcock.

**HON WAVEL WOODCOCK**

Mersi Mr Chair. Minis mon kestyon i konsern sirtou kot i konsern pou adres sa *issue tax division* bann *retailers*.

Mon vwar dan Bidze ki SRC byento pou met an plas en *invoice management system*. Mon vwar en *Foreign Grant Financing* R60.6 milyon ki mon prezimen i sa.

Mon kestyon i lekel pei ki pe donn sa *Grant*? E i annan de alokasyon Bidze. I annan pou 2022, 54.5milyon apre 2023, 6 milyon.

Mon kestyon i kan ki zot pou *rollout* sa program? Kan ki i pou vin an fors? Si zot pou *set-up* sa sistenm la i pou vin an fors apartir 2023? So zis si ou kapab donn en pti pe detay lo sa *invoice management system*? Mersi.

**MR SPEAKER**

*Thank you.* Minis ou a adrese.

**MINISTER NAADIR HASSAN**

Mersi Mr Chair. Mersi Onorab pou ou kestyon. Mon ava pas avek SS ki anr SS i laba. Mrs Herminie ou a reponn.

**COMMISSIONER GENERAL VERONIQUE HERMINIE**

*Actually* Depite ti'n byen prepar li pou sa enn kestyon. So tou bann keksoz *software* i pou Depite. So mon ava les li reponn ou Onorab.

**MR SPEAKER**

*Certainly. Deputy* eski oule reponn.

**DEPUTY COMMISSIONER  
GENERAL FRED MOREL**

Ok mersi Onorab pou ou kestyon. Sa *Grant* aparaman manner mon ganny en konpran pou ganny en donasyon *fom China, La Chine*.

E ki nou pou bezwen fer pou enplimant sa sistenm, *basically* nou ti fer en pe resers lo la an 2019 - Desanm 2019 kot nou ti annan en lakonpanyen *Chinois* ki ti donn nou en *proposal* lo la - lo sa sistenm, ki manner i pou marse.

Dan zot *proposal* zot ti get si letan zot in fini ganny *license* pou sa - *I mean* Kontra pou sa proze, *then* i pou pran apepre 6 mwan pou zot enplimante. Selman parkont i annan tou sa bann eleman *planning*. I annan Lalwa kekfwa ou pou bezwen sanz Lalwa pou resevwar sa bann lenformasyon.

Akoz parey Minis in eksplike sa sistenm pou konekte direk avek *SRC*. I annan nou nouvo sistenm *tax* osi ki nou devlope ki probableman nou pou bezwen fer li entegre e konekte avek kanmarad.

Sa sistenm li menm i annan dan sa *proposal*. I annan

bann konponan *hardware* ek *software* ki vin avek. *Hardware* dan sa *quote* ki zot ti'n donner i annan apepre 1800 bann bout *fiscal device* ki sa *basically* ou met li lo *premises* sa bann biznes, sirtou bann ki en pe ptipti ki napa en *POS system* pou lemoman.

E i annan bann ki *mobile* parey ou kapab servi dan restoran. E bann ki li i pou *fix*, parey ou kapab servi li dan bann laboutik.

Prezan sa sistenm i pou *standardise* sa bann *invoice* ki ganny tire atraver sa bann *device*, letan sa bann - en sel i ganny pase a sa pwen kot sa *device* i ete.

Prezan sa bann lenformasyon *in real time* i poum ganny anvoye kot *SRC*. Parkont bann *customers* osi zot kapab pran en kopi sa *invoice*, al lo *internet* lo bann *website* pou verifye si sa *invoice* i *genuine*. sS i pou *cut down* lo osi tou si i annan bann *invoice* ki pa *genuine* ki pe ganny donner.

E apre i annan en lot konponan osi tou pou bann dimoun ki - bann dan biznes ki *already* annan bann *cash register*. I annan en lot bout *hardware* ki kapab entegre avek sa bann *cash register* pou zot osi tou zot vin konpatib avek sa

sistenm. Mon pa konnen si mon'n donn en bon lesplikasyon. Mersi.

**MR SPEAKER**

*Thank you Deputy.* Mon krwar i bon. Nou a swiv Onorab Henrie.

**HON GERVAIS HENRIE**

Mersi Mr Chair. Bonn apre midi tou dimoun. Mr Chair mon kestyon i annan pou fer avek bann keksoz ki Minis ti dir nou le 9 Avril ki SRC ti pe planifye fer pou Bidze nou ti pe donn li 2021.

So mon anv'i zis konn en pti kontrandi lo kwa ki'n ganny fer? *How far* in ale, ki nou ava satisfere nou lekòr poudir vreman bann keksoz pe bouze. Par egzanzp i ti koz lo ranforsi *compliance* ek Lalwa spesyalman pou *tax payers*; -ranforsi bann kapasite bann zofisyè Tax ek Ladwann atraver restriktirasyon entèrn; -peyman en soumet *tax return online*.

E la mon ti ava kontan konnen ki pousantaz zot bann servis ki *online*. An term *goods and services* si dwatet i annan en larzan pou zot. Pou aste scanner, pou Customs e Lapos e osi *forklif* pou servi dan langar. Donk mon anv'i konnen pti pe lo la.

E apre konsènan zot *website*, mon pe mazine si zot pe mazin pou *update* li. Mon vwar li en pti pe *busy and very difficult to navigate*. Mersi.

**MR SPEAKER**

*Thank you. Commissioner.*

**COMMISSIONER GENERAL VERONIQUE HERMINIE**

Mon ava pran bann dernyen *I guess*. *So the website* nou'n fer, - *quite* avanse *actually* an term redevlopman nou *website*.

Me solman nou ti annan plan pou *launch* li le 6 Desanm ki sa semenn la i *basically* semenn ki nou pe selebre nou lanniverser - *12 years*.

*But unfortunately, due to some key hiccups* nou pa'n kapab fer li. So anba nouvo CMS nou annan posibilite pou nou osi reget nou *website*. So nou pou *sort of sey package* tousala ansanm, e regarde si nou kapab *launch* li *towards* avan *middle of next year*.

*You are correct though by saying that is very busy*. So-. E sa enn nouvo si oule, i en pti pe pli – menm pli atiran *basically* e pli senp petet pou dimoun *navigate through*.

Kot i konsèrn *forklif* avek scanner, tou le de in fini ganny *order*. Nou ti *go through the*

*process of Procurement. So approval* ti'n gannyen. Nou'n fini fer peyman e tou le de i espekte dan pei an Zanvye lannen prosenn.

Kot i konsern restriktirasyon entern, enn bann restriktirasyon sete kreasyon en nouvo *unit* dan *Tax, which was the Examination and Analysis Unit* sa ki nou apel *EAU*.

E parey mon'n dir i ti - nou nouti lans li si oule le 6 Septanm sa lannen. E bann *case* ki zot in konplent mon kapab dir ou akoz pou nou, nou santi poudir *we are on the right track by* kreasyon sa *unit*.

Nou'n fini an tou depi Septanm ziska lafen Novanm nou konplet 88 *cases*. Nou annan 12 *staff* dan sa *unit* e mwan Septanm nou *focus* ti plizoumwèn lo *training – internal*, pou fer sir pou fer sir poudir zot konpran zot rol ki zot sipoze zwe. E an term koleksyon pou sa 88 *case*, zot ti ranmas R1.4 milyon.

Dezyenm keksoz ki nou ti fer ki mon'n fek koz lo la *was the amnesty*, i osi tou nou santi poudir *it was a success*. Nou annan nou *unit* kot *Clearance Audit*, ki li osi tou i annan finalman 5 *staff - if I am not mistaken*.

E li osi son – (mon ava zis rod mon) in fer li 18 ka pou sa lannen e an term *funds in raise* R2.4milyon.

*So Post Clearance Audit* i enn bann ki pe *go through* kapasite *building* e nou annan en legzersis ki nou ti pe fer avek *IMF* la ki *tax out*, an term kapasite *building* pou sa tim dan *Post Clearance*.

Kot i konsern Lalwa, mon konnen poudir i annan serten provizyon Lalwa. SS i ava koriz mwan si mon mal, ki pe vin devan Lasanble tre byento. Sa bann travay ki nou'n fer. I annan lezot *policy review* ki *unfortunately* nou pa pe kapab anmennen la. Me solman ki ava konmansman lannen prosenn.

E kot i konsern *compliance*, nou tim odit in *basically* kapab konplet ziska lafen Novanm, 228 *case* e *raise assessment* pou R131.2milyon.

*So the amnesty* i ti enn bann *major tool* ki nou'n met an plas si oule, kot i konsern *compliance*, pou ankouraz dimoun pou vin devan. E Onorab taler ti Aglae ti mansyonn ti demann mwan *actually what next?*

So bann dimoun i annan en bon pe ki nou ti'n *earmarked for amnesty*, me ki *unfortunately* pa'n vin devan.

E se sa bann ki nou'n aprezan *earmark* zot *for prosecution next year*.

So nou annan 34 *case* ki nou'n fini de kote pou en lavalè R144milyon ki zot *drwa between them*, e ki nou *earmark* pou *prosekisyon* lannen prosenn. Nou deza annan 14 *case* avek *AG's office*, e ladan 5 i deza Ankour. So bann dimoun ki pa'n vini *unfortunately* sa dernyen ler i pa enn ki dan zot lavantaz *it was the first leg*, ki ti pli bon pou tou dimoun.

So bann ki pa'n vin devan e zot annan zot ozordi le 9 - so i pa reste bokou zour pou zot vin apros *SRC*, regarde kwa sa ki nou kapab fer pou ed zot avek zot det.

So parey mon'n dir nou *focus for next year* pou *EAU* i 760 *case for the whole year* e pou odit i *again 365 case*.

*Arrr sorry actually* nou'n kapab depi Zanbye sa lannen, nou ti lans *e-payment service*, me solman nou napa tro bokou dimoun ki pe servi. Mon krwar i annan en santenn. *But* an term *e-service* nou annan 3069 dimoun ki anrezistre *for e-service*. Me selman *the e-service* i pa neserman zis pou *tax*, i plito osi bann ki pe servi pou zot kapab *access* avek *Asycuda system*.

E an term *e-filing of returns*, mon krwar i annan 57 dimoun *if I am not mistaken*, 50 dimoun ki pe servi pou fayle zot *business tax return*.

E apepre en swasantenn osi ki pe servi pou *presumptive tax return*. Nou annan lezot ki pe servi *e-filing for payroll*. Me solman sa enn mon'n napa *figure*, akoz sa zofisye, *unfortunately* pa ti dan lofis.

So i nou plan pou promot si oule *e-payment service*, parske *we are going* - menm pei son Polisi se *going cashless*. E osi tou *internally* an term sa bann restriktirasyon ki ou'n koz lo la, menm nou *revenue section* nou annan bann pozisyon *cashier* ;- par egzanp ki'n ale, ki nou *basically* ki pe re aranz sa bann pozisyon *so that* bann travay ki nou fer, akoz nou pou nepli sa kantite *cashier*, si zot kapab fer bann travay *back of house*. Kot nou fer bann rekonsilyasyon pou sa bann *e-payment* ki nou resevwar.

*So this is* en pti pe an gro bann travay ki nou'n fer. Nou'n osi an term restriktirasyon nou ti bouz nou *warehouse* pou nou kapab - si oule fasilite *the process of public sale and all of that*.

So nou *public sale* in vin *online as part of the e-service* e

in sitan bizi *the first day* ki nou'n lans li, *it crashed*.

So mon pa konnen si zot in vwar bann notis *we had to relaunch* li *again*. E i fermen - in fermen depi yer.

So nou *warehouse* li i kot *FSA* e i *basically* permet nou kapab fer en pti pe plis *cleanups*. So sa en pti pe bann keksoz ki nou ti'n komet pou nou fer e ki mon krwar nou'n kapab fer li *to at least 90/95 percent of* sa ki nou'n dir.

### **MR SPEAKER**

*Thank you Commissioner.*  
Wi Onorab.

### **HON GERVAIS HENRIE**

Mersi Mr Chair. Mon krwar mon pa pou kapab gat sa sans, mon anv'i felisit *SRC Commissioner* avek ou tim. Parske ou enn bann antite ki'n vini ki an Avril ti dir nou zot pe al fer sa, sa e zot in donn nou bann rezilta tanzib, kot nou'n vwar reveni pe antre.

Napa en fwa ki ou'n mansyonnen poudir akoz *COVID* nou pa'n kapab fer sa. Ou'n *actually* fer e nou vwar progre. So mon anv'i dir ou felisitasyon ou avek ou tim. *Keep up the good work!*

**(APPLAUSE)**

### **MR SPEAKER**

Mersi Onorab. Mon asire *panel* in note avek apresyasyon. Nou ava pas lo kestyon Onorab Pillay.

### **HON SEBASTIEN PILLAY**

Mersi Mr Chairman. Bonn apre midi lekip *SRC, Commissioner* avek ou delegasyon. E bonn apre midi tou dimoun ki a lekout. Mr Chairman anba sa Bidze ki la, mon ava met an perspektiv ki nou ti'n deza zwenn avek *SRC* osi konman *FPAC*, pou diskite serten size. E enn bann eleman ki nou ti diskite sete sa size en sistenm *X-ray* pou *container* lo Por.

E mon krwar sa ti sipoze enn bann *tools* pou ed *SRC* dan lavantaz lo *clearing* bann *container* e redwir letan e sirtou pou fasilite zot travay.

Eski *SRC* i kapab dir nou pe regard zot *minor capital*, mon prezimen sa i pou en lenvestisman ase sibstansyel.

Eski mon kapab ganny en - si oule en lesplikasyon lo *what is the timeframe* kote nou ete avek sa lekipman, akoz sa i ti en lekipman ki i pa nou'n tann koz lo la pandan en pe letan e mon krwar i en keksoz ki nesese pou ed *SRC* dan son travay.

Mon dezyenm kestyon i swiv *from* kestyon Onorab

Henrie avan mwan ;- en eleman se ki SRC in kontinyen travay menm pandan letan COVID son *staff* in travay.

E mon prezimen, eski Minister Finans in regard sa kote kot *staff* petet son – re *feel* parey en pti pe *about* sa lefe ki zot in travay, akoz mon prezimen nou pou annan bann antite gouvènmantal ki pou annan sa *feeling* lo kote zot bann *staff*.

E mon mazine *staff* in bezwen kontakte lezot Onorab osi *in regarding* sa, so eski zot in annan sa diskisyon avek bann *staff*?

E mon dernyen pwen, mon krwar si i annan en keksoz ki nou osi nou'n note atraver FPAC, se ki'n annan en *very strong commitment* avek SRC, malgre zot in ganny presyon *from different sides* parfwa, pou zot retenir serten zot pozisyon *regarding* fer serten keksoz e lafason ki bann *tax* i bezwen ganny peye.

Enn bann eleman ki nou ti vwar toultan, sete bann kondisyon travay pou bann *staff* SRC. Mon konnen zot in sey fer zot mye pou amelyor sa bann kondisyon travay.

So *regarding* Bidze, ler nou pe regarde, mon prezimen Gouvernman i annan en limit

kwa ki zot kapab fer *regarding* sa?

Me eski i annan lentansyon pou vwar *given* performans SRC, pou met en pe larzan *regarding* dan *regarding* kondisyon travay bann *staff* pou regarde si sa i kapab ganny-.

Akoz ler mon pe koz kondisyon mon pe koz son fizik pa lezot kondisyon. Sa i en diskisyon ki mon'n demande dan premye kestyon. Mersi Mr Chairman.

### **MR SPEAKER**

*Thank you.* Minis i ava konmanse.

### **MINISTER NAADIR HASSAN**

Mersi Mr Chair. Mersi Onorab. Premye kestyon *regarding X-ray container scanner*. I annan diskisyon *between SRC Ports Authority* ek kot transpor, pou nou gete enn ;- finansman, e ki mannyer nou pou met an plas. Sa i en priyorite. Pa zis pou SRC, me osi nou *border control*, i en keksoz ki en priyorite pou nou. So diskisyon pe kontinyen lo la ASAP pou nou kapab met sa an mars.

Lo kote *staff welfare* - wi i annan serten keksoz ki'n ganny met devan mwan. E sa i ankor pe ganny diskite ki pozisyon

pou pran lo la parey bann lezot antite. E byento bann *staff* ava ganny enformen.

Lo kote *work condition*, ou konnen ler e sa plis lo kote *Customs*. Ler mon ti fer mon vizit lo *Airport* e lo Por, wi bann kondisyon i pa bann kondisyon ideal pou travay ladan. E mon ti donn Komitman *management SRC* ki nou pou bezwen aranz sa.

Me i pa bann keksoz ki nou kapab fer *ASAP*. Enn bann premye soz sanmenm sa nou'n bouz li avek se nouvo *building SRC*, ki pou donn en kondisyon ase pli byen en nouvo *building*. E sa i ava benefisye *both domestic taxes*, bann *staff* e kot *Customs*.

Lot se lo Por li menm, e sa avek - i bezwen sa redevlopman Por ki pe al konmanse lannen prosen. E mon'n demann *Commissionner* osi ki i angaz li avek *Ports Authority* fasilite *Customs* i ganny enkorpoze dan devlopman Por akoz sa i entegral ladan.

Lot se *Airport* kot *both* kot kargo e kot *Passenger Arrival* kondisyon i pa bon pou bann travayer *Customs*.

Me sa i annan i en diskisyon ki nou bezwen fer avek - *well* ki'n fini konmanse avek *SCAA* dan redevlopman

*Airport*, ki mannyer nou kapab enn ; - agrandi kot kargo i ete.

Akoz kot kargo i vini ozordi i menm *basically* menm *size* ki i ti ete plizyer lannen pase, me nivo volim kargo ki antre i en kantite plis. E osi la kot *Arrival* i pa *conducive*. I napa *privacy*. E *staff* osi i ankonbre, delo i koule dan *Airport*.

So i annan en pe en bon pe louvraz lo kote investisman dan lenfrastruktir pou amelyor kondisyon travay bann sa. Me sa nou pou bezwen fer li bout, par bout, akoz i pa zis dan lanmen *SRC* me i bann lezot Lotorite ki *manage* sa bann landrwa. Me nou, nou pe pouse ki sa i ganny fer dan en dele letan, ki ava adres sa bann *issue*. Mon krwar mon'n adres *most* bann *issue*. Mersi.

### **MR SPEAKER**

Yes. Wi Onorab Pillay, annou terminen.

### **HON SEBASTIEN PILLAY**

Wi Mr Chairman, mon pou terminen. Mon not sa bann larepons ki Minis pe donn nou. Eski Minis i kapab dir nou *regarding* bann diskisyon, akoz nou konnen *Port Authority* pe angaz li dan en devlopman fas ek mazer.

Eski nou kapab asire ki Lasanble i kap ganny sans *follow-up* lo sa size sa *container scanner*? Akoz sa i en keksoz ki nou'n *take up* dan sizyenm Lasanble. E mon krwar petet osi Komite Zafer Etranzer e menm FPAC, i kapab antre dan sa ki pe pase, akoz i pou annan probableman en lentansyon pou koz avek en bayer defon oubyen anba en lakor bilateral, pou *provide* sa servis.

Akoz zisteman si sa bann pei i oule Sesel *tackle base erosion and profit shifting*. Zot oule nou fer zot lapolis pou zot. Oubyen zot bezwen osi parey pou komit zot, pou met serten larzan dan pou nou kapab *police* sa ki pou nou osi.

Akoz zot bezwen nou pou protez zot bann *assets* ki bann dimoun i met dan bann kont *offshore*, me zot pa oule komit zot lekor pou zot ed nou dan lafason ki nou, nou *deal* avek protez nou bann prop sa. So mersi Mr Chairman. Sa i mon kestyon.

### **MR SPEAKER**

*Panel. Minis.*

### **MINISTER NAADIR HASSAN**

Mersi Mr Chair. Mersi Onorab. Wi mon not pwen ki Onorab in mansyonnen e parey mon'n dir sa *issue the container*

*scanner* i reste en priyorite pou nou. Mersi.

### **MR SPEAKER**

*Thank you* Minis. Nou ava pas lo Onorab Bistoquet.

### **HON ROSIE BISTOQUET**

Mersi Mr Chair. Bonn apre midi *CEO* - non *Commissioner sorry*. Mon de kestyon ki mon ti pou demande enn ti lo *invoice* apre lot ti lo *building*, mon krwar sa in ganny pran.

Me selman mon annan en ptipti kestyon lo *CEO*, eski i annan prezans pou servis *Customs SRC* dan tou *port of entries*? Par egzanp nou konnen i annan Erport avek Lasose avek *seaports*.

Eski *SRC* pe konsider lezot pwen antre apard ki sa de gran Por ki egziste Sesel dan lefitir vi ki nou pe ganny plis devlopman dan Sesel? Mersi.

### **MR SPEAKER**

*Thank you. Commissioner*, ou ava adrese.

### **COMMISSIONER GENERAL VERONIQUE HERMINIE**

Mr Chair *unfortunately* Sesel i annan zis en Por. Enn sa en bout sa Por *basically the IPHS* ki depi lannen pase *Port Authority* ti'n demann nou pou

nou met prezans *Customs*. *Unfortunately* an vi Bidze nou pa ti kapab.

E li sa dezyenm konponan ki nou'n anmennen la sa lannen anba nou Bidze, pou nou kapab kouver sa lot bout Por Victoria *basically* i ki i *the fishing port* annan prezans *Customs* e tou bann lezot lazans. Parey i annan lo por komersyal.

**MR SPEAKER**

*Thank you.* Wi Onorab Bistoquet. Terminen *please*.

**HON ROSIE BISTOQUET**

Mersi mon *very brief, what about* bann dimoun - *well* dimoun pe demande *what about Eden Island*, eski li osi i en *port* ki i annan tranzaksyon dimoun i antre i sorti. E ki zot pe konsider sa osi? Mersi.

**MR SPEAKER**

*Thank you. Commissioner.*

**COMMISSIONER GENERAL VERONIQUE HERMINIE**

*Eden Island* nou annan en laranzman si oule *between SRC Eden Island, SMSA* e avek *Port Authority*, kot i konsern mouvman bann yot. E sa i en keksoz nou ti koz lo la konmansman sa lannen.

So laba travay i konpletman diferan. I nou tim kot *inland revenue basically* ki tanzantan i fer bann lenspeksyon, pou fer sir ki tou bann yot i dan kot *Eden Island* i *basically* i bann ki dan *record*. E ki *SMSA* osi tou annan rikord.

Me solman i pa ti dan nou plan pou nou annan en prezans permanan kot *Eden Island*.

**MR SPEAKER**

*Thank you.* Nou a pran kestyon Onorab William.

**HON WAVEN WILLIAM**

Mersi Mr Speaker. Bonn apre midi Komisyoner Zeneral avek ou lekip. Mon anvi demann avek Komisyoner Zeneral mon pe regard *current receipt* latab 2, i annan bann sif ki ou'n donner la, me solman sa bann sif i annan serten bann dekalaz. Par egzanp mon gete pou 2021 anba *trade tax*, avek *Customs fees* mon vwar poudir nou ti'n bidze 10.6milyon e *revised* i 1.9.

E mon anvi konmsi ganny en konpran *or* si ou kapab donn nou si ou annan len formasyon an term poursantaz *trade tax* avek *the fines* si ou annan. Akoz zot met tou le de ansanm.

Epi mon pe vwar poudir anba *SRC processing fee*, savedir lafason ki'n ganny mete.

Napa okenn tranzaksyon ki'n arive anba sa *heading processing fee*, akoz mon vwar poudir aparet 2022.

So epi en pti pe pou piblik osi kapab konpran akoz letan nou pe koz lo kote *storage*, la osi sa sif i en pti pe annan en pe dekalaz e ki mannyer ki zot sarz bann kliyan, pou dimoun kapab konpran en pti pe.

Akoz nou osi konman Manm Lasanble, i enportan dan nou rol *oversight* nou kapab ganny en pti pe konpran ler sa bann sif zot aparet koumsa. Mersi.

**MR SPEAKER**

Mersi. *Commissioner*.

**COMMISSIONER GENERAL  
VERONIQUE HERMINIE**

Mr Chair *quite frankly* sa *budget of 10.6million* ki ti *suprise as well*. Mon pa konnen si petet i tir en *mistake*, parske nou pa ti'n zanmen kolekte sa kantite larzan kot i konsern *fees and fines*.

So Bidze ki'n ganny revize la, pou nou i fer bokou plis sans. Bann *fees and fines*, i plis bann par egzant kot *tax* sa bann *processing fee*, kot ou vwar kot i met nou'n fer provizyon *for 2022*, i bann sertifika.

Par egzant *tax certificate tax residency certificate*. I annan tout en lalis, anba *the revenue Administration Act* diferan sertifika ki nou an marse. Petet par *breaking it down* dan sa de porsyon, i fer li en pti pe pli kler.

Kot *Customs* osi nou annan bann *fees* ki sarze, par egzant letan ou *goods* i dan *warehouse* avek nou, i annan en *rate* ki aplikab letan ou *process* ou bil. I annan *the famous R25* ler ou kot lapos, i annan R10.

So i annan tout en lalis e nou annan plan pou fer serten revizyon serten sa bann *fees and fines*, ki pou definitivman nesesit vin devan Lasanble. Mon pa konnen si enn bann ki'n pare la pou lafen sa lannen, oubyen si i pe vin lannen prosenn.

**MR SPEAKER**

*Thank you Commissioner*. Bon nou ava termin avek Onorab Cosgrow.

**HON WALLACE COSGROW**

Mersi Mr Chair pou donn mwan sa loportinite. Mr Chair mon annan de kestyon. I annan en kestyon konsernan *staff*. Eski dan sa Bidze ki la zot annan en provizyon pou sa bann *staff* Erport ki pou en pe

letan zot dan zot pe *floating around*, kot Erport e ki zot pe ganny en *night shift allowance* si mon pa tronpe.

Me zot pa tro asire ki zot kondisyon travay, vi ki mon krwar zot pe rot en pti pe dan bann diferan seksyon, si zot annan provizyon petet pou *settle* sa bann *staff*?

Aprè dezyenm i konsernan bann *finés* par egzanzp ki bann bato i gannyen *up to* R100mil mon krwar. I annan bann lenstans kot avek lespri ki nou anvi anmas plis larzan, i annan bann lenstans ki i annan bann *fine* pe ganny redwir *up to* petet R2000.

So dan ki lenstans ki zot aplik sa bann *formula*? Mersi bokou.

### **MR SPEAKER**

*Thank you. Commissioner.*

### **COMMISSIONER GENERAL VERONIQUE HERMINIE**

Kot i konsern *finés* Mr Chair anba Lalwa *Customs* si ou en *company* ou sipoze ganny sarze R100 mil pou okenn *infringement* – i annan serten *infringement* ki ou fer. E si ou en endividi ou ganny sarze R50 mil.

So i annan bokou ka kot i vre sa bann *finés* i ganny aziste. Me solman si en dimoun in fer

en lofans en dezyenm fwa, lazistaz i pa osi zenere parey i ete si ou'n fer sa lensidan premye fwa.

I annan de ka ki petet sa *tax* ki sa dimoun i sipoze pey nou, i *very minimal* e petet i sipoze pey nou R300 *let's say*, nou, nou bezwen sarz li R50mil. E se la kot sa bann lazistaz i ganny fer si oule pou sey fer li en pti pe pli *fair, basically* pou sa dimoun.

Me si par azar i repet ankor son lofans, *then* definitivman i bezwen pey son R50mil. Menm si son *tax* i ba. So nou donn zot en sans si an ka i en premye lofans.

Kot bann *staff* ki pe *float around* fransman laranzman in *basically* finalize pou plas zot dan serten sa bann *areas* kot nou'n mansyonnen.

E sa mon swete i arive *by* konmansman lannen prosenn, so ler tou dimoun i konnen ki son pozisyon.

### **MR SPEAKER**

*Thank you Commissioner.* Avek sa nou'n termin kestyon bann Manm lo Bidze e nou pare pou vot lo Bidze *Seychelles Revenue Commission* ki pou en total R231milyon 613mil. Manm ki an faver lev lanmen silvouple? Mersi. Mon vwar tou Manm in vote. Vot lo Bidze pou

*Seychelles Revenue Commission* lo paz 172 ziska 185 pou total R231 milyon 613mil 30 Manm in vot pour, 0 kont, 0 abstansyon.

Donk Bidze in aprouve avek linanimite tou Manm ki prezan. Mon ava remersye Minis Finans e son delegasyon e osi zofisye *Seychelles Revenue Commission* pou zot partisipasyon, pou eksplik nou zot Bidze. Mon swet zot tou bonn kontinyasyon. Pou bann Manm mersi pou zot partisipasyon. Nou a rebran travay demen *matin* 9er. Nou a *adjourn*.

**(ADJOURNMENT)**